

26
124

Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 2.6.124



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124

LAE LII, SIVE
MONARCHI
D V O,

2.6.124

VENTVRA Cocco Academico Trauagliato
AVTHORE.

AD COSMVM MEDICEM,
TVSCORVM PRINCIPEM.



BONONIAE,
Excudebat Ioannes Rubeus, auspice Mercurio.

M D L X I I I .

1473

LIBRARY OF
THE UNIVERSITY
OF TORONTO

UNIVERSITY LIBRARIES

UNIVERSITY OF TORONTO LIBRARIES
UNIVERSITY OF TORONTO LIBRARIES



UNIVERSITY LIBRARIES
UNIVERSITY LIBRARIES
UNIVERSITY LIBRARIES

ILLVSTRISSIMO, ATQ. EXCELL.^{mo}
 COSMO MEDICEO, TVSCORVM
 PRINCIPI.

VENTVRA COECVS ACADEMICVS
 Trauagliatus, perpetuam dicit
 fœlicitatem.



O GIT ANTI mihi sæpenumero mor-
 taliumuenta diuersissima, inspera-
 tos, incredibilesq; casus, & aur. e pro-
 sperè licet fluentis leuitatem; perbea-
 ti illi uideri solent (Illustrißime, atq;
 Excellentissime P R I N C E P S) qui
 opibus uniuersis, cæterisque, quibus maximè delectantur homi-
 nes, rebus: uirtutum omnium procreatrixem, atq; parentem P h i-
 losophiam præposuerunt: cuius imperio, dictiōni, potestati pa-
 rere Fortuna (quæ sibi humanarum uēdicit principatum rerum)
 minimè dignatur; qua nutriuntur animi, & ex corporibus
 euolant ad superos, seq; D E O quām simillimos efficiunt. Hæc
 illa nimirū sapientia est (P R I N C E P S optime, atq; Clarißime)
 quæ neq; in publicis, neq; in priuatis, nec in forensibus, domesti-
 cisue contractibus, neq; si tecum agas quid, nec si cum altero com-
 munices, conferas, atq; componas te deseret, aut errare patietur.
 Verum, certumq; lumen, quo mentes recte institutas ornare uo-

A 2 luit,

luit rerum opifex, conditorq; D E V S : quām si tollas nihil profectō relinques homini, in quo magnus, præstans, clarus esse posſit. O diuinam moderatricem animorum, rationis auspiciem, contemplandi, meditandi inuentricem, sui cognoscendi, atq; expiandi authorem; Reginam sublimem, atq; insignem; quibus te laudis efferam? qua tua merita in omne genus hominum oratione prædicabo? Scio, Scio equidem me tanto muneri non sufficere. Quare altiori tubæ opus omnium integerrimum, atq; perfectissimum delegabo. Habes tu quidem Mater amplissima inuidos, multos, obtrectatores plures, maximam inimicorum turbam.

Etenim uulgas ignauum, atq; imperitum tua numina non ualet perspicere, tuis misteriis nō potest initiari. Debilitatur enim stultorum acies, non secus te uidenda quām solis intuendis radiis. Hanc igitur (PRINCEPS Celeberrime) in misera corporis cœitate, mihi ab ineunte ætate amplectendam, sequendamq; decreui. Itaq; cum maximam uitæ partem sim peregrinatus, omnes sœuientis impetus fortunæ, Philosophia duce hactenus superauit. Cumq; SENAS me tandem contulisset, tuisq; felicissimis fretus auspiciis (PRINCEPS Ilustriſſime) humaniores aliquot annos literas essem publicè professus, facultatemq; dicendi, quā alumnū existimo Philosophiæ: statui, tibi aduementi si qua daretur occasio, non uacuis (ut aiunt) manibus, uenerabundum occurrere.

Legeram ego quidem, semper uictimam numinibus offerendam esse, præsertim quò primum tempore colerentur. Quam meam sententiam illud oppugnabat (Tuscorum optime Parens) quòd nihil habebam, tantus auribus, tanu Principis maiestate dignum:

neq;

neque poteram Phidiae Mineruam effingere, in hoc præsertim
maximo, mercenarioq; labore. Putauit tamen satis esse rudem,
atq; impolitam tibi imaginem aduenienti donare, quam nihil om-
nino donare. Cum præsertim meum in te, tuosq; clarissimos libe-
ros obseruantiam, fidem, singulariemq; benevolentiam tibi quam
maxime uellem esse testata. Accipies igitur geminos de Prin-
cipatu abortus, à nobis potius quam partus, Ursarum fætus
præferentes: eosq; non palatino Apollini consecrabis, sed pri-
mitias quasdam esse uoles pauperis agelli. Solent enim pauperum
munera non minus quam diuum, opulenta dona strenuis princi-
pibus esse grata. Ego interim si aspiraueris, & si nostra tibi
esse cognouero grata, maiora moliar, altioraque conabor. que
omnia tuorum templorum parietibus affigentur: tuaque in om-
nes mortales merita cumulabunt, laudum pleniore præconio.
Scio que tua benignitas est, qualiacunque fuerint, que tribuimus
non neglegetur. Non igitur pluribus obtundemus, D E V M
tamen obsecrabimus Opt. Max. te quam diutissime tueatur
incolumen, atq; ad altiorem prouehat dignitatis apicem. Perducl
ibus, hostibus, aduersariis sublatis, undique parta uictoria.

Vale.

AD VENTVRAM COECVM,
 ANDREÆ CANTONII INSVBRIS
 Exastichon.

CVM careas oculis, & sis tu corpore cæco
 Mente tamen superas lumina cuncta uirum.
 Nec tua Tiresiae similis sors lumine adempto,
 Mente Polum lustras: ille iocosa facit.
 Iuppiter æterna damnauit lumina nocte,
 Ut tibi sic cæli cognita regna forent.

AD EVNDEM FABRITII RESECI
 Distichon.

COECE ubi te cerno, nil te puto cernere, sed cum
 Audio dicentem, cernere cuncta puto.

In ciusdem disputationes varias ANTONII
 Martellini Academicci Trauagliati Senensis
 Tetraastichon.

VT quondam Proteus, formas mutatus in omnes
 Quæ sunt, quæ fuerint, quæq; futura dedit.
 Partes sic uarias Cœcus Ventura tuendo,
 Tempora cum studiis omnia nosse monet.

7

IN L A E L I V M P R I M U M,
S I V E M O N A R C H U M
P R O O E M I V M.



O CRATEM ferunt Atheniensem cum Alcibiade Cliniæ aliquando disputantem pluribus rationibus cōfirmasse, non hoc quod cernimus corpus, quod ictibus Fortunæ patet innumeris, mille morborum generibus cruciatur: hominem esse. Sed animum diuinum illum, atq; immortalem supremi numinis effigiem, quem Empedocles putauit esse D E V M, idemq; maxima pars sentit Stoicorum. Istanc ipsam sententiam quo die migrauit è vita Socrates comprobauit; à Critoneq; rogatus ubi nam sepeliri vellet; si me(inquit) Crito deprehendens, ubi voles, & quo potissimum modo voles sepe lito. Significans videlicet animum è corpore tanquā teterimo carcere liberatum, nisi fuerit flagitiis, sceleribusq; grauatus ad suam sedem, cœlestemq; regio nem deniq; reuerti, neq; ab homine, vel impediri posse, vel certè deprehendi; cuius naturam semper diuinam Philosophorum Princeps existimauit. Vnde pleriq; censuerunt ex illis sempiternis ignibus, quæ sydera

204V

sydera, stellasq; vocamus, ortos animos ad corporū custodiam, et destinatos, & missos fuisse à Deorum patre, & hominum rege. Hunc igitur animum qui non suscepit excolendum scelere, atq; impietate laborat. Interest tamen opinor, quanam excolatur ratione. Nam nonnulli opinantur animos ornari fortitudine, eamq; virtutem principem obtinere locū sibi persuadent. Alii cōtra bellicosos homines, & armorum fastu tumentes, ocii, & pacis inimicos profitentur; eos ad cœlum tollunt, qui mansuetioribus dediti musis, bonarum artium homineq; dignarum libero studiis delectantur, eaq; monimenta conantur relinquere posteris, quæ nulla conterat ætas, nulla prosternat tempestas, nullus abiiciat casus. Quam ego sanè causam tueor, cēscoq; literis, quas morum sequatur probitas, atq; integritas, immortalitatē facillimē comparari, purgari mentem, expiari pectus, tandemq; omni terrena exutos labore ad superos remeare; non modo omni deposita solicitudine, sed etiam animo bene informato, atq; instituto, eō libēter contendente, unde primordia traxit. Quare cū animum statuisse pro virili parte decorare, dignū meditatione, atq; examine, mihi argumentum ipse quærebam. Subiit tandem præstantissimos maximosq; viros vnum asseruisse rerum omnium principium, à quo profecta vniuersa, tandem eō redirent,

vnde

vnde primūm decesserant: hortatiq; sunt mortales
viri præstantissimi, vt à terra se parumper attollerēt,
& vnum illud, cui neq; initium sit alterum, neq; alter
ab illo finis tota mente sequerentur. etenim vnitas
quam ~~μονάχα~~ Græci vocant, omnia colligit, omnia
trahit ad seipsam, omnia confert hominibus bona,
nec patitur rerum interire formas. Quæ supremæ
formæ lumine & illustrantur, & permanent, nulla
exteriore macula contaminatæ, instar ipsius vnitatis,
quæ omnis est perfectionis summa. Hoc vnū, atq;
supremū igitur, quo de nobis est sermo, nihil præ-
termittit omnino, quoad omnia transfert ad seip-
sum, summaq; quiete, & tranquillitate frui facit,
quicquid ad illud vnum peruererit, atque in illud
fuerit mutatum. Hac vnius charitate motus, cum
cœlestia non possem attingere, inferiora sequi, atq;
iis me oblectare certum, atq; definitum fuit. Itaq; de
Principatu pauca referam: quò videlicet ostendam
quemadmodū vnum regnat apud superos Iuppiter,
sic Principem vnum in terra quoq; optimè futurū;
qui resarciret maculas humanitatis, & Dei locū ob-
tineret inter homines. Scio multos ante me de ea-
dem re conscripsisse, in quorum magnitudine, cla-
ritate, atq; præstantia, mea latebit (ut opinor) imbe-
cillitas, tantorum virorum splendore confusa; quod
meum quidem opus, tūm mihi placebit, cùm alio-

B rum

rum accesserint sententiæ, qui eandem sectam secuti, Principem ante omnia mortalia venerabuntur. Sed satis dictum arbitror, ad rem ipsam deueniam, atq; qua potero, & copia, et vbertate Principem ante oculos ponam, vt omnes intelligent nihil Principatu sanctius in terris esse. Sed iam res ipsa se demonstrabit.



LÆLIUS, SIVE MONARCHVS
DE PRINCIPATVS GENERE.



LÆLIUS, ET EVRYCHIVS



VID nunc tu tecum? EVRYCHIVS. Cum perturbato essem animo, Medicinā à philosophia petebam, in qua dicere prope modū cogebar nullam penitus esse: nō enim mihi videbar, ani mo ientes, atq; spinas euellere posse; cū diu multūq; in eo mihi visus essem laborasse: nisi forte mea culpa sit, qui medenti me difficiliorem Philosophiæ præbeo, & quoniam altius penetrauit malum, rigidiora, atq; asperiora fomenta non patior. Assensior igitur illis, qui sapientem nullis succumbere perturbationibus tradunt; noui enim quid ego sentio mali, sumq; conscientia stultitiae meæ: nec tamen existimo, non moueri sapientem interdum, sed vincere perturbationes animi virtute, atq; præstantia. Itaq; meimet me pudet, & tamen quod initio dixeram non Philosophiæ, sed mea medicinam non inuenio culpa. LÆL.

B 2 Isthæc

Isthæc missa fiant hoc tempore, spero enim te facile medicinā assequuturum, sed dic obsecro quidnā de nostris rebus, deq; belli exitu, restitutione q; ciuium tandem iudicas? Evt. Me, ne rogas? quasi vero sim in Repub. exercitatus, aut vestros mores, vestraq; ingenia caleā? Læl. Et si Socratē libenter imitaris, isthanc tamē ironiam in alia tempora disserendam censeo, atq; apud alios homines dissimulatione vtendum. Lex enim amicitiae iubet (quam par carum infixam tabulis fabulantur Poetæ) ut apud amicos ex animo cuncta, & faciamus, & dicamus.

Quamobrem si diuinæ tibi obtemperare legi in animo est, mitte salebras, atq; satisfac interrogatis. Evt. Scias me consultò dissimulasse, non enim quæ sentio eiusmodi sunt, ut albo sint digna, ut enucleata, perfecta, absoluta videri possint. Sed quoniam intelligo tibi (cui negare nihil possum) meam forc sententiam gratam, geram tibi morem, quem satis scio idem velle, idemq; sentire. Primum quidē optimè vobiscum actum affirmare ausim, quod in veterem non redieritis licentiā: libertatem enim nusquam dixerim eam, quam qui tuebantur, ciuili sanguine saginati, id modo iustum putabant: quod ad libidinem explendam conferre sibi arbitrarentur: quod vetera vt taceā, si exasperat s animis, atq; hostilibus intra eadem micenia, coeundi vobis, & congregendi

di data facultas esset, hostibus quidem vestris teterimum, præbuissetis spectaculum; cædibus, incendiis, rapinis, omniq; nefandorum scelerum genero inter vos grassantes: quibus prohibitos vos, eretosq; malis, lètandum maximè duco. Est illud præterea magnopere celebrandum, quòd optimo Reipub. statu constituto, perpetuam pacem, tranquillitatem, quietem, omnium deniq; malorum finem, vobis fata promittunt. Duabus enim amplissimis, clarissimisq; ciuitatibus sub vnum redactis imperium, quis est qui vestrum ocium turbare, qui uos oppugnare audeat? præsertim cum & iustissimum, & vigilantisimum nocti Principem, nihil quòd timere possitis habeatis? Et ego quidem semper existimaui, & nunc cum maximè credo, maximum, præstantissimum, sanctissimumq; Reip. regendæ munus Principatum esse. Quo authore uera libertas fulgeat, si quidem maximè liberi hominis est: in reliquis viuire rebus ut velit; legibus tamen sponte & seruire, & obtemperare, quod vnius Principis adhibita in gubernando moderatio certè praestat. L&L. Multa quidem, cum te audiebam mihi veniebant in mentem: quæ planius, atq; apertius dici cupiebam. Cur enim fieri non poterat, ut ciuium coalesceret concordia, ut in vnum iungeretur animi, cum nemo sit malorum expers, nemo qui non senserit incommoda

da belli. Itaq; crediderim omnes quietem pro ui-
rili parte desiderare . Præterea illud mihi grauius vi-
debatur à te dictum, atq; asperius, quòd libertatem
eam appellabas , quam cæteri mortales existimant
seruitutem. Verùm hæc alias mihi commodius(ut ar-
bitror) explicabis . Nunc & mihi,& his qui adsunt
omnibus gratissimum feceris , si de Principatu quæ
sentis aperueris, idq; feceris(quòd facilius tuam perci-
piamus scientiam) oratione perpetua. Evt. Quæ
mihi tecum est necessitudo negare quidquam quòd
velis prohibet. Scito tamen onus grauissimum, quòd
non facile mei humeri ferant , à te mihi imponi : sed
quoniam faciendum est, quòd iubes: subeamus quic
quid hoc est, modò & tibi , & cæteris gratificemur;
Quibus dictis cum omnes audiētiam pollicerentur,
sic sumus exorsi. Quantum populari imperio prin-
cipatus excellat, testis mihi potest omnis Italia acce-
dere, quæ dum libertatem amplectitur, dum inani
nomine delectatur, orbis quondam terrarum Regi-
na, omnibus se gentibus, externis nationibus om-
nibus conculcandam , laniandamq; præbuit, à suis
prius lacerata . Cui enim non auditi sunt Heruli, Go-
thi, Vandali, Longobardi, Vlni, Alani, Saraceni, tū
vero Germani, Franci, Hyspani, quibus omnibus, &
fuit, & est Italia prædæ, & si vera potiusquā dictu spe-
ciosa fateri volumus, omnium malorum, quæ vidit,
quæ

quæ sensit, quæ tolleravit Italia: quæ omnia ætate nostra Deo Maximo authore concordia Principum, & pace sublata videntur: omnium inquā malorū principes Itali, ducesq; fuerunt, inq; patriæ viscera retorserunt arma, tantum seditiones possunt, nephandaq; per fas, & nefas, per ius, & iniuriam dominandi cupiditas. Qua in re Aetruriæ principem COSMVM omnia sæcula æternis laudibus celerabunt, qui se constantissimum pacis, & ocii semper præstítit austerorem: neq; compelli, deduciue ad arma capienda potuisset, si dignitatem, atq; imperium in toga defendere, atq; tueri potuisset. Sed cum vim ui repellendam intelligeret, arma induit iustissima, estq; cognitus, & in bello mitissimus, & parta iustissimus pax, aduersariisq; semper fuit intentus conseruandis. Hunc igitur vnum excipiamus, in cæteris confirmare certe possumus nullum Italiæ accidisse malum, nisi principibus, & quærentibus, & volentibus, & ultra aduenas accersentibus. Sed ne reliquam citē Italiam; Aetruria potest vna propriis vulneribus, quæ dicimus testificari. Sed exemplis supersedebo, quæ satis cognita vobis esse confido: meq; totum ad Philosophiam transferam, & licet Remp. non attigerim, non tamen nouum excoxitabo Reipub. genus, cæue dicam, quæ fieri nequeāt, sed quæ in promptu sint, quæq; omnibus exposita tradam. Quæ tamē ut suis

suis nitantur fundamentis, sintq; firmius ædificata,
validiusq; constructa, altius repetenda duco. Vos in-
terim si longior fortè videatur oratio silentium im-
peratote. Principem ego quidem eundem, & Re-
gem, & Politicum, quem ciuilem licet appellemus,
& patrem familias intelligo. Patrem quidem fami-
lias, quoniam satis inter clarissimos constat Philoso-
phos, domum pagi principium esse, vicum autem
ciuitatis. ex vna enim domo, veluti propagines egre-
diuntur, & quasi mittuntur in Colonias. Inde oriun-
tut vici: pluribus autem (ut significatum est) viciis cō-
ficitur Ciuitas. Inde memoriat proditum est, homi-
nes illos veterrimos cum cogi, ac congregari cōp̄is-
sent, nullas adhuc leges habētes, ita vixisse, vt qui ma-
ximus, quiq; prudentissimus in familia foret, præces-
set; atq; ius diceret. Ita singulis gentibus, singuli Re-
ges erant. Postquam verò vitulum est utile vnum Ci-
uitati præfici, quem Regem nominauerunt: sic qui-
dem prætulerunt, ut nō vi, sed authoritate regnaret:
Eiusq; decreta pro legibus essent, donec satius vi-
sum est leges dici, quibus, & ipsi quoq; Reges parue-
re. Addunt etiam tria, quæ in patrefamilias maximè
desiderantur, in Rege expeti, ut omnibus consulat,
ut optimos studeat efficere suos, ut omnem familiā
sic curet, vt nihil domi fiat, quod ipsum prætereat, ac
lateat. Quanquā exilem domū Flaccus asserit Poe-
ta, in

ta, in qua multa dominum non fallunt. Sed ille quidē Poeticē, nos & Regi, & Patrifamilias quoad suppetant vires, quoad patiatur humanitas omnia volumus esse cognita. Etenim si non immerito Pastorem hominum Regem uocat Homerus, cui astipulatur etiam parens Plato Philosophorum: non erit utiq; pastor, qui non cognouerit quæ pauerit armenta.

Quò fit ut omnia & Regi, & Patrifamilias sint cognoscenda. Illud præterea regiū probat hominē patrem esse familias, quod Stoici contendunt, hunc mundum omnem vnam esse urbem, quæ regatur à Deo: quòd si damus, regnum certè quantumlibet magnum vna domus erit. Illud verò satis à Platone probatur, Regem ciuilem hominem esse, eundemq; diuinum. quò fit, ut idem sit Rex, quem Principē appellamus, ciuilis scientiæ vere dominus, & facultatis. Idem & domus regendæ peritus, quæ qui asse-
quutus est, & sapiens est, & fœlix. quare & optimus quidem erit; non enim mali, aut sapientes sunt, aut beati, quòd si optimus est ipse, optimè Rempub. ad ministrabit. Erit igitur Regnum, & Principatus optimum Reipub. genus, in quo ciues necesse est esse fœlices. Est enim finis, mensq; regentis, ut quam optimi, quam fœlicissimi fiant. Vnde illud quoq; vide re potestis, veram esse, & Stoicorum sententiam, quæ priuatos sapientes asserit esse reges, insipientes vero

C - stultos

stultos, malos, si mille diademata gerant, esse seruos, miserios, oneratosq; magis titulis, & purpura, quam (vt sic dixerim) honoratos. Nō enim vanis titulis Reges efficiuntur, sed animi magnitudine, atq; præstantia, fortitudine, iustitia, fide, æquitate, constantia, modestia, quæ licet plerisq;, non omnes regiae videantur virtutes, mihi certe censemur. Vnde Agesilaus Rex Lacedæmoniorum, Rex (dixit) Persarum me maior erit, si fuerit vtiq; iustior. Rogatusq; Socrates, quid de Archelao, qui tunc in Macedonia regnabat, ipse sentiret: iudicare se non posse dixit, non enim compertum habere quo se pacto erga iustitiā, cæterasq; virtutes gereret. Habemus igitur Regem optimum esse, eosq; qui sub Rege viuant faciliissimos. Probatur etiam hoc ipsum rationibus plurimis, & clarissimorum authoritate virorum. Sunt tamen qui secus sentiant, huicq; nostræ conclusio ni repugnant. Ut igitur sermo perficiatur, vtrumq; nobis faciendum videtur: & vt rationibus, quæ diximus constituamus, & aduersantibus respondeamus: nisi vobis fortè satis longa uisa sit oratio. LÆL. Tu vero perge: etenim pro his omnibus audeo polliceri, gratū te facturum, si quæ corpisti diligentius examinaueris, neminiq; penitus prolixum visum iri sermonē. EVT. Minutis igitur quibusdā, rationibus utriq; mouentur, atq; Stoicorū more arctis, & breuis.

bus. Qui enim Monarchiā (sic .n. Principatū appello) optimam putant Reip. administrationē, in hunc maximē modum argumenta conferunt. Id est optimum, cuius contrarium sit pessimum. Cum igitur Principatus Tyrannidem habeat contrariam, quam pessimam esse constat optimus quidem erit ipse. Ad dunt præterea facilius esse vnum, quam multos optimos reperire; quo sit ut Principatus omnino sit perfectissimus, cum vni videlicet optimo Reip. cura mandatur. Tertium quoq; adiiciunt rationis aculeum. Ille inquiunt perfectissimus est status, qui cæteros continet; hoc principati constat accidere; est igitur lectissima, pariter, atq; rectissima tuendæ Rei pub. ratio. Nam Princeps quoniam sibi vni non fidit, optimum quemq; ac probatissimum adhibet in consilium: ita optimatum emergit respublica: qui cum propter virtutem, & pauci sint, & apud Principem plurimum possint, ὁλγαρχίᾳ coniungunt τῆς αριστεράτως: & quoniam maxime proprium principis est populi tanquam vnius familiæ salutem vniuer si curare, popularis existit Respub. Clauduntur igitur in uno Principe omnes, qui sunt aliqua laude digni, regendæ Ciuitatis, status: quò fit, vt diuinus nihil excogitari Principe possit. Superioribꝫ etiam rationibus, illud adiungitur, quòd cum Deus Opt. Max. orbem vnu regat vniuersum, tantamq; molē,

C 2 significat

Significat ille quidem vni Principi , qui sit diuini numeri imago, remp. esse credendam . Itaq; Persæ reges suos adorabant, quòd in eis Dei maximi quandam intuerentur similitudinem , regumq; peculiarem quandam, atq; singularem Deus curam habere videatur . Vnde Hebræus ille sapientissimus dixisse putatur : cor regis in manu Dei esse , ab eoq; eo veri, quòd maxime velit . nec uos obsecro moucat, quod hoc non Philosophorum uideatur argumentum, in quorum libris multitudo passim Deorum legitur . nam & ad uulgi frequentius loquebantur opinionē , & nonnunquam uelut per ænigmata quædam, diuinis rerum gerendarum facultates Deorum nominibus appellabant, & si qui plures tandem esse volebant Deos, ad vnum referebant, cuius communione diuinum nomen diuinis tribuebatur operibus . Veniat vobis in mentem Platonis ille opifex, & fabricator mundi Deus : qui est in Timeo , cuius etiam, vt Principis omnium meminit in Repub. Porphyrius quoq; & Iamblicus vna cum Plotino vnū videntur agnouisse Deum , cæteros diuinitatis participes crediderunt . Itaq; seriem illā statuerunt, ut secundū annos nostros statuerēt heroas, quibus dæmones proximi forent . Hos Dei sequerentur secundi, & ad ipsum tandem bonum perueniretur, summum videlicet Deum . Aristoteles etiam duodecimo Metaphysicorum

sicorum volumine vnum motorem omnium, vnū fatetur esse Principem, Deum scilicet, qui sic omnia regit, sic statuit, sic ordinat (vt clarissimo videtur illi Philosopho) quemadmodum exercitum Imperator. Sed satis vagati sumus, nimiumq; à proposita digressi sententia, ad quam iā est vtiq; redeundum, sic enim argumentum concludebamus. si quidem optime regit Deus, atq; diligit vniuersa: Princeps quantum homini licet, quantum mortalitas patitur illi similis, diuinitus sane ciuitatem constituet, cui prae fuerit. Hoc etiam dicunt esse signi, Dei quandam similitudinem, ab hominibus in Principe cerni, quod antiqui illi Reges fuerint propè sacerdotes, nā apud Aegyptios regnare nemo poterat nisi foret sacerdos, & si quādo ab aliquo regnū occuparetur, nō ante ius regium obtinebat, quām à sacerdotibus esset inaugurus. Persæ quoq; cum diem regni Principium arbitrabantur, quo apud Pasagardas rex sacris initiabatur sumpta Cyri (qui regnū Persis tradidit) veste, aliisq; ceremoniis rite peractis. Neq; regnare poterat apud Persas qui Magiam ignoraret, qua disciplina superum cultus contineri potissimum videbatur. Nonnē in plerisq; Græciæ ciuitatibus, regnis etiam sublati illud tamen regibus, regumq; postteris relinquebatur, ut sacra quedam facerent, faciensq; præcessent? non obmittam Romanos, qui regibus

bus sublatis, ne sacra regiæ viciis obmitterentur, re-
gio nomine sacerdotium, & instituerunt, & ornaue-
runt, sacrificulumq; vocauerunt regem. Hæc, aliaq;,
quæ in hanc sententiā adduci plurima possunt, osten-
dunt fœlicissimam illam esse Rempub. quæ à Princi-
pe, qui hoc nomine sit verè dignus gubernetur.
Nam & religionem diligentissimè curabit, & in eo
erit etiam nimius, vt Deo pareatur maximo, vt me-
tuatur conditor rerum certissimus, vt nihil quòd ad
religionem pertineat, vel deseratur, vel certè con-
temnatur, itemq; vt omnibus eadem sit religio. Vi-
dimus enim & legimus, varias saepe religiones, varias
de Deo colendo sententias, magnas vrbes, summos
perdidisse Principatus, atq; euertisse. Quas ob res
præstantem religione Principē volumus. Est enim
boni sacerdotis non sibi solum exorare Deum,
non se præstare solum cultorem numinis, sed cæte-
ros incitare, coercere dissidentes à superis, efficere,
vt omnes intelligent, maximum principatus vinculū
esse religionem. Si enim iustitia regna tuetur, & iu-
stus esse nemo potest, qui Deum nō metuat, pariter
atq; ament; sublata, deleta, remota religione, maxi-
ma quæq; interitura palā est imperia. & nequid prin-
cipibus quod sacerdotium amplificaret omnino de-
sset; Augures etiam nonnulli fuerunt, quod de
Amphiliocho, & Moplo Regibus Argiuorum, deq;
Cyri

Cyri Cambyse Patre, ipsoq; Cyro maiore, & de Romulo, qui Romam urbem dicitur condidisse, literarum monumenta confirmant. Itaq; fortissimi septē illi Persarum Proceres, qui Magorum tyrānide ciues liberauerunt: inter se sāpē, diu, ac multum commentati, quod genus Reipublicæ informandum videtur: vt fœlix natio Persarum esset: regnum omnibus anteposuerunt. Sed contrā multa dicuntur, quoniā homines (vt in plurimis aliis) opinione falsa ducti regium, imperiū, quod maximē legitimū est, quodq; sanctissimum, seruitutem appellant. libertatem vero, cum res in medio ponitur, quōd videlicet vicissim, & imperetur, & pareatur. Sed ego satius esse duco, quæ contra dicuntur reticere, vobisq; insitum in animis principatus amorem relinquere, ne fortē mutata sententia (ut mos est hominum) deteriorē partem accipiatis. L&L. Neminem hic video, qui te libenter non audiat, qui non sit huius sententiæ perpetuus assertor. age igitur, pande vela, prome cætera. Ego enim ex me iudicium faciens, omnes qui adsunt, ea, quæ à te dicta sunt defensuros semper cōfido. Vide præterea nè dum tacendo persuadere nobis velis summam principatus dignitatem, te ipsum fallas. credet enim non nemo te, quia fortiores contrarias existimaueris rationes supræmissæ. hunc nobis scrupulum demito, & cætera, qua cœpisti alacritate

critate doceto. Evt. Faciam vt velle uos uideo,
quanquam satis mihi dixisse uidebar: cum præser-
itm ad rem tam arduam, tamq; difficilem non præ-
meditatus accessisse: vobis satisfacrem. Sed quo
niam semel cœptum est, finem habeat nostrum hoc
elogium aliquando. Sunt igitur Principatus aduer-
sarii quidam, quorum sœpenumero mentis, sensusq;
causam diligentius cum requisissim, vnam hanc re-
periebam, ambitionem, & regnandi cupiditatem,
quam frequenter animi magnitudo parit, nonnun-
quam effrenata libido, & quidam amor sui, atq; ina-
nis iactatio gloriae. Ego tamen certum, atq; persua-
sum habeo, eum qui iuxta Delphicum oraculum se
ipsum cognouerit, cui Deus non dederit sceptrum:
sua forte contentum, libentius obtemperaturum,
quam imperaturum. Nam vt sint paria cætera, mul-
to minus periculum obtemperantis est, quam domi-
nantis. iam si quis est qui non solum se iudicet impe-
rio dignum, sed sit re vera, atq; existimentur ab om-
nibus, hunc tamē decet quiescere, latetq; animo pri-
uatam viuere vitam, ne superis videatur aduersari,
quorum nutu, auspiciis, voluntate principes, regesq;
creantur. Sed reliquo iam ære alieno me libero. In-
quiunt igitur qui principatui aduersantur, hominem
natura liberum esse creatum, gentiumq; iure ad de-
testanda, prohibendaq; bella seruitutem inductam.

Quid

Quid igitur attinet vni seruire? & naturæ clarissimo munere tua sponte abuti? cum præsertim non homini solum sit insita, atq; innata libertas, sed belluis etiam; quod vel ex eo maximè patet, quòd captæ cù poslunt effugiunt, & nonnullæ tædio, atq; dolore captiuitatis emoriuntur. Qui quidem nobiscum sentiunt, cum optimam asserunt libertatem, hominiq; maximè consentaneam: falluntur autem cum asserunt eos, qui Principi parent esse seruos: nisi seruitus sit obedire legibus. & nos quidem supra posuimus munus, atq; officium Principis esse, quām optimos efficere ciues. Tria igitur iuris præcepta, quæ maximè sunt à natura confirmata, vt honeste' viuantur, nemo vt lædatur, ius suum singulis vt tribuantur: qui seruant liberrimi sanè videntur, quod verus, ac legitimus Princeps omnium maximè curat. Non igitur Principi populares seruiunt, sed imperanti legitimè parent. Nam eadem quoq; ratione vxor, ac liberi patrifamilias seruire dicerentur, quod nemo hactenus dixit, ne profligatisimi quidem adolescenes, qui viuis adhuc parentibus ipsorum exedunt bona. Addunt Deo regnum gratum non esse; idq; ut probent Hebræis iratum asserunt Deum, quòd regem sibi petissent, qui Samueli dixisset, me quidem illi non te abiecerunt nè rex sim illorum; grauissimasq; populo leges imposuit, quibus rex illis colendus

D dus

dus foret. Sed isti non vident, ne logicè quidem tu-
tò eos, atq; ex regulis inuehi? quippe qui à parte pro-
bare nituntur vniuersum. Sed hoc soluendi genus
fortè leue censembitur: alia nobis igitur ineatur ratio.
non quòd Regem petebant, Hebraëis irascebatur
Deus, sed quòd numine inconsulto petebant, quòd
contumaciter petebant, quòd spem à diuina ope, ad
regium auxilium transferebant, vel certè ob id vide-
batur irasci, quòd illum sibi populum peculiarius
delegerat, quem seruauerat, auxerat: victoriis, atq;
opibus exornauerat, quos ingratos habebat exosos,
neq; dignos munæribus iudicabat, quos, tot visis si-
gnis, omnem salutis tamen expectationem ad homi-
nem transferre videbat. Instant adhuc, & vrgent; ne
minem esse penitus, qui vel in populari, vel in ali-
qua non tyrannica viuere possit Rep. qui malit in re-
gno viuere; quod falsum sanè videtur. nam Galli, &
Hyspani, & qui nunc vocantur Angli nullam liber-
tatem anteponerent regno, seq;, ac liberos pro regis
salute animo deuouerent æquisimo. in Italia nostra,
patrumq; memoria: qui Vrbinati parent, egregium
in Principem suum ostenderunt amorem, egregium
& qui partem incolunt agri Taurini, Ferrati montis
nomine nuncupatam. Constat inter omnes, degu-
statam aliquando libertatem Insubres contempsisse.
Apulos verò, Calabros, Siculos, Samnites, Neapo-
litanos

litanios nunquam sine Rege victuros. Est enim opinio profecto, quæ mouet homines, ut hanc ament, potius, quam illam Rempub. forsitan & ambitio. nam cum se plurimi dignos arbitrentur imperio, priuatam vitam iniquo ferunt animo. Accedit etiam de publico rapiendi libido, illarum pessimum ciuitatum venenum, quæ vocatur liberæ. etenim si vos, vobisq; finitimos Florentinos perspicere rectè voleatis, intelligetis plus hominum ciuiles extinxisse seditiones, quam sunt ii, qui modo supersunt: pecuniæ verò tantum, quantum vniuersa vix Italia conficeret possit. Videte, videte quæ quo præmia pulchra illa vobis, atq; expetenda libertas pepererit. nec abatur ciues indicta causa, trudebantur in exilium alii, diripiebantur bona, pauci erant, atq; alacres volabant. illi diuitias, illi consequebantur honores: apud se sceleratissimos habebant homines, quibus satellitibus vtebantur, qui nullis abstinebant flagitiis, nihil sibi non licere putabant. odorabantur omnia venatici canes, & aliena lâbebant vestigia, queis nihil satis erat. cogebantur igitur teterrimis beluis seruire domini, & vt haberent quod darent, aliena rapere. ita nemo erat qui suum dicere aliquid posset, nullum ius inuiolatum, nullum auitum, nullum paternum prædium, ira, odio, cupiditate, auaritia, libidine, & interim incredibili largitione regeban-

D 2 tur.

tur. Mitto Guelfos, ac Ghibellinos, abominanda
nefandarum factionum nomina. Sed longius quam
decebat sum progressus: quod volui præclaram istam
libertatem adempto fuso videretis anum fatidi-
cam, mala semper pronunciantem, consulentem de-
teriora, sese venditantem paucis, nocentem innu-
meris. Sed non amplius vetera refricabo vulnera,
ad institutum redeo. Non igitur homines quod li-
bertatem probarint omnes sequuti sunt, sed plerique;
quia id utile sibi existimarent. Anteponuntur enim
priuata publicis hodie, atque ita viuimus, ut socie-
tatem sanctam, quam Deus voluit inter homines
esse, nostris utilitatibus metiamur. Negare tamen
non possum dominantium malignitatem, superbia,
avaritiam, luxum, atque luxuriam, desiderium ple-
runique; nouarum rerum fecisse, ansamque; dedisse, ut ho-
mines libertatem affectarent: præsertim cum frequen-
tius accidat, ut deteriora sint posteriora prioribus.
Vnde rogatus rusticus quidam cum intentius fode-
ret, quidnam ageret, cur se tam studiose cruciaret;
respondisse dicitur. Antigonus quoque, qui paulo
ante bello vixit, & interemptus fuerat multorum
regum coniuratione. Sed qui odio suis esse volunt,
habentque; illud in ore, oderint dum metuant, non sunt
utique; Principes. Scimus sancte ita comparatum esse,
ut mortalia non sint omni ex parte perfecta. nullum
enim

enim tantum reperias bonum, in quo nō sit aliquid, quod desideres. sed locus me admonet, vt quod fortissimum aduersantes existimant argumentum exponam. asserunt enim fateri se nihil tyrannide sceleratus, quippe qui sint generis hostes humani. Vnde optimum confitentur principatum, si modo reperi ri optimus, atq; absolutissimus, quem Græci vocant ἡγεμονικὸν posse vnum. Sed quinam fieri possit rogant, Princeps ut dari, vtq; inueniri possit? iam enim illud ante omnia Terentianum verum esse patet; Ingenium hominum à labore ad lubidinem esse proclivē. palam est etiam Principatum maximi laboris, summæ industriæ, curæ, diligentia hominem expetere, quæ fingere facilius possumus, & comminisci, quam digito (ut aiunt) monstrare. Cum præsertim circunstet assentatores, pestis æterna Principum: qui eos corona circundant, curantq;, & efficiunt nè verum audiunt, nè bene monentem, consulentemq; utiliter suscipiant, nè se respicere, nè se valeant intueri. quis obsecro dicere possit, quot illecebras, quot, & quam nouas comparent voluptates, vt irretitum, vt sibi deuinctum Principem teneant? omnibus enim sceleratissimorum commentis hominum, moles illa diuitiarum vim, facultatemq; suppeditat. Ita sit, vt qui cæteris imperat, suimet nō sit dominus. Itaq; quod aiunt in fabulis poculo nescio quam Circem homines

nes in bestias vertere solitam; pestes istæ consequuntur palatinæ . Principes enim in horrenda vertere monstra sciunt . Vnde & ingenia clarissima corrum puntur , fiuntq; scelestissima . Prodigium , portentū in vltimas asportādum terras Nero fuit, cuius quinq; anni imperii primi, cuius præstantissimo æquari potuere principatui. pluries etiam euenit, vt prætestus quidam virtutum occultet maxima vitia . Quare valeat Principatus iste vester , etenim belua multorum est capitum . Quid enim tetrius excogitari potest , aut dirius , quām illud quod apud Euripidem usurpat Etheocles ? quod vtinam non placeret Principibus , vt placet . est enim ipsa diritate dirius , iuriandum regni causa violandum , colendam pietatem in cæteris . quotusquisq; , dicite per Deum immortalem , vt rerum potiatur , non tentat , atq; conatur omnia ? At eum , quem fingitis potius quām describitis principem , cogi ad regnum suscipiendū decebat , non ipsum regni causa omnia miscere , turbare , diuina , & humana iura peruertere . Primo quidem aspectu , nos cogunt , dum sic inuehuntur , pedem referre , & in nostra nos præsidia paulatim contrahere . vbi vero resumpsimus animos , viresq; recepimus , non modo resistimus , sed repellimus hostē vmbonibus : & quicquid amissum erat campi recuperamus . Inuadimus igitur in hunc maximè modū .
describamus

describamus quæso Principem , iterum , ne nos effugiat . diximus enim supra non titulum , non honorem , non diadema Principem facere . sit igitur Princeps , qui curat omni ope , ut Deo sit quā simillimus . is neq; assentatoribus cedet , neq; flectetur illecebribus , nec voluptatibus parebit , nec corruptetur diuitiis . si autem quoniam hominem , non Deū propositum est describere , victus aliquando ceciderit : resurget illico , in se redibit , ægro feret animo , conabitur emendare , cautor erit in posterum . Ac Principatus vel vt ciuibus prosit optabit , eosq; errantes reducat in viā , nullumq; publice salutis causa recusabit laborem , vel certè propriæ vtilitatis gratia nunquam Princeps esse volet . Est enim curarum plenissimus Principatus . dormiunt enim omnes Principis oculis , tutoq; quiescunt ; illum respiciunt : si quid acciderit aduersi prudentiam Principis requirunt , quem prouidentem , prospiciētem , medentem vulneribus , aduersis casibus obuiam euntem admirantur . Sed locus iste me admonet , ut sententiam illā attingam Platonis , qui parentibus , ac patriæ vim si ne nefario scelere negat inferri posse , quam ego sententiam verissimam sane iudico , arbitror tamen tē poribus commutari . nam si parens constituisset se gladio transuerberare , per vim vtiq; gladium eripe rem : nec sceleratus essem . si vitam inedia finire de-
creuisset ,

creuisset, non essem certè parricida, si ui adhibita ad cibum capiendum impellerem. Si patriam ergo labentem cernerem, si ruentem, si peruersis gubernantium consiliis intereuntem; darem operam ut si ne vi patriam seruarem. id si minus continget, omnibus patriæ salutem anteponerem, vimq; sceleratorum ciuium vi repellerem honestissima, solusq; tenerem clavum, quem intelligerem multos tutò regere non potuisse. Sunt enim quædam, quæ pertinent ad iustitiā, quæ licet sint semper bono viro seruāda, cōmutatis tamen mutantur ipsa temporibus. neq; enim sunt semper præstanda promissa, neq; deposita reddenda; quæ multis verbis in philosophia grauisimè disputantur. Nec principem eum hoc tempore tracto, quem in animo insculptum video, cuius effigiem, clarissimam licet perspiciam, exprimere tamen nequeo, qui ita diuinus est, ut formam quidem habeat humanam, cætera Deus quidam esse videatur in terris. Hunc prætermittamus igitur, quoniam eloqui, atq; explicare non datur: crit ocium alia's forte fortuna; vt ad eum quæ in mente Principem habemus, quæm proxime accedamus, quo contenta est vita communis, eo nos etiam Princeps contenti simus. cuiusmodi Xenophon Reges Persarum describit ante deuictas a' Cyro gentes, ac superatas. cuiusmodi Lacedæmoniorum Reges, qui cum

cum duo essent, aliquot sacula vno animo rexerunt Imperium, cumq; diuersis ex familiis regnarent, concordiam quam nè fratres quidem habere priuati possunt, Reges tutati sunt. qui cum plenum, merum, integrum haberent imperium, ιφογίαν constituerunt, neq; ante Eumenem Leonide filium Lacedæmone regnauit, qui non paruerit Ephoris, quin se ab illis multari sit passus. Addantur Nerua, Traianus, Adrianus, & vsq; ad Commodum, Principes vniuersi Romani, & iam labente republica, Claudius is, qui Gothos maximo prælio superauit, qui nisi breuis æui fuisset, in pristinam dignitatem, veteremq; candorem Remp. restituisset. Nec omittatur maior Theodosius, quem Principem Hispania dedit, cuius laudatissimorum Imperatorum, vel pace, vel bello comparandus. Quare confitemini quæso cœlestis imaginem Reipublicæ Principem esse. At mali nonnulli fuerunt? non Principes illi quidem, sed Principatus euersores. quemadmodum enim pulchrum, & bonum, honestum, & utile, coire inter se dicimus: sic ea omnia in Principem quadrare contendimus. Verum si placet, ne glorientur isti, Principatum eneruasse: cum nos in Respub. non simus inuesti quas ipsi laudant, & amplectuntur: par pari referamus, mordeamus sic homines, nè loqui diutius ausint, atq; iis, quæ supra

E in

infucatam dicta sunt libertatem (nam veram in Principatu profitemur esse) adiiciamus nonnullarum ciuitatum errata, & illa quidem Palmaria. LÆL. Expectabamus hoc quidem, mirabamurq; si tibi sic res abiret, ne gratiam referres, qualem merentur Principatus hostibus. EVT. Incipiamus igitur ab externis, quas isti semper habent in ore; sitq; Lacedæmoniorum prima, quoniam est immortalis. Videntur nè vobis igitur pulchre' Spartani fecisse, condemnato Phebida, qui in media pace Thebanam occupauerat arcem, ipsos tamen nihilominus quam male partam iudicauerant, Cadmeam retinuisse? quid quòd eum ciuem absoluerunt, qui Atheniensibus nihil molientibus, pacemq; colentibus, Pyreum voluit occupare, prædāq; ex pacato, tanquā ex hostico duxit? quid cum Lycurgus aurum Spartæ perniciem esse putasset, vrbeq; penitus exegisset, sine quo ea Ciuitas diu, plurimumq; floruerat, quā deuictis Atheniensibus Lysander pecuniam miserat, accipiendam publicè decreuerunt: priuatis vero capitalem statuere pœnam, si quis aurum habere deprehensus esset: quasi vero non edixerint ipsi priuatis, accipienda pecunia; quid illis esset agendum? Itaq; neglecta pœna, opes sibi quæsiere priuati, interiitq; Lacedæmon. quid? non ne Agis, & Rex, & adolescens egregius in carcere fuit strangulatus vnâ cum Matre, & Auia? nullam

nullam aliam ob causam , quām quod seruare ciuitatem , quōd Lycurgi leges ab inferis excitare decreuerat , fueratq; conatus . Hæc si oratoriè dicerentur si ornatè , si copiosè , quæ nunc à me breui , nuda , atq; incompta dicuntur : quo flumine , qua vbertate dicerentur ? quibus exaggerarentur figuris ? quanta vis argumentorum esset ? quo explicarentur , atq; etiam deplorarentur artificio ? Sed mihi satis est , quæ gesta sunt attingere , vt intelligatur in omni Reipublicæ statu aliquando peccatum esse . Inclytæ Solonis habentur leges : prudentissima putatur Atheniensium Ciuitas , quoties tamen Dii boni peccauit ? & sape quidem non sine magno Reipub. detimento . Clas- sis duces , victores , tropheoq; insignes popularis ne cauit amentia : quam rem vnum Socrates Philosophus ausus dicitur dissuadere . Quid de Cimonis exilio dicam ? qui cum Lacedæmoniis fauere insimularetur , patriamq; prodere , cum instructa Atheniensium acies esset , cum Lacedæmoniis manum iam iā collatura , Cimon vt se patriæ purgaret inter suos dimicaturus accessit : qui cum ab inimicis pelleretur , arma inter suos diuisit , & vt acriter pro patria pugnarent eshortatus . qui omnes illo prælio ceciderunt , victosq; pœnituit Athenienses , & expulisse Cimonem , & clarissimorum , atq; fortissimorum viorum sera tandem miseratio cœpit . Sed quid opus

E 2 est

est multis? Cladis in Sicilia acceptæ, qua penitus corruit Atheniensium potentia, periitq; libertas, quæ certior fuit causa quām Alcibiades ad iudicium reuocatus, atq; damnatus? qui se viuere Atheniensibus minatus est ostensurum, & præsttit. Ultimum tamen, maximumq; Athenarum excidium, eiusdem Alcibiadis abdicatio, nouorumq; ducum substitutio peperit. qui d eloquar Themistoclem? in quem nemo negat ingratissimos Athenienses fuisse. quid Aristidem memorem? qui ob id vnum iussus est exulare quòd iustitia cæteris excelleret, quòd iusti sibi nomen cōparasset. possum omnes peragrare Resp. innumerabilia certè patebunt errata, quòd si ad Romanam peruenero, quæ summam illam fœlicitatem Principū prudētiæ, potius quām fortunæ tribuit: tot cōnumerabo peccata, vt & me, & vos simul fastidiū capiat. satis igitur fuerit in duabus ciuitatibus, quarū altera ab optimatibus, altera gubernabatur à populo ostendisse nō minora, in laudatis Reip. administrādæ generibus esse, quām in Principatu peccata. est .n. hæc imbecillitas humanæ naturæ: & certè si non erraremus, Dii potius quām homines iudicaremus: tantaq; efferremur superbia, vt numen illud supremum quòd solū errore vacat precari non dignaremur, fulmenq;, atq; diuinā negligemus vltionē: cum nunc etiā nostræ ignauiae, atq; humilitatis cōscii yix superros

ros metuamus. Sit igitur haec summa; Monarchiam quæ vnius imperio regitur, si modo Princeps ille sit qui præsit, quiq; gubernet, optimā cōstituere Remp. Vnde diuinus ille Plato vrbē fœlicissimā, ac fortunatissimā asserebat fore, cui Philosophi præsiderēt. Philosophos autē nō intelligebat eos, qui philosopharētur, quiq; Philosophorū scripta percurrerent. Sed sapientes, vereq; tāto nomine dignos. quod si sapientē vnū omnibus sœculis difficillimū fuit inuenire, quid de multis cēsebimus? Hoc quidē certissimum est, ut vno ducimur Deo, vt vna per vniuersa fluente Natura viuimus, vt vno nutrimur omnes, atq; adeo molles hæc tota calore: sic vni Principi parendum es se reor, atq; mihi persuadeo, si vnius hominis prudentia mundus regi potuisset omnis, Deum Opt. Max. vnum gentibus omnibus Principem fuisse datum. Et quoniam mortalem esse hominem oportebat, alterum alteri fuisse successorum, Deo auspicie, atq; authore, vel certè primum illum ab orbe cōdito regem, ad eundem fuisse victurum euersum, atq; corruptum, volente Deo, cuius non est autoritas vllis coercita limitibus. Quoniam autem procul admodum abest, tanta vt sit vis in hominum natura pro regionum, temporumq; ratione; principes mittuntur à Deo. Dicat aliquis cur non omnes boni? facile quidem respondebitur, patrem superum

rum, atq; hominum regem bonos semper Princeps
voluisse, malitia tamen deprauatos humana. nec du
bito Deum malos regnare aliquando possum, ut po
pulorum puniretur flagitia, scelera comprimeret,
corrigeret, emendaret. Sed tamen sint licet Dei mi
nistri, malos tamen Principes non appello. Itaq; ma
gnopere(iucundissime Læli)vobis omnibus gauden
dum arbitror, quòd eam videritis ætatem, in qua sit
Aetruria verum Principatū adepta, sperareq; possi
tis posteris quoq; vestris eadem principatus forma
fruendum. dicerem, & libenter quidem, dicerem
quàm verum, quàm germanum, quàm legitimum
Principatum agnoscam: sed vereor ne rudi, atq; iner
ti vulgo, atq; prudentioribus etiam videar assentari.
quòd yitiū libero homine indignissimum autumo.
nec tantum ego oratione proficere possum, quan
tum vobis est exploratum, qui quòd viuitis, quòd
homines estis, quòd ciues, quòd liberi, quòd patri
monianon amisistis: quoties domos, quoties vxo
res, quoties liberos, quoties templa, atq; delubra
cernitis, vestri Principis aspicitis beneficia, vni
Cosmo, Secundum Deum immortalem, acceptū
referre debetis. Sed hæc vobis notissima sunt, nec
Senenses ingratis haçtenus credidi. Quare non hor
tabor vos ad fidem seruandam; ad hunc statum Ci
uitatis tuendum: quoniam vos satis inflammatos
esse

esse noui, meum præsertim Lælium, cui à maioribus traditum esse scio, & hæreditario iure relictum Mediceam vt colat familiam; atq; obseruet: quod tuus Parens diligentissimè Læli curauit. Itaq; septimo Clementi gratissimus fuit, hominum exactissimo consideratori, & Gens Placida semper custodiuit, atq; vt spero custodiet. Verùm de iis haec tenus. Multa restant de Principatu dicenda. varie, ac copiose à Philosophis disputata. quæri nempe solet, hæreditate, an delectu sint Principes instituendi. liberum nè imperium vni committendum, an certis frenandum legibus. Post verò ab incunabilis Principem, atq; ab ipsis nutricis vberibus, ad summum usq; prouehunt. quæ omnia non enarrari paucis, non breui tradi possunt oratione. Nam & opinionibus certatur, & rationes in omnes partes non contemnendæ feruntur. Illud conuenit inter omnes Principem solutum legibus esse oportere, vt temporibus medeatur Reipublicæ, seq; in tot formas vertat, vt de Proteo, ac Vertunno fabulari solent: quot Reipublicæ tempora postulabunt. si tamen Princeps fuerit, quæ descripsimus, legibus sua sponte parebit, vt cæteris exemplo sit obediendi. Aristoteli delectu creari principes placet, Barbarumq; existimat hæreditarium principatum, ea credo ratione quod cum de communi agatur salute, ac felicitate, non nisi probatissimum

batisimū quemq; delectum iri putat, atq; optimū. Sed hæc res (vt ego censeo) cautionem habet. Primū enim quærendum est à quibus nam diligendus sit Princeps: constant enim īperitum vulgus opinione duci, præcibus, authoritate, spe, metu, plerumq; etiam precio. Itaq; qui vulgo credit facile fallitur. non enim pluries vertitur fluit, refluxitq; Euripus quām vulgus. nunquam igitur huic monstro meo quidem suffragio renuntiandi Principis facultas cōmittetur. Restat igitur, vt creetur a' paucis, in quo primū verēdum est ne sit apud multitudinem inuidia. Præsertim si seueriorem Principem dixerint, & populo minus obsequenter. Illud etiam cauendum videtur, ne inter eos ipsos quibus latio suffragii data est oriatur dissensio, quòd nemo non iudicet se quām cæteros principatu dignorem. fit enim s̄ penumero, vt propter meliorum discordiam, vincent obtineantq; deteriores. Sunt præterea quidam vulpium astu, calliditate, fraude, versutiis, atq; fallaciis, qui cum virtutem simulauerint dissimulauerintq; vitia, vbi primū ad honores peruererunt, vbi metuere leges desierunt, vulpinam exuunt vestem, qualesq; sunt tales videri volunt, tyrannicosq; gerunt spiritus. hinc ortum est vulgatum iam trito sermone prouerbium, honoribus ostendi mores. Si meam ergo sententiā interponere (& vt aiūt) & ore
cœlum

cœlum tangere mihi fas est, hæreditarium probabo
Principem, non quòd degeneres non cernantur plu-
rimi, optimis parentibus, atq; fortissimis pessimi, ac
flagitiosissimi prognati filii. Sed quoniā quæcunq;
mortales agunt erroribus sunt obnoxia, educatio-
nem multum valere; si bona sit, liberalis, & quæ tan-
dem Principem deceat existimo. in qua primum il-
lad præcipi solet, nè Principes futuri delitiis encruē-
tur; fiantūc effeminati, nè quid turpe, nè quid ob-
scenū audiant, vt etiam inter ludendum cum per
ætatem poterunt, regium aliquid moliantur, vt au-
dire controvēsias æqualium, de iisq; iudicare, & pœ-
nas, & præmia largiri pro merito præsente magistro,
qui eum corrigat, atq; plecat; si perperam iudicarit.
prodest etiam adolescentem Principem iam designa-
tum, adsistere parenti, vel ius dicenti, vel legationes
exterarum gentium audienti, vel munus aliquod pu-
blicum obeunti, vt à tenera, dociliq; discat ætate
Reipub. administrandæ rationem. Plato paucis qui-
dem verbis, sed tamen omnia compleætentibus, atq;
vt dici solet succi plenis Persarum Regum scribit
educationem; qui lactantur quidem à nutricibus, cæ-
tera per Eunuchos geruntur; quibus Persæ maxima
quæq; credere non dubitant. ii membra compo-
nunt, dantq; operam, ut pulcherrimi euadant, ac per-
nicissimi. Septimo verò anno, vt à religione primū

F sumatur

sumatur auspicium Zoroastri Magiam, quæ diuinum continet cultum, regiasq; pueri docentur leges. vt videlicet nullum ætatis tempus, ex quo prium intelligere cōperint, absint à religione, patrisq; institutis. Venatione præterea exercentur, ac frequenter equitant: quartodecimo quatuor magistris anno traditur futurus Rex. Sapientissimo, à quo magiam, vt diximus; Fortissimo, vnde rem militarem. Iustissimo, à quo æquabilitatem in omnes accipit, semperq; verax esse iubetur: Temperatissimo, qui cum voluptatibus succumbere, perturbationibus opprimi vetat, ira, cæterisq; peccatis, atq; vitiis arcet, insignitq; virtutibus. Sed hæc (vt diximus) alias copiosius: satis enim longa fuit oratio, nimiumq; diu vos tenui. Quare quoniam, vt diei tempus est, curanda sunt corpora, & totis pectoribus amplectimini principatum, & Deum in principe veneramini, & sic habetote, tantum pollere principem, vt à maximo Christianorum Philosophorum, Sanctissimoq; Paulo, non solum bono parere iubeamur, atq; legitimo, sed à recto deflectenti nō nihil tramite propter Deum, cuius effigiem præfert, à quo munus, authoritatemq; suscepit. Sed iam me ipsum accuso, qui posse non mihi videor per ora refiniam igitur, antequam deserar. L&L. Nos qui dem te nè si totum consumperis dicendo diem, sa-
ne'

nè deseremus. est enim nobis hæc oratio gratisima,
habetq; illam, quam Ennius Cethego tribuit Sua-
dæ medullam. Memineris tamen te promisisse iis
de rebus accuratius esse dicturum, quod vt præ-
stes rogamus, & ne tibi non prædictum
contendas, aut excuses, me assiduum
habebis, & diligentissimum
exactorem. Quibus di-
ctis discessi-
mus.



Lælii, siue Monarchi primi
finis.

LAEIUS, SIVE MONARCHVS
SECUNDVS.

ILLVSTRISSIMO, ATQ. EXCELLENT.^{mo}
COSMO Mediceo Tuscorum
Principi.

VENTURA Cœcus Beneualere.



NIMADVERTERAM ego quidem (PRINCEPS Illustriſſime) me teq; & animo ſæpe mecum ipſe uoluntaram. quidnam illud potiſſimum eſſet, quod animantium omnium optimum, atq; ſanctiſſimum, omnibusq;
(ſi modo dicere licet) partibus abſolutiſſimum; conſtare ſibi non fineret, nec in uita requiescere pateretur. Eurippus enim mediufidius tot fretis, tot fluxibus, atq; refluxibus non agitatur, quot motibus hominum uita. Itaq; Philosophum quempiam laudare cogor interdum, qui cum uerbis plurimis detestaretur inuidiam, ſolis ſe uita defunctis inuidere profitebatur, quod fatis fruerentur tranquillioribus. & quod ad me quidem attinet, perſuadere mihi non poſſum fortunæ temeritati ſupremi numinis exemplar ſubditum eſſe. Quid enim eſt aliud obſecro fortuna, quam uel uis quædam inconsulta, rationiq; repugnans? uel ſubitus quidam, repentinusq; motus conſilium omne peruerens, frenosq; de- traens

traens equis, ne nostrae mentis auriga illis possit imperitare? uel
 certe præter omnem expectationem obscura quædam causa, no-
 bisq; incognita raro produntis euentus. Quicquid sic tandem
 cæca fingitur, ac temeraria; cui ego nunquam crediderim huma-
 num genus authorem, conditoremq; subiecisse. Nam de Fato
 quid eloquar? quo (si uniuersa regi concedimus) omnes leges tol-
 lantur oportet, omnisq; pereat disciplina. cur enim, aut præmis
 afficiatur uirtus, aut penitus, suppliciusq; plectatur, coercenturue
 sceleræ, cum nemo sua sponte uel probus sit, uel contra delinquat?
 Nullus igitur locus iustitiae relinquitur; Nam prudentiam sub-
 lata consulendi, deliberandiq; facultate, quis dubitet funditus
 interire? nec rationem cōminisci certè possum, qua nobis sint adeò
 infensa sydera, nullam ut penitus tribuant quietem. quare
 quæ nam sit tantæ imbecillitatis origo nescire me fateor, nec fa-
 ne, si sciam, dicendum hoc tempore existimare. Mirabitur tua
 fortè benignitas (Excellentissime PRINCEPS) & quid sibi
 uelit tam altè repetita oratio non iniuria requiret. Ego uero, si
 quis mihi Deus Hetrusci moderatoris, ductorisq; clarissimi cōpa-
 rauerit attentionem efficaciam profectò, ne frustra suscepta ui-
 deatur. Nam ex quo Senis tuam exoraui clementiam, me ut
 in clientelam admitteret, nihil non tanto muneri cogitaui deberi,
 dandumq; mihi operam censui ne uel ingratus, uel tanto benefi-
 cio existimarer indigneus. Cumq; Senis plurimis iustissimisq; pro-
 fectus rationibus, quas hoc loco res non patitur explicari, me cō-
 tulissem Bononiam, præstantissimamq; & comitatem, & huma-
 nitatem expertus essem Bonomensum, qui me inter clarissimos,
 ornatiissimosq;

ornatisimisq; nobilissim.e, florentissim.e, uetus tisimaeq; Aca
 demiae reponere non sint dignati. Cum inquam nihil mihi desi
 derandum amplius autumarem. ecce insperato infortunio am
 plissimae domus tue (PRINCEPS omnium meo iudicio maxi
 me) ad me perlata sunt uulnra: non exequar quanto mihi dolo
 ri fuerint, quanto me luctu, ac moerore confecerint, ne uidear
 quibusdam (id, quod à meis moribus alienissimum est) assentari.
 illud unum certe non reticebo, cum casum, uel meditatione sortis
 humanæ, uel mea in te, tuosq; omnes incredibili charitate, uel po
 tius pietate luctuosissimum mihi fuisse. Duo me tamen consola
 bantur. Vnum quod quanto ferres animo, quanta uirtute gra
 santer in bonos fortunam uinceres pari omnium uoce audieba
 mus. Alterum, quod magnis te perfunctum periculis intellige
 bamus, que tibi rerum humanarū inconstantia moliretur. Itaq;
 his literis (amplissime PRINCEPS) & humanorum uarieta
 tem euentuum ante oculos tibi statuere decreui, & profectio Se
 nensi nihil de pristina immutatu obseruantia significare. ut misse
 ra nostra cœcitas eò sit tibi commendatior, quo` in tuis sit firmior
 obsequiis, pictate flagrantior. Accidit etiā illud (PRINCEPS
 Clarissime) ut nescio quo pacto, quos geminos tibi dicaram de
 principatu abortus, quibus meam tibi mentem explanandam
 cogitaueram, inuito e` manibus tamen exciderint, Typisq; sint
 traditi amicorum opera quorundam, quibus uisum est meas ine
 ptias occultari diutius, non oportere. Cum igitur quicquid hoc
 est, tuum esse scirem, ne` uerbum quidem, addi minuiūe, aut mu
 tarisum passus. iterumq; tibi dicare, donare, largiri operæ preciu
 fore

fore duxi. Quo igitur priora, hæc etiam suscipies animo (P R I N C E P S celeberrime) nec tam munere delectaberis, quam donantis animo, si modo, quod tuum iampridem fuerat, rursus donare licet. Sed peccare mihi uidor, & in publica quidem commoda sit te diutius oratione moror. Amplectere igitur deuinctissimum tibi Cæcum, tuas illustrissimas osculantem manus, tibiq[ue] persuade Deum Optimum Maximum tibi gratiam relaturum; cuius maiestati tua semper curæ sit salus aucta dignitate, imperio quieto, propagato, confirmato, reliqua incolu[m]is obole, posteritate fælici, omnibus faustis, ac fortunatis perpetuo. Vale.

Bonomie. M D L X III.

IN LAELIVM, SIVE MONARCHVM
SECUNDVM, PRÆFATIO.



PICVRVM Philosophum (si tamen Philosophum licet appellare) volutatis perpetuum assertorem, sed tamen Epicurum in breuibus illis conclusiunculis, quas (quoniam ratas admodum credebat, κυρίας πόλεως nominauit) inter cæteras tradidisse ferunt: Deorum immortalium exemplar hominem esse. Et ille quidem cum de diuino numine non rectè sentiret, humanam formam superis adscribebat, eosq; volebat in ocio perpetuo, æternisq; voluntari delitiis. Nobis verò certissimum esse videtur, verum atq; germanum hominem mente constantem, cœlitum exemplar præseferre. nō corporea, terrenaque mole, sed ea potissimum parte, qua immortalis est, & sempiternus. & quoniam diuina virtus non ocio, sed actione perficitur, Deum Opt. Max. imitabatur diligentissime, qui quoad eius fieri poterit, nunquam ab actione cessabit, neq; erit unde quam minus ociosus, quam cū ociosus esse videbitur. quæcum frequentius mecum ipse reuoluerem, agendum aliquid existimauit, quod homine dignum meritò censeri posset. et veluti citharædorū procœmia maioris sunt exordia; rapsodia; sic has geminas disputationes maiorū operum, quæ si vita supersit, nec defuerint opes edere côtedimus, primordia, atq; rudimenta fore voluimus. Quæ sint licet impolita, si tamē (Illustrissime, atq; Excellentissime PRINCEPS) tuo sub clipeo se tutari, dignitatemq; poterunt retinere, nō dubito quin inuidorum, atq; maleuolorum vincant furores, impetus, atq; ictus declinent. Quod euenturum profecto non dubito cum tuam clementiam omnibus perspecta, & cognitam animaduerto. Sed iam res ipsa desiderare videtur, ut alteram disputationem nouo sumpto principio auspiciatus aggrediamur.

MONARCHVS ALTER.

EVTYCHIVS, ET LÆLIUS.



Avcis igitur post superiorem disputationē diebus, cum ocio sus deambularem aliquando, Lælius ad me venit iisdem ferme comitibus, qui proximo sermoni interfuerant, dataq; atq; accepta salute, optantibus nobis inquit, non tamen sperantibus accidit, te vt solū conueniremus. dedis enim te totum quotidianis lucubrationibus, atq; enarrationibus, & vt aliis prosis, te ipsum contemnis. non enim tantum hic temporis (ad eos qui aderant conuersus ait) sibi relinquit, vt naturæ, corporisq; non modo desideriis, sed nè necessitatibus quidē satisfaciat. Omnes Lælii verbis sunt assensi, meq; quòd mihi non parcere incusarunt. Ille verò pergit. Quandoquidem igitur tibi tu ipse non consulis, mirari non decet si laboribus addamus labores. Quare quoniam ocii tantum nactus es, quantum vix nobis sperare licebat, nostra deinceps culpa fuerit, si te dimiserimus, nisi quæ de Principatu scire cupimus nobis exposueris. opinor enim meminisse te id recepisse facturū, atq; adeo spopondisse. Nec tamē in præ-

G sentia

sentia ea petimus, quæ superiori reliqua fuerant orationi, quo institueras ordine. Sed ut rogantibus nobis respondeas, à te magnopere contendimus. Tunc ego cum aliquādiu, tacuisse, neq; enim quid respōderem satis erat in promptu; ad me tamen reuersus in hunc maximè modum verba feci. Ego sanè Læli neutquam liberi hominis puto, semper aliquid age-re, & hoc ipsum nihil agere in tempore me magnopere delectat. Non est autem amici officium labo-ranti amico, omnibusq; curis æstuanti nouas adiice-re molestias, dareq; operam, vt succumbat oneri. Quoniam autem tibi morē gerēdum video, quam-quām certius erat abiurare, quām dependere, neq; deerat quid cōtra testes, si modo testibus vsus essem, diceretur, subibo tamen, ac feram quicquid hoc est ponderis: dum me de iis tantum interrogetis (ut in veteribus scribi solitū est cōditionibus) quæ sciam, quæq; potero. nec vitio detis, si quæ nesciam me ne-scire fatebor, & non posse quæ non potero. LÆL. Nemo nostrum aut tam impudens est, aut tam ex-pers consilii, vt ea de te quærat, quæ aut nescieris, aut non potueris prouidere. Age fœlicibus auspiciis er-go, & primam accipe quæstionem. Dubitamus enim non leuiter, quæ sit methodus, quæ Principatus via. Evt. Maximi quidem Philosophorum hoc ipsum iampridem saxum, o Læli voluunt, sumpta occasio-ne

ne à Reipub. administratione . quærunt enim possit
nè omnino doceri , & auocantes paulatim ad magis
cōmunia dubium , an virtus omnino doceri possit
in controuersiam deduxerunt . Sed quæ de vniuer-
sa virtute dicūtur prætermittam hoc tempore; meq;
ad Reipub. administrandæ rationem totum confe-
ram . Et Plato quidem pluribus locis sentire vide-
tur, nullam regendæ ciuitatis quæ tradi possit, esse
doctrinam ; hanc sententiam vrget, ac probat dua-
bus(vt mihi meminisse video)rationibus, quarum
altera exemplis nititur, atq; est inductio , quæ Græ-
cè dicitur ἡ παγων; altera verò nititur vi maiore, scili-
cket ἡ πιχεματος . Ait itaq; quasi de industria nemine
Reipublicæ constituendæ peritum , liberis hanc sci-
tiam tradidisse ; & tamen esse credibile gnatis omnia
voluisse bona. Vnde concludit nullam esse publicæ
omnino gubernationis vel scientiam , vel artem, vel
disciplinam . cum videamus cæteras artes , quæ inge-
nuo sint homine dignæ à parentibus filios edoceri.
adducit Themistoclis filios , Periclis, aliosq; innume-
ros, quos in Repub. imperitissimos cōfirmat habi-
tos , cum eorum Patres summa floruerint authorita-
te, potentia, dignitate, honoribusq; maximis . Addit
præterea, cū cæterarū artium sint innumerabiles ma-
gистri huius omnino nullum reperiri; cū nemo nolit
hanc scire, prodigiī simile portentiq; videri. Cona-

G 2 tur

tur etiam argumento quòd instituit comprobare.
Quod enim Dei munus est, homines præstare non
possunt, ciuitatis autem regendæ facultas superum
est certissimum munus. Quod omnis sentiens vetu-
stas Ioui, quem Deorum colebat maximum (quæ tē
porum ruditas, atq; imbecillitas erat) ciuitatum gu-
bernacula delegauit. Quis igitur ausit hanc se aliis
traditurum profiteri? ut in Deum censeatur iniurius?
Itaq; plerosq; cernimus, qui Rempub. nunquam at-
tigerunt, genere non adeò splendido, non maiori-
bus clarissimis ortos: ciuiles tamen homines esse, ci-
uitates tueri, negocia publica prudentissimè admini-
strare. Ad hæc, iudicariam facultatem, quæ pars ci-
uilibus sit, plurimos habere doctores, ipsam verò ciui-
lem disciplinā largiri mortalibus immortales Deos.
Sed hæc Platonis sententia nō tam hominis esse vide-
tur, quām disputatoris acerrimi, eos redarguentis,
qui cum nigrum in candida se vertere posse crede-
rent, & ciuiles homines esse se, & alios item facere
posse procaci temeritate existimabant. Nam si do-
ceri regia nequit facultas, quid regem à sophista di-
stinxit? quid in rege querendo hospitis Eleatis indu-
cta persona tantoperē laborauit? quid decem de re-
publica libri? quid duodecim de legibus volūt? quid
præterea Socrates Alcibiadem, aliosq; nonnullos à
Repub. deterrens? nō enim quispiam alterum ab ea
deterruerit

deterruerit ineunda prouincia, cuius sit inscius ipse, quamq; docere se posse facultatē diffidat. quin & So crates Alcibiadi promittit se vnum esse, quem ille si sequatur primas possit inter ciues obtainere partes. Et Platonis quidem argumenta, quae refellentis sunt potius (vt dixeram) alienā temeritatem, quām quid ipse sentiret explicantis dilui (vt censeo) possunt. Cōcedendum est enim magnorum virorum filios patrum non æquasse virtutem, vel quod imbecillo fuerint ingenio, vel certè degeneri, vel quod occupati parentes Repub. administranda filios erudire non valuerunt, vel præstare fortè existimauerunt tempus, quod in liberis erudiendis impendendum erat, dare patriæ, vel sunt arbitrati, optimæ, atq; maximæ disciplinæ instar adolescentibus esse sua exempla, suaq; vestigia. Nam quod doctores non esse dicat, nulla causa est. omnes enim qui diligenter patriam gubernant, quiq; consulunt saluti communi, adolescentium sunt præceptores. Diuina verò munera a Deo licet orientur authore, atq; Principe, tamen hominum ministerio vtitur frequēter Deus ipse, ut hominibus impertiat. Constat igitur doceri regiam posse disciplinam, atq; ob eam causam disputacione priori eos, qui ad Principatum educarentur, parētibus iura dicentibus, vel legationes audientibus, vel deniq; negocium publicum gerentibus interesse volebamus.

lebamus . Quæ sunt igitur (si quæritis) præcepta ,
quæ docendus sit Princeps , quāquām superiore sint
quædā explicata sermone : quāquām vnum illud cō-
vinere videatur , vt Deum quantum homini liceat
imitari nitatur ; non tamen sigillatim censeo profe-
renda : inciperemus enim nec tempus , locum nobis
finiendi suppeditaret . Itaq; si qua videbuntur paucis
explicari posse ; quæritote , quæ longioris indigent
orationis temporis opportunitori mandentur . Hoc
tamen scitote hanc esse Principis maximam discipli-
nam , vt se Dei Opt. Max. existimet esse ministrum ,
vicemq; secundorum gerere Deorum , quibus pater
præcepit opt. vt quemadmodum se viderant , ne & tē-
tē , efficientēq; cœlestia : sic illi quæ restabant , vt mū-
dus perficeretur facienda curarent . Ita Princeps si
quam rationem parens sequitur orbis in tantæ mo-
lis opere gubernando se & tetur , non vtiq; deerrabit ,
veramq; Principatus disciplinam fuerit assecutus .
Verūm hæc nec nostri ingenii sunt , nec temporis hu-
ius . Respondi vobis verbosius , quām forte velletis ,
vt oratione prolixa , nè plura quæreretis , nausea vide-
licet molestiaq; cōfecti assequerer . L&L. Errasti sa-
nè , teq; tua fefellit opinio , nam neq; longus sermo
fuit , qui nihil habuit non necessarium , & audiendi
plura nobis cupidinem incitasti . Quamobrem di-
dicas oro , quæ sunt Principi potissimum ante oculos
habenda .

habenda. Evt. Næ vos estis eluones quidam disci
plinarū: nam si mihi non desistitis esse molesti, quid
quæso fieret, si doctiorem aliquem adepti parem in-
terrogandi libertatem haberetis? necaretis hominē
profectō nisi fallor. Sed quoniam redditus non patet:
pergamus qua cœpimus, fortes enim forsitan fortu-
na iuuabit. Verūm attendite, rem.n. cū difficillimā,
tum scitu dignissimam tractādam proposuistis. Prin-
cipio illud teneatis oportet geminam personam in eſ-
ſe Principi. Alteram imposuit Natura, Alteram Prin-
cipatus. illa prior honestissima, admodumq; deco-
ra: illustrior hæc posterior, præstantior, magisq; di-
uina. Prior communis est Principi cum cæteris mor-
talibus omnibus, quæ efficit, ut se corpus, vitāq; tuca-
tur, paretq; tūm sibi, tūm suis necessaria, nihil agat
turpiter, nihil indecorè, verum inquirat, cæteraq;,
quæ tribuit homini peragēda natura, more cætero-
rū efficiat. Posterior cōmūnis est ei cū iis, quos Deus
mundo præfecit tuendo, siue Dæmones, siue Ange-
li, siue Dei vocentur secundi: idem enim exercet of-
ficium, eodem fungitur munere. Itaq; peculiarem
habet genium, neq; a numine deseritur vñquam;
quod intelligens apud Homierum Nestor, Agamē-
nonis probauit somnium, quòd Regum de maximis
rebus oracula credebat esse somnia, quippe quibus
nunquam non aderat Deus. Lucius quoq; Silla, qui
Romanam

Romanam Rempub. magna cum strage ciuium, tandem recuperavit, ad Lucullum in Commentariis scriptum reliquit; id maximè verùm putaret, quòd in somniis vidisset. ipse quoq; Lucullus somniis diligentissimè curandis operam semper dedit; cuiusmodi est illud, cum Sinopem vrbem obsideret, quām Barbari tenebant prædones; in somniis quendam sibi dicentem animaduertit, Autolycum secum loqui velle, erat autem statua lapidea, quam fugientes Barbari in litus protraxerunt, sperantes secum ferre posse, difficultate tamen perspecta reliquerunt. quam repartam Lucullus in omni honore habuit, restituendamq; curauit. Vnde patet somnia Principū Oraculorum vim quandam habere. Hæc igitur persona maximo cum labore est Principi substatenda, cuius purpuræ, ornamentiſq; cæteris, atq; splendori inuident pleriq;, qui curas, qui si semel experirentur vigilias, Deum, a quo facti Principes essent summis præcibus obsecrarent, ut priuatæ denuò redderentur vitæ. Memineritis autem de legitimo mihi Principe sermonem esse, qui colatur, ametur, quem suspiciant omnes, pro cuius salute se ipsos sponte deuoueant. Absint Tyrannorum terrores, metus, suspitiones, perpetuaq; supplicia, exulent, atq; exterminentur à tantorum virorum colloquio. Itaq; videre potestis diuinā illam principis personam curis, atq; laboribus

laboribus non carere, neq; omnino sine periculo vi
juere. Multæ enim fiunt bonis insidiæ, cùm & alijs
ide causis, tūm ipsius odio, atq; inuidia virtutis, cuius
vim eximiam plures admirantur, quām amant. Di
stinguenda est igitur Principis vita in pacis, belliq; te
pora; oportetq; sic esse paratum, vt nec vincatur bel
lo, nec in pace à iustitia deficiat. nam quo' melior est,
eo (vt paulò supra diximus) plures insidiantur. habet
enim asseclas nequitia multos. Sed vtrumq; tempus
si placet seorsum videamus: si prius pauca vtriq; ex
posuerimus consentanea. L&L. Nobis vero' pla
cet; viderisq; optimè rem nobis enarratus, quando
distinctis temporibus singula perspicue cognoscem
us. Evt. Annonæ cura communis est, & belli, &
pacis temporibus. Nam caritas multorum fuit cau
sa frequenter malorum. Itaq; nè desint commicatus
bello, néue paci venalis iusto precio victus, danda
est opera Principi; qua in re Regum Persarum insti
tutum placet: geminos enim prouinciis singulis
creabant præfectos, legibus unus, & iuri dicundo,
idem prouinciali præsidio præerat. Alter culta no
tabat ab incultis, dabatq; operam, vt quām plurimū
aratores & meterent, & reponerent: idem in cæte
ris fructibus siebat. Et quoniam Principi secundo
loco videndum est, vt quām paucissimi sint paupe
res, vt si quando sit opus tributo, & libenter pen
dant

H

dant

dant, & commodè: ille ipse præfctus dabat opèrā
nè homines ociosi vagarentur, vt artifcia omnia di-
ligentissimè tractarentur. quæ res & prouinciam vni-
uersam, & Regium locupletabat ærarium; & quie-
tiora omnia magistratibus reddebat. Est quidem
natura comparatum, vt homines ocio marcescere
nolint. cum igitur vacat, mala cogitant, & cogitata
perficiunt, coguntq; Principem vel inuitum suppli-
cium sumere. Ad hæc furta, adulteria, cædes, cæte-
raq; mala facinora parit ocium; Principem etiam ip-
sum lædit. etenim eo' vsq; malorum crescit audacia,
vt res nouare cupiant, omniaq; misceri, atq; turbari,
existimantes legum, atq; iudiciorum interitu tuto in
sua se scelera ruituros, impuneq; laturos quicquid
peccauerint. Quamobrem eiiciendum est ocium,
vt pestis teterrimâ regni. Sed hoc loco nonnulli, &
docti quidam viri à me dissentunt, qui fatentur po-
pulares pauperes non esse optandos Principi: sed nè
nimis quidē diuites. Diuitiæ inquiunt fastum augēt,
animos faciunt, dant spes altiores. itaq; nō dubitant
etiam petere Principatū, qui sanè non penitus errant,
nec tamen omnia dicunt. nam si seditionis animū,
tumentēq; ambitione, comitantur diuitiæ, deteriori
bus rebus causam præbent: si mitē, atq; modestum,
Principē plurimū iuuāt. volo ego vigilare Principē,
oculos, atq; aures Persico more in omnibus ciuitati-
bus

bus habere: primis conatibus malorū obuiam ire, nō
præbere se facilē insidiātibus, & quemadmodū dice
bā obstare principiis sicut i morbis, nè sit post acrio
re vtendū medicina. quāquam eum, quēm describi-
mus Principem omnes pariter amabunt; nihil igitur
erit quod metuat. Sed quoniam multi sunt animo-
rum recessus, qui cognosci non facile possunt, si in
vtram peccandum est partem timidum malo, quām
incautum. Sit igitur hæc summa, opulentum re-
gnum, & ornamenta pacis, & belli plurima præbere
subsidia. Locus hic admonet, vt de vētigalibus,
deq; exigendis tributis verba fiant. Sed vereor nè
vos, qui ad hanc me orationem tanto studio compu-
listis, alios nunc habeatis animos, meamq; oderitis
loquacitatem, vel potius garrulitatem. LÆL. Be-
nè quidem tecum agetur, si te a' nobis tam facile,
quām existimas explicaris: certum enim nobis est,
atq; decretū, te nō ante dimittere, quām nobis om-
nia, quæ ad hanc rem pertinent explanaris, atq; vt sic
dixerim, enuclearis. Quamobrem bonum tibi ani-
mum para, & accingere vt totum nobis Principem,
quemadmodum optamus illustres, atq; ante oculos
ponas. Evt. Hæc sane vis est, sed quoniam vobis
vti licet, ferendum est quicquid statueritis, atq; vl-
trō pergendum. Amplificabit igitur Princeps quām
poterit maximè vētigalia imperii, quām minimo

H 2 priuato-

priuatorum incommodo; non est enim veri Princi-
pis, ut augeatur vestigalia priuatorum facultates mi-
nuere. Itaq; metallorum, salinarum, sationum pu-
blicarum fructus ampliores sibi parabit; Pascua etiā
maiora faciet, ut par sit sumptibus, quos non leues
Principatus habet. Quod vero ad priuatos attinet,
quæ à maioribus sunt instituta, grato animo vestiga-
lia suscipiet, pendere maiora, nisi magna necessitas
cogat nunquam compellet. Tributa vero nisi qua
necessitas urget, nulla edicet: est enim inuisa tribu-
torum collatio multitudini. Non modo quia con-
ferunt de suo, sed quia metuunt nè quotidie sint gra-
uiora pensuri. Cum autem quæ res Reipub. grauior
ad tributa exigenda compellet, curet, atq; efficiat,
vt sine acerbitate exigantur, & vt omnes intelligent
inuitum, atq; tergiuersantem Principem ad tributo-
rum exactiōnēm deuenisse. nam licet nomina ipsa
tributorum homines deterreant, benignitas Princi-
pis, atq; humanitas, dolorem omnem, atq; terrorem
facilè abiiciet: præsertim postquam fuerit appésum.
neq; potest perpetuus esse Principatus, in quo fre-
quentiora sentiantur tributa, nisi forte, vt equi calca-
ribus, ac frenis, sic ambitiosi, procaces nouarum re-
rum cupientes homines coercentur tributis. nam
cui non licet sua vti pecunia, cum intenderit lucro,
desiderat quidem mouere principatum, non tamen
potest

poteſt paupertate prohibitus. Nunc ſi placet ad ea quæ ſupra nobis ſunt poſita tempora redeamus, a pa-
ciſ tempoſe ſumpto principio. in pace Princeps hāc
potiſſimam deſumet operam, vt ſui manus habeant
abſtinenteſ, néue alieniſ corrumpantur viciiſ, ut le-
geſ feruentur penitus. eſt enim ciuitatiſ pernicieſ
transgredio legum: quanquām enim Anacharſiſ ille
Scytes legeſ telis conſerebat Araneorum, quæ à ma-
jorib⁹ rumpuntur animalib⁹, minora quidem ca-
piunt, atq; vorant. Sunt tamen nihilominus feruan-
dæ, quoniam eſt apud ſuperos lex, iuxta diuinam Pla-
toniſ ſententiā, quæ harum eſt ſoror, quæ nulliſ ca-
ſibus, nulliſ mučatur ſacculiſ ab iplo numine manās,
quæ mortalium omniū ſuperat ingenium; puniturq;
illorū, qui terrenaſ has legeſ contemnunt, atq; deiſi-
ciunt. quæ tamen ſit, ferendarum legum ratio vi-
dum eſt. Putant enim quidam (vt eſt apud Gorgiam
Platoniſ) legeſ ad principiſ vtilitateſ accommodan-
daſ eſſe. Alii verò popularium commodiſ conſulen-
dum exiſtimāt. Media quæ, & tertia, & ſalubrior
opinio, & ad principiſ, & ad priuatorum vtilitateſ
ferendaſ legeſ profitetur. Principiſ quidem, vt ſub-
ditis vtatur placatorib⁹, priuatorum vt aequitatē
in omnibus feruent, retineantq; in columen, ſanctam
humanam ſocietatem. Fateor tamen, neq; omnibus
prodeſſe, neq; gratas vniuersiſ eſſe poſſe, ſed maxi-
mæ

2170B

mæ semper consulendum est parti. nolo Draconis
leges, quas scriptas sanguine ferebant Athenichses,
quas antiquauit ipsa consuetudo; neq; nimis dissolu-
tas, sed humanas, atq; modestas, & legis simillimas
diuinæ. Duo sunt magnopere curanda Principi.
Primum vt quæ priuati inter se contraxerint pacta,
conuentaq; sint rata: sic enim constabit fides, quod
fundamentum creditur esse iustitia. Alterum nè ære
alieno, vel priuatim singuli, vel publicè ciuitates pre-
mantur. solet enim ansam plurimis dare malis æris
alieni magnitudo. Desiderantur tabulæ nouæ, quæ
ciuitates perdunt, atq; peruerunt: & homines de-
speratis, deploratisq; rebus, nouis consiliis animos,
atq; aures accommodant, ipsiq; Principi frequen-
ter negocium facescant. Præterea sicarii, grassato-
res, atq; id genus homines hinc trahunt originem.
nam qui non sunt soluendo; quamlibet ineunt ratio-
nem, nè soluant, vel vt de alieno soluant; omniaq;
clandestina ex hoc fonte oriuntur facinora. Itaq; &
sumptuariæ leges sunt imponendæ, vt pro cuiusq; di-
gnitate, facultatibusq; impensa fiant, & libidines ho-
minum omni ratione frenandæ. Si vero ciuitatē æris
alieni infectam peste nactus sit Princeps, det operā,
vt quam minimo partium detimento absūmatur.
ante omnia tētrima fœnerorum rabies est explo-
denda; Plurima enim debita committuntur spe fœ-
noris

noris, & comulantur vsuris. Videndum igitur est, tūm vt versuræ fiant, cūm vitari nō poterunt. Apud quosdā Parthorum fuisse legitimus magistratus, cuius erant munia videre, atq; cognoscere, quæ nam in ciuitate versuræ fierent: nec pati fieri nisi cognita, & probata causa, tātumq; possessionum haberet is, qui faceret, ut annuis solutis vsuris, sorteq; redditus, tantum supercesset, quantum ad victum, cultumq; toti suppeditandum familiæ satis esse iudicaretur: ita vt vxorum, filiarumq; dotes extra pacta fœnoris essent. Mihi satius videtur cum fœnore fœneratores procul abigere. Homines enim ad industriā se, atq; laborem propensiores exhibebunt; si omnis expectatio sit adempta fœnoris; multiq; prohibebuntur patria obligurire bona, cum pecunia mutuanda sublata commoditas fuerit. Eandem in vendendo, atq; in emēdo curam ciuitates desiderant: nē liceat vide licet omnibus pro arbitratu vendere, aut emere: sed iis quidem vēdēdi, quibus fortuna nouerca aliter viuendi viam, rationemq; negarit. emendi verò iis, qui & facultates habeant, vnde pēdat precia, & in aliorū fraudem non eniant; & sint sux rci benegerentes. Vendant præterea qui redhibere possint; probareq; explicata sine vicio ea, quæ vendiderint. Vnde est illud vetustissimum quicquid vitii venditoris sciuerit, emptori significare teneri. alius ramen crit locus de legibus

legibus dicendi cōfiosius: nunc adid, quod volumus satis. si prius nōn uerimus iuuentutis educationem nostris temporib⁹ negligi; cui rei vēteres legumlatores maximam adhibuerunt diligentiam. est enim turpissimum, cum nutriendis arboribus tantum curæ, tantum studii ponatur; erudiendæ iuuentuti, quæ omnium est res maxima, maximeq; necessaria, nullam penitus operam impendi. Sed hæc in alio Reip. genere diffusius, latius, copiosius disputatione videntur, hoc quoq; loco tangēda fuerunt. In pœnis etiam infligendis Deum principi proponimus imitandum, qui mitissimè plectit, etiam citra merita. Volo ad pœnam consideratissimè Principem accedere, diù multumq; cogitare, inuitum, ac recusantem condemnare: & quasi secantē viscera sua; paucorum suppicio sanare multos. Hæc veri principis opera sunt, qui patriæ pater, qui medicus, qui pastor iure vocabitur, quem non dignabuntur homines vocitare dominum. Qui cum leges ipse condat, etiam solitus legum videatur laqueis, legibus tamen obtemperabit: vt sit aliis exemplum legū seruandarum. sicut enim animantur milites incenduntur, inflāmantur cum in opere faciendo, nō verbo solum hortantem cernunt Imperatorem; sed laboris etiam partem subeuntem, atq; operis. sic præuaricar.

uaricari legibus erubescit, easq; veneratur, & colit,
qui Principem legum audientem dicto cognoscit,
seq; sponte subiicientem. Est enim magna Principa-
tus dignitas re Principem esse; legum tamen obseruā
tia æquare se cæteris, adhortariq; ad legitima tuen-
da munia. L&L. De legibus quidem multa sunt
à te grauiter dicta. Sed remanent quædam, quæ nisi
molestum est, aueo sciscitari. Evt. Mihi quidem
quoniam saltare semel didici, nihil erit graue, quòd
rogaueris. L&L. Dic igitur de magistratibus ali-
quid, deq; re pecuniaria. Evt. Prolixus admodū
nascitur sermo. sed non iniucundus, nec inutilis co-
gnitu. Solet enim quæri vtrum Princeps sit magistra-
tus. Nam pleriq; volunt, non magistratum esse, sed
moderatorem magistratum. Sunt etiam qui negēt
authoritate perpetua præditos Magistratus creari
solere. Ego verò si meam sententiam interponere
turpe non est, Principem dico magistratum esse;
nam tribus modis magistratum finiri video. dicunt
enim aliqui eum esse magistratum, qui ex legibus rē-
pub. administrat. Alii verò omnes publica tractan-
tes nominant magistratus. Tertiī magistratus eos di-
cunt, qui in libera ciuitate uicissim parent, & impe-
rant. Quo de magistratu non est nobis hoc tempo-
re sermo: Cæteræ verò descriptiones in Principem
vnicè quadrant. nam in gubernanda ciuitate, secun-

I dum

dum Deum Opt. Max. leges duces habet, atq; au-
thores, & Rempub. vniuersam, non hanc, vel illam
partem tuetur. Quem decet tametsi rationes non
sit redditurus, sic se tamen gerere, ac si corām omni-
bus relatus esset. Constat ergo nobis Principem
& magistratum esse, & cæteris præfici magistratibus.
In magistratibus vero cooptandis summa est adhi-
benda cautio, vt ii legantur à Principe, à quibus ip-
se beneficio potius asficiatur, quod curam suscep-
rint, quam in eos conferat beneficium. Optimum
est rogatos, atq; adeò coactos magistratibus fungi,
nam & Principis gloriam, & vtilitatem curabunt, &
omnibus in rebus communi saluti prospicient. Scio
nouum visum iri plerisq;: est tamen hoc quod dico
verissimum. nā qui magistratus, vel præmii loco, vel
decoris petunt, emisse sibi videntur honorem: quo
fit, vt omnia metiatur lucro. Fastus præterea tātū, tā
tū superbiæ habeat, vt ferri nullo modo possint. recte
igitur, atq; ordine monent, qui negant eos ad magi-
stratus esse sumendos, quibus debeat Princeps. Sed
illi multo magis sunt efferendi qui debeat, & se Prin-
cipi debere fateantur. tradunt Aemilianum Scipio-
nem, qui Numantium, Carthaginemq; delevit (duos
Imperii Romani terrores) in prouinciam aliquando
profecturum, ab aſſeca quodam, atq; rectore roga-
tum, vt præfectum se duceret in prouinciam: pri-
mum

mum subticuisse, mox etiam apertius negasse. Itaq;
cum ille stomacharetur, atq; ægreferret, nè mireris
amicus respondisse Scipionem, iam enim ego pridē
eum rogo, cui dignitatem meam carissimā esse scio,
nec adhuc impetrare possum. & merito quidem, nā
qui gratiæ loco sibi dari magistratus poscunt, pro-
prium commodum quærunt, qui autem ipsi rogan-
tur, tanquam donati munere aliquo, & publicū de-
cus, & Principis maiestatē tuentur. Sed in hac re mul-
ta disputari solēt, & variis certatur opinionibus. ac
quidam ciuiū plurimos in magistratu esse volūt, alii
vero paucissimos. Qui plurimos magistratum gere-
re cupiunt, a populari Repub. id ipsum mutuantur,
in qua vt pauperes locupletentur, plurimi creantur
magistratus. quare longè à Principis gubernatione
dissidēt; vnius.n.regimē ab illa populari colluuiione
cēsetur alienissimum. est etiā verendum nè multitu-
do obsit potius Reip. quàm profit. nam dum inter-
se dimicant, Rempub. deserunt in medio positam.
Qui autem paucissimos, plus oneris quàm necessē
sit magistratibus imponunt. Tenendum est igitur
medium, vt tot fiant, quot ciuitatis exiget, vel ma-
gnitudo, vel facultas: reliqui priuati viuant, quando
magistratus esse, & Remp. ignorauerunt administra-
re. Quæritur etiam, singulis nè rebus, singuli sint
præficiendi, an vnuſ sufficiat pluribus. qua in re &

I 2 ciuitatis

civitatis est habēda ratio, & eius, qui gesturus est dignitate in. Si. n. & patietur civitatis status, & is ipse, ad quem spectat ferre posse videbitur, vnum pluribus præfici, non est effugiendum. Præstat autem singularum rerū singulos esse curatores: ita tamen ut neq; multitudo supereret, neq; paucitas rerum néligat curationem, vel corruat certè publica salus capite vacans. Solet etiam dubitari, num generi sint dignitates tribuendæ, num potius opibus, num etiam experientiæ, ac virtuti? Quòd ad me quidem attinet, postrema magis probo: experto enim credendum est maximè; Virtus autem omnium bonorum est parēs, est potens, est laboriosa. Itaq; quorum alias vita probata est, eorum arbitrio tutò credi salus videtur communis. qui verò virtute excellit, ocium sanè præstat. quietis curatores, ocii, atq; pacis erunt ministri, dabuntq; operam né quid ab eis desideretur, né quid detrimenti capiat Respub. Non igitur certis ordinibus lectos, sed elegantia vitæ, animorum integritate, atq; probitate volumus magistratus. Quidam addunt oportere fidos etiam esse Principi, quod inane sane` videtur; illi enim quem constituimus Principi nemo non erit fidus, amabitur enim ab omnibus, atq; obseruabitur, vt in cuius salute omnium vita sit posita. Sed de magistratib. hactenus. LÆL. Satis quidem dictum videtur: verùm est, quod a te requirere

requirere præterea libeat. Evt. Dic age, mihi.n.
statutum est de iis, quæ potero, quæq; sciam nihil ti-
bi omnino negare. L&L. Quoniam igitur duas
Principem induisti personas, altera iam pertractata,
alteram vt nobis gratificeris edissere. Evt. Opti-
mis nobis opus est auspiciis, vt parua nauicula, tan-
tum ingressi pelagus, & euadere salui, & ad portum
peruenire valeamus in columnes. Sed quo fata vocant
eundum est. ea quam natura imposuit persona Principis personæ cedit. multa sunt enim quæ concedun-
tur priuatis, negantur principibus. quædam etiam
in priuatis laudantur, quæ vituperantur in Principi-
bus, quæ colligere vestra prudētia quibit; sunt enim
exposita palam, neq; disputationis egent. Princeps
igitur, seipsum circunspicit, suaq; dicta, & facta om-
nia examinabit, nè quid aut fecerit, aut dixerit, quòd
hominum vituperationem promereatur. Absit scur-
rilitas omnis, omnisq; leuitatis suspitio, temeritas et
abiiciaetur, deniq; veterem exuat personam, nouam
induat. Sed res ipsa nos hortatur, vt ad virtutes ali-
quando veniamus. Liberalem oportet esse Princi-
pem, ita tamen vt sumptus suppeditentur redditibus, néue de alieno dare cogatur. Qui enim aliis
aufert, quòd largiatur aliis, siue Princeps sit, siue mi-
nime, peruerit, perdit, destruit humanam societa-
tem; & quoniam in uitis dominis attrectat aliena, fur
est

100/109

est merito iudicandus. Nihil igitur donare Principem placet? imo plurima: sed cautio est, vt de suo det, vt sibi prouideat, ne desit vnde ordinarii fiant sumptus, atq; impensa deducantur. Quod ad fortitudinem attinet, malo promptiorem consilio, quam manu Principem esse; si tamen casus tulerit, vt manu sit quoq; decertandum, Principem ita pugnare precipiunt, vt meminerit in se uno esse omnia posita, se cadente patriam quoq; cadere. Sed accidunt tempora in quibus pro salute communi propriam effundere Principem oporteat; quae licet raro contingant, eueniunt tamen aliquando. vt Codro Atheniensium Regi, cui datum Oraculum dicitur; ex altera parte regē, ex altera exercitum Diis manibus deberi, Lui matri, matriq; telluri. quod cum Oraculum hostibus quoq; cognitum sciret, edictumq; ne quis Regem Atheniensium perimeret; ipse incognitus penula mulionia indutus hostium ingressus est castra, deditaq; opera cum milite rixatus, quod maximè petebat ab eo est interfectus: cuius in honorem in posterum Athenieses Regnum funditus substulerunt. Sed hæc (vt dixi) raro admodum contingunt: Cæteris in temporibus senescere Principem commodissimum est. Munificentia principe videtur dignissima, sed ita vt quod munificum fuerit, sit etiam utile, vel Diis, aut hominibus honorificum. Ut munire arcem, tutū portum

portū struere, muros reficere, templa Deum orna-
re, nauibus naualia replere, aliaq; quæ & specie,
& vſu probentur efficere. semper tamen videndum
est nè vires superentur impendio, ne' videlicet vio-
letur humana societas. De Modestia, Temperātia,
Continentia, omniq; frugalitate, quod dici possit fa-
tis apertum est. Aditus faciles, benigna respōſa, atq;
grata Principis populares animos facile conciliant.
Contra verò superba, atq; contumeliosa mentes ho-
minum auertunt. Demetrio Antigoṇi filio Mace-
doniam obtinēte anus quædam aliquid petitura fre-
quens aderat, ut audiretur flagitans, cum rex ocīū si
bi non esse diceret, nè regnes inquit anus, si audire
non vis. idem Demetrius cum præ fastu neminem
admisisset, edixit tamen aliquando, vt qui petere ali-
quid a se vellet, scriptuni ederet; ex vniuersa cōcur-
sum est Macedonia; Rex ipse Chirographis onera-
tus. quæ omnia cum in vestis lembo deposuisset, pro-
sequētibus cunctis, responsaq; summa cum expecta-
tione operientibus, ad Pontem peruenit. diductoq;
atq; excusso sinu, in flumen omnia demisit: nec mul-
tò post amissō regno coactus est exulare. Amatur
comitas in Principe valdè, quam condiendam existi-
mo, grauitate quadam, atq; maiestate. Et quoniā
semel cœpimus persequamur. Sobrium, victu par-
cum decet esse Principem. De cultu, atq; ornatu
vestium

vestium satis magna dissentio est. Nam quidam me-
dium quendam inter priuatum , & maximum esse
volunt, quorum sententiæ me non piget esse: nōnul-
li nihil differre oportere Principis à priuati ornatu-
cultur putant. Tertii maximè à priuato distinctū.
adiice si placet quartos , qui afferunt in publicis lu-
dis , festisq; diebus, atq; cum iura dicuntur, augustio
re vestitu regem esse oportere; in quo publica con-
sistit maiestas; cæteris diebus nihil, aut parum à pri-
uatis differre. Restat vnum in quo certè Barbaros
quosdam Principes ridere meritò possumus, qui ado-
rari se volunt vtroq; poplite flexo. Reuerentiam tri-
bui Principi volumus , Deum vnum adorari. LÆL.
Oblitus mihi videris Principis exercitationes expo-
nere , cuiusmodi potissimum esse debeant. EVT.
Non exciderat hoc sanè , sed consulto' prætermitte-
bam: si fortè citius possem elabi. Sed quoniam tar-
dè festino , hoc quoq; persequar . Principem exerce-
ri oportet , & salutis gratia, & vt corpus experiatur
in armis, aptumq; , atq; idoneum bello reddat. Sunt
autem exercitationes, pilæ lusus , decursio , vena-
tio , quæ instar est belli, quam minimo fieri possit
cum periculo . Simulacrum etiam pugnæ non dispi-
cet, si modo nulla temeritas insit. vidimus enim Hen-
ricum Francorum Regem miserando infortunio dū
temerè se committit simulatae pugnæ, è medio non
sine

sine maximo generis humani periculo fuisse sublatum. Et paulò superioribus annis vnicæ adolescens indolis Bonifatius, qui Monteferratensis impietabat, imaginario certamine se exercens equi casu interiit. Vnicus erat virilis stirpis Ferdinando Regi Hispaniarum Ioannes tot regnorum, tantæ potentiae futurus hæres. qui tamen inter decurendum excusus equo periit; magnamq; mœstitudinem, & sumnum sui desiderium, non solum parentibus, sed omnibus etiam populis reliquit. Videndum est igitur Principi; quomodo se exerceat, quibus equis, quibus comitibus se credat. non enim repetam sapienti numero, non inquam sibi ipsi, sed omnibus populis non cet. Sed pro temporis huius ratione satis Principem exercuimus. L&L. Quid aliud quod ad Principem pertineat, atq; ad Reipub. administrationem tibi restare videtur? dic obsecro. ego enim singula interrogare non audeo, nè tibi sim molestus, & interim audire cupio; libera hoc me quæso pudore: & quæ minus adhuc explicata sunt, enarra. Evt. Pulchrum sanè, atq; elegante mihi narras pudorem: carptim, atq; per partes, onerare recusas, quod ferrem fortasse, vniuersum vero pódus, atq; omnem imponis sarcinam; nec tamen sum ferendo. Verum quoniam sic erubescere consuesti, geram tibi morem quo ad potero, ea tamen lege, vt si cecidero, vel me adiu-

K ues

ues, vel onus certè detrahas. L&L. Perge non enim deemitus, nam plures sumus, teq; quilibet pro parte iuuabit. EvT. Soboli Princeps operam dabit, est enim magnum regni subsidium hominum multitudine, & ad bella substinenda, & ad ornandam pacem. Itaq; lege decernet, vt qui ad nuptias apti sunt, uxores ducant, liberisq; dent operam. Prohibebit adulteria seuerissime, ne contaminentur familiæ, polluanturq; gentes. etiam apud veteres curatum est, vt viduæ, quæ partui essent idoneæ, nuberent. Itaq; laudatur Metelli Censoris oratio apud Romanos: quoniam vulgo ducere viduas recusabant. Hortabatur igitur nè viduarum contemnerentur connubia, id enim vtile Reip. admodum censebatur: præfertim cum esset magna viduarum multitudo, extinctis viris bellorum diuersis casibus. Illud vero præcipi etiam solet, vt ratio generum seruetur, vt pares iungantur paribus; quod mihi non tantopere curandum videtur. Illud maximè, nè iungantur bonis viris, atq; claris, si fieri posset turpes, infames, degeneresq; mulieres. Et de nuptiis quidem multa præcipi solent, quæ nobis sunt consulto prætermittenda; vendendum est tamen, vt quoniam patres sequuntur liberi, nullum genus despiciatur, quod vita dedecus, labesque maiorum insignis, non fecerit contemnedendum; sed transcamus ad reliqua. Præcipitur, quoniam

niam omnium commoda Principi sunt inspicienda; rem ut nummariam diligenter inspiciat, ut certum sit precium, neq; mutetur si fieri possit. Accidit enim s̄æpen numero mutandis preciis ingens iactura. quare cōstantis nummarium debet esse precium. Huc accedit quòd solutiones propter crebram mutationem nummorum fieri sedulò non possunt: nec enim quid, quātumue daturus, aut accepturus aliquis est, scire potest: vnde nostra patrum, atq; maiorum æta tibus, pleriq; decoixerunt, qui alioqui singulis quod debebatur facile dependissent, si modò suo more viuere licuisset, ac pecuniam quo precio acceperāt erogare. Sed locus, resq; iam poscit, vt ad bella, bellorumq; tempora transeamus; quod nobis secundū propositum fuerat, tempora actionum Principis diuidentibus. L & L. Commodissimè nobis accidit, vt te hodie conueniremus ociosum, quod rarò con-tigerit alias: abutemur igitur ocio tuo, neq; te ante dimittimus, quām omnia perfeceris, quæ exponen-da suscepisti. Ev T. Nihil noui prædicas; scio enim te non ante cessaturum, quām ipse penuria, atq; inopia rerum coactus, tandem perorauero, sed iam de re dicendum. Belli iura & scire Principem decet, & seruare. bella tamen non temerè suscipere; nullum enim sine periculo bellum fieri consuevit: nam Mars est communis. Plurima propterea belli ge-

K 2 rendi

rendi præcepta traduntur, quæ paucis absoluam.
Dividunt belli rationem in tria, qui tractant isthac
membra. Primo quidem indicendi ratio belli con-
tinetur, altero gerendi, postremo deponendi: fusi
piendum profitentur bellum, quod sit iustum: iu-
stum autem variè interpretantur. Romanis enim
legibus iustū id bellum censetur, quod Princeps, po-
pulusū Principi, seu populo indicit perduelli, quæ
Philosophimimime probant. non enim suscipienti-
bus bellum personis iustitia constituitur, sed causis.
Verū Romanis legibus vtilitati, vel potius ambi-
tioni, atq; cupiditati magis consulebatur, quam iu-
stitiae. statuamus igitur quæ iustæ sint belli causæ,
quo pacto, quando liceat bellum suscipere, quan-
douc secus, facile dignoscemus. Tres igitur bel-
lorum causæ probantur; tenemur enim nos, nostraq;
defendere, & pro aris, ac focis pugnare. vnde milites
apud Platonem vrbium nominantur custodes: quo-
niā defendere se ipsos, totamq; ciuitatem, præci-
puum munus est militare. Secunda vero causa, cum
iniuria accepta, res non redduntur repetitæ: vt si na-
uicularii mercatores sive capti retentæ merces, inter-
fecti ciues, impediti comeatus, aut aliquid sit perpe-
tratum huiusmodi: quæ tamen causæ tū habentur iu-
stæ, cū res repetentibus non restituuntur. fieri nēpē
potuit vt publico consilio non sit iniuria facta. qua-
re

re inuentū est ut res repetāntur, quibus nō redditis, tamen si consilio publico non sit peccatū, publicē tamen culpa suscipitur, bellūq; fit iustū. Tertia vero ratiō dicitur, quādo pacē publicā impediunt finitimi, vel impedituri putātur, nīsi praeuenierimus. quo casu etiā nō indictum bellum geri, atq; administrari iure optimo potest. quā rem Cosmvs, expertus est Princeps omnium prudentissimus, qui nīsi praeuenisset vobis bellum inferre, intra patriæ viscera sensisset arma, quæ inimico animo in illum parabantur, iam iamq; fuerant sumenda; non a' vobis quidem, sed abiis, qui tenebant habenas, quiq; Reipb. ea tempestate praeerant. iustum igitur erit bellum, quōd pro patria iis, quas diximus rationib⁹ aduersariis indice tur: cuius erit finis, vt sine iniuria in pace viuatur. Videlicet igitur est Principi nē ad arma temerē currat, seq; bellorum periculis obiiciat in consulto'. Itaq; illud Augusti laudatur in primis, quem dicere solitū ferunt, vnum se ciuem seruare malle, quām hostes perdere mille. eundem dixisse ferunt eum, qui pacatis bellum intulerit stultum lusorem præseferre, qui talos iacit ad certissimam iacturam. Fiet autem iustius bellum si indicetur antequām geratur, non enim boni viri fraude pugnant, vulpium more, sed instar Leouum ui, atq; virtute. De indicendo bello satis. Non enim per secales more veterum indicetur:

tur periiit enim omnis ferè religio , quamuis ius legationis remaneat : quo tamen raro principes vtuntur, regemq; armorum appellant, in quo ius legationis valet, cætera religione sublata. Nunc degerendo nisi magis aliud placet. LÆL. Hoc ipsum volumus: quare perge quemadmodum cœpisti. habes enim gratissimos auditores. EVT. Iubent ergo vt si fieri pos sit bello Princeps abstineat, alteroq; gerat imperatore plus enim amittitur, vno sublato Principe, quām superatis hostibus acquiritur. Afferunt præterea cum imperatorem Principi deligendum, qui & manu promptus, & consilio sit bonus: ante omnia, vt sit comis, mitis, elegans; hic enim maximam gloriæ partem Principi comparabit. Sed de Imperatore, quæ dicenda fuerat in eum reponemus locum, quo de Imperatore disputabimus, modo se nobis offerat occasio. Cætera præcepta sunt omnibus in promptu, vt parentur commeatus, milites armentur, oportunis locis præsidia constituantur: cæteraq; strenue fiant, quibus res constat militaris. Duo tamen taceri nequeunt, vnum, vt Princeps à iusta pace non abhorreat, alterum vt quos semel deuicerit charos habeat, foueatq;, quæ ipse fecerit mala. comparant igitur hastæ Achillis Principem, quæ vulnerabat, & inuersa sanabat eadem, ac medebatur. Vnde cum murari aries percusserit, si deditio sicut est accipiēda, dc
ditisq;

ditisq; parcēdum: magis enim est gloriosum, vel vnā ciuitatem seruare quam aduersarios innumeros, ingentiaq; regna armis, atq; internecione pacare. Videat etiam Princeps, atq; adeo prouideat, loca, tempora, commoda, atq; incommoda, turpe est enim dicere in medio armorum ardore non putaram, non præuideram, non opus fore credebam. Captis autē vrbibus, opus principis est eam aetatem omnino seruare, quæ cum nocere non possit, habita semper est misericordia digna. Quare solet qui nam milites potissimum legendi, qua in re nostri temporis consuetudo vituperatur: Reges enim ut sumptui parcant tumultuario vtuntur milite. Itaq; integri exercitus Tyronum conficiuntur. Placet igitur milites descriptos habere, exercere crebro, ut cum eundum erit in castra, nulla sit penitus mora. Genus etiam militū huius aetatis improbari solet, quod ab ipsis agris, atq; adeo ab aratro euocantur ad arma. oportebat quidem milite honoratiore exercitum constitui, qui turpe duceret, aut locum deserere, aut excedere ex acie, aut hostem non ferire, quiq; existimaret dedecus, ac turpitudinem omnia mala superare. obiicier fortasse quispiam, Romanos veteres non solum milites, sed & clarissimos Imperatores ab aratro, & creare, & diligere, & suscipere solitos esse. Verum alius honos, & longè quidem alias habebatur aratro.

tro . non enim seruile genus hominum , quod ho-
die maxima ex parte cernimus , sed ea tempestate
ciuitatis primores arabant . Itaq; mirum est non de-
dignari nunc terram talibus cultam manibus fru-
ctum facere . Sed ex multis sint hæc pauca libata , alias
forsitan si de re militari scribere statuerimus latius ,
diffusiusq; explicanda . Reliqua est deponendi bel-
li ratio , in qua illud animaduertitur in primis nè si-
mulata sit concordia , nè fraudis , aut insidiarum ali-
quid occultetur nomine pacis ; quæ si constent de-
ponendum est vtiq; bellum , dandaq; opera , vt pro-
missa seruentur , si enim priuatis est turpe non stare
paetis , quanto grauius erit in Principe ! Qamobrem
quid deceat , & quid nō , quid honestum , & quid tur-
pe , quid vtile , & quid inutile ante perspiciendū est ,
quam paci Princeps assentiatur . vbi verò pacem se-
mel suscepit , eam tuebitur , tametsi fuerit in susci-
pienda peccatum . Sed de bellis cum dici possent in-
numera , hactenus exposuisse sit satis . L&L . Pro-
peras , vt video , vt te quam primum expediās : nos
verò longiorem desiderabamus orationem : quare si
quid est quòd prætermiseris , quando dicendum ti-
bi toties est , exponas rogamus . Evt . Nihil sane
præter epilogum , quem si ita vultis breuiter transi-
gere possumus . L&L . Quem Epilogum dicas non
intelligo aueo tamē audire . Evt . Attende igitur .
Principem

Principem ante omnia germanum, verum, atq; tan-
to nomine dignum exquirimus, qui non sibi solum,
sed vniuersæ sit natus Reipub. ex cuius salute suam
vniuersi pendere credant; qui fiet optimus, atq; or-
natisimus si superiorum regnum vicia perpen-
dens, ea pro viribus vitauerit, quæ paucis percurrē-
tur. Assyrii, id enim primum regnum occurrit, quia
ante alluisionem, quæ gesta fuerant, literis perditis
sciri non potuerunt: post alluisionem prima tempo-
ra in montibus homines transegerunt, aquarum me-
tu, vagi, palantes, inculti, horridi sine rege, legeūc,
aut religione: quo fit vt Assyriorum regnum sc̄e
nobis ostendat, cæteris prius. Assyriorum ergo Re-
ges vno excepto Nino, qui bello multos supera-
uit, ac Zoroastrum artis Magicæ repertorem in
prælio peremit. Hoc vno igitur dempto, molles
omnes, effeminatiq; fuerunt: Mitris, vestibusq; fluē-
tes, foeminæ potius quam viri, vt in ter eos vir maxi-
mè Semirāmis fuerit, quæ res clarissimas gessit, re-
bellantes compescuit multos, præstantissimas con-
didit vrbes, in quibus celeberrimam Babylonem,
ædificiis, mœnibusq; mirabilem. Sed vt hæc adii-
ciatur Nino, cæteri parum a Sardanapalo absfuerunt,
quem fortuna sic odit, vt cum illo omnis interierit
Assyriorum potentia, quæ populorum imbecillitate
fuerat ad id tempus maxima. Sequntur Medi, qui

L &

& dignitatem, & maiestatem Assyriorum occupauerunt, paulò bellicosiores disfluentes tamen ipsi, atq; effæminati, vino præsertim sic dediti, ut à Græcia vina sibi mittenda curauerint. expulerunt hos Persæ, qui licet à Xenophonte laudentur, omnium regum habitus sunt superbissimi, quos ipse populus sequabatur. (Principes enim imitantur populi) qui terram, & aquam, quod signum Imperii arbitrabantur ab omnibus sibi gentibus dari æquum censebant, qui quiescebant nunquam, neq; patiebantur quietem re liquos agere. Hæc tamen dominandi vorago periut aliquando, quæ omnes leges ad suam ferè vidébatur utilitatem scripsisse, Aegyptii; Lydiq; sunt proximi, bellicosum vtrunq; Regum: Lydum tamen ingeniósius; Aegyptii nianq;, etsi disciplinis mirifice, ar canis etiam pollebant. multa tamen habebant vitia: erant iniusti, inter se dissidentes, tyrañnidis afflictates, singulari etiam dicuntur fuisse crudelitate. Lydi Medis proximi non satis religiosi habitus sunt. Quoniam etsi aliquandiu religionem visi sunt colere Giges tamen Aliarcte imperfecto domino, eiusq; uxore simul cum regno potitus, omnia diuina, atq; humana perueritit propter principatus, quem sibi falsa opinione finixerat cupiditatem. Itaq; auspiciatus est regnum ab eorum omnium cædibus, quos sibi obstat re vel velle, vel saltem posse suspicabatur. Nec meminerat

mincrat codem se tempore, & seruire desisse, & cœ
pisce regnare. Hac stirpe Crœsus ortus traditur, cu
ius ego quid commemorem insolentiam? Qui So
lonem sapientissimum, atq; optimum virum turpi
ter, ac penè cum ignominia reiecit, quod Crœsum
omnium mortalium beatissimum non prædicaue
rat, qui non est veritus oracula vniuersa tentare Per
sis indicturus bellum, veritatemq; numinum experi
ri. Itaq; in pyra positus iamiamq; cremandus, & Solo
nis est recordatus, & didicit Religionem esse colen
dam, docuitq; Cyrum fortunam, atq; humanos per
timescere casus. Non licet igitur insolescere princi
pem, non fortunæ fidere nimium: Religionem au
tem (quod pluribus verbis supra docuimus) non so
lum agēdo colere sed tota mente venerari, & de Ly
dis quidem hactenus. Superauerunt omnium ambi
tionem Macedones, qui post Alexandri mortem,
plus ciuilis quam externi sanguinis fudisse tradun
tur, insidiis, dolis, fraudibus, omni proditionum
genere certantes. Nam Alexander ipse primis tem
poribus regni clarissimi principis, atq; optimi dedit
specimen, cuius virtutes classicis authoribus cele
brantur; inter quas illam, quam ego Principe maxi
mè dignam puto, silentio transire non patiar. inau
diendis quæ ad se deferebantur eausis alteram sem
per aurem comprimebat, vt videlicet intelligeret

L. 2 is, qui

is, qui dicebat, deferebatuc quempiam, aduersario relinquи locum, nè quis oprimeretur iniuria. Idem tamē post ingentes victorias, partasq; Persicas opes, & superbia vicit superiores, quippe qui voluit etiā adorari, Iouisq; vocari filius, & omnium ingratisimus est existimatus, amicorum interempto primario Parmenione, eiusq; Philotta filio, quorum opera saepius vicerat. nam Cliti mortem Diis, hominibusq; inuisam fuisse patet, quem in ipsis propemodum transuerbarauit epulis, ebrium certe nemo negabit. Parthici, Baetrianiq; Reges, Barbari scuiq; fuerunt. & domestico pollutı sanguine; omnium Actiopes, & iustissimi, & fortissimi, nimis tamen superstitioni. Romæ regnatum est etiam, & Lacedæmonie, Lacedæmoniorum autem reges Ephoris obediebāt, a quibus etiam multari se patiebantur, nihil inconsultis senioribus (Sic enim senatum appellabunt) agendum sibi censebant. quare quamdiu Lycurgi legibus obtemperatum est, regnorum omnium æquissimum contenderim Spartanum fuisse; sed ad Romanum redeo, quod est incoatum parricidio. Etenim pace dixerim, vel Quirini, vel Romuli, non vtiq; decuit occidi fratrem, rerum ut potiretur solus. Consequuta est Numæ benignitas quo tempore verè Romæ creditur esse regnatum. nam Tullius, qui Numæ successit, & auita gloria, & proprio ingenio

ingenio tuumidior ē existimatus, ac sœuuior, ad bcl
laq; procliuior; cuius crudelitatis exemplum Metii
Suffetii pœna fuit luculentum. Ambitiosissimus Tar
quinius Priscus. induxit enim ambiendo, petendoq;
regno libertatem nimiam in forum, atq; auxit popū
larem licentiam. Seruius, huius successor muliebri
fraude regnum occupauit, virtute tamen est conse
quutus, ut regno videretur dignus, vt æquasse puta
retur superiores, dixerimq; fidenter secundum Nu
mam Pompilium Seruum Tullum, & plurimum
patriæ profuisse, & optimum ostendisse principatū.
instituit censum, distinxit ordines, centurias pri
mus ordinavit, & pace, & bello ornamenta præstan
tissima. Hic Romæ regnandi finis. Superbum enim
numquam ego regem appellauero. In Aphrica re
gnatum est ante Massinissam barbarè nimis. exco
luit gentem moribus Massinissa parum, non tamē
potuit barbariem penitus expellere. Possum tamen
confirmare in Aphrica regna omnia inculta, horri
daq; fuisse Tyrannidis similia, quam regni. Arme
niorum in Asia à Medis, Parthisq; non degenerauit
principatus. Attali Reges modestissimam regnan
di formam instituerunt. nam & ipse Attalus animo
fuit regio, & eius filius Eumenes ita se gesit ut eius
Imperi ciuitates libertatem omnino non desidera
rent, nec liberis vlla ex parte concederent. Regna
noſtri

nostri temporis explicanda forent suis certe' vitiis
minime carentia. Abstinebo tamen non enim li-
benter nostra contrecto vulnera, nec quempiam
offendere placet. Hæc sunt itaq; potissim regna,
in quæ decet Principem intueri, ut vitia fugiat, imite-
tur virtutes. Hoc erit facile' factu, si multæ lectionis
fuerit Princeps, præsertim in historiis exercitatus;
vnde quid summendum, quid fugiendum sit facile'
poterit intelligere. Sed iam me vires deficiunt, iā
deest oratio: quam ob causam, ut possim maioribus
suppetere, mihi eam dabitis facultatē ut aliquā-
do perorem: omnis enim hæc disputatio voluendis
veteribus monumentis vobis non erit incogni-
ta. Læl. Nos quidem, & tibi gratiam habe-
mus, & satis disputatum putamus. Quæ
cū respondisset, illi quidem di-
scesserūt. Ego solus, liberq;
relictus, ad mea vetera cogi-
tata.

F I N I S.

Pagina	versu	errata	correcta
4	6	laudis	laudibus
13	4	erectos	eruptos
14	9	scientiam	sententiam
16	10	oriuntut	oriuntur
23	10	regiū, imperium	regium imperium
24	3	præseritm	præsertim
24	19	existimentur	existimetur
26	12	munæribus	muneribus
31	1	principem, iterū	principem iterum.
31	1	sæcula	secula
37	9	sæculis	seculis
37	13	molles	moles
48	27	clipeo	clypeo
61	16	sit, ferendarum	sit ferendarum

BONONIAE.

Per Ioannem Rubicum Typographum Venetum,
Bononienſiꝝ ciuitate donatum.

Permittente Reuerendo P. Inquisitore.

Бономи. Помимо

DE CONSCRIBENDA HISTORIA
DIALOGVS.

VENTVRA COECO AVTHORE.

Bononiensium auspiciis publicè humaniores
literas profitente.

AD REVERENDISSIMVM IO. BAPTISTAM
CAMPEGIVM BALEARIVM ANTISTITEM.



BONONIAE,

*Excudente IOANNE Rubeo, cui Mercurius, & Typos,
& clemens auguria præbet. M D L X I I I.*

AUSTRIACAE LIBRARIAE
EX LIBRIS
ARCHIPILOTI VENETI
ANTONII PALLAVICINI
CONSTITUTA



MONSIEUR
DU MUSÉE DE LA CITE
DE PARIS
PARIS 1812

REVERENDISSIMO IO. BAPTISTAE
CAMPEGIO BALEARIVM
ANTISTITI
AMPLISS.

VENTURA COECVS

S. P. D.



GO QVIDEM (*Præsul optime, atq; dignissime*) quæ Stoici admirabiliæ defendunt, quæq; ob id ipsum παρόδοξα uocant, uerissima, maximq; Socratica puto; solamq; uirtutē in bonis existimandam censco. cetera siue ἀλιθίφερα, siue τὰ μίσα, siue προηγμάτα dicantur, non illa quidem repudianda duco, sed nè in bonis quidem habenda; sicut neq; reiecta, quæ ἀποπροηγμάτα arbitror nuncupari in malis dixerim numeranda. Quare effectum est ut omne uitæ tempus quoad passa est cæcitas, sorsq; nobis largita est nouerca uirtuti quæredæ, uestigandæ, atq; ex his latebris cruentæ, in quibus occulta ri coegerant hominum tetra facinora, potissimum tribuerimus. Quia in re quantum sit profectum, nostrum non est persequi, ut proficeremus laborasse id certè & profitemur, & prædicamus. Quæ nè ab resucepta uideatur oratio, nostra iam nobis (clarissime Præsul) est aperiēda sententia Tria sunt igitur me iudice, quæ uirtute maxime cōparantur Voluptas, Utilitas, Gratia. & uolu-

A 2 pratem

ptatem quidem illam appello, qua delectantur animi, enatisq; plus
mis secesserunt ad Deum. Utilitatem intelligo, que nunquam
desit, necq; deficiat, etiamq; nobis comparet immortale. Gratia
quidem, que nobis tertio loco positafuerat, hominem conciliat ho-
mini, tucturq; societatem humanam. Itaq; plerisq; splendidior
ceteris, superioribusq; uidetur illustrior quod uinciat homines,
eosq; maxim.e necessitudinis nexus coniungat. Harum autem uir-
tutis effectionum, que sit illustrior, queue copiosior, & amplior
hoc tempore non libet examinare, efficeret enim uolumen epistola.
Illiud certe dixerim audacissime, hominem mihi non uideri,
qui grato non se praeſtiterit animo. Beneficium nolenti tibi non
conferre licet, acceptum non gratia prosequi certe non licet, si mo-
dò uir bonus & esse, & haberi uelis. Non negauerim certis pon-
deribus officia examinanda; constat id enim inter omnes. Affir-
mauerim tamen omnino referri gratiam oportere si liceat, si mi-
nus haberi. Sed sum nimius in re perspicua, sententiam igitur
in pauca conferam. Ego tibi (Pater amplissime) tantum de-
beo, quantum cumulare potius animo possum, quam eloqui. Tan-
tum inquam, debere tibi me sentio, quantum homini possit ho-
mo. exponerem omnibus, & Jane libenter que, quot, quanta tua
sint in me prouerita, nisi certò scirem te uulgari nolle, malleq; in
bonorum pectoribus delitescere, quam in uulgas tua munera pro-
mulgari. differentur igitur non tamen penitus oculciuitur; reuelab-
bit enim ipsa se uirtus, nudamq; se mortalibus ostendet, quo` mi-
rabiles amores, incredibilesq; concitat. illud certe reticere non pos-
sum, quod tua potissimum motus autoritate Bononiae substiti,
urbemq; B.

urbe inq; omnium cognoui clarissimam, nobilissimam Academiam. Hec nimurum est illa Bononia ubertatis nomine clara, florens ingenii, armis potens, nobilitate frequens, quam Augusti diligunt Imperatores, gemino ut ornentur diadema. Pontifices, ut negotia maxima conficiant, Patres ut de summa Rep. nominisq; Christiani salute consultent. Mineruæ sacra rium, bonarum artium parens, altrix, alumna Bononia, quò non Itale modò gentes, sed exteræ confluunt nationes, tanquam ad scientiarum mercatum, amanissimumq; diuersorum. Hanc ego tua potissimum autoritate motus hac tempestate ci uitatem frequento, incolo, inhabito, præstantissimis præcepto ribus, doctoribus, professoribus connumeratus. Hoc autem ego munus laudatissimæ autoritatis tuis in me collatis plurimis, maximisq; beneficiis antepono. Cum autem ut Themistochli Mil ciadis trophœum somnos adimebat, sic mihi referendæ gratiæ cura, ingensq; solicitude noctes, diesq; demeret requietem, uideremq; tandem parem me non esse, non inquam esse soluendo; quod meum erat semper gratiam habui, semperq; sum habi turus. Nam & relata habetur gratia, & habendo refertur. Putauit me tamen operæ preцium esse facturum (Antistes optime) si quid mihi humanitus accidisset (solent autem multa) præter expectationem, præterq; Fatum. si testatum apud te meum facerem animum, si signum aliquod statuerem, atq; indicium mee in te singularis obseruantiae. Quare cum rudi Miner ua quædam de conjribenda collegissim historicæ, pauperis agelli reliquias quasdam te poussimum habui cui dicarem. Accipies igitur

igitur hilari fronte, benigno, pacatoq; uultu quicquid hoc est,
 quod offerimus equiq;, ac boni consulens, non quid, quantumue,
 sed qua mente tribuatur agnoscet, quod ita futurum tua mihi
 singularis benignitas, incredibilisq; pollicetur humanitas. quare
 pluribus non agam perspectum enim, atq; exploratum habeo no
 longiorem orationem te cupere, fucatis que maxime uerbis confi
 ci consueuit. Sed probè purgatam, expiatamq; mentem, que d
 cat idem, et sentiat, que nullam admittat labem, que nulla peni
 tus inficiatur nebula; quam tametsi exterioribus oculis cernere
 nequeas, his certè uidebis luminibus, quibus prospiciuntur superi,
 cognoscunturq; cælestia. conspirant enim inter se animi bene
 educti, atq; informati, & alter alterius sensa, cogitataq;
 rimatur, sed sit iam aliquando finis. Bene uale uir
 tutum columen, decus inorum, Præsu
 lum specimen, Cæcumq; tuū totis
 præcordiis amplectere.

Vale. Bononiæ.

1563.

7

IN DIALOGVM DE [CONSCRIBENDA
HISTORIA PROOEMIVM.



PTIMVM certè fuerat, Deoq;
(vt existimo) gratisimum om-
nes homines sua forte conten-
tos, nihil maius suis viribus ex-
periri, hocq; potissimum esset
se ipsos nosse, quod Delphicū
præcipit Oraculum; longe tamen aliter cernimus
euenire. Quotus enim quisq; non quærit suis viri-
bus altiora? non cœlum vertice tangere cupit? non
secreta Naturæ, arcanaq; superum perscrutari? Di-
cet aliquis, sciendi, atq; intelligendi cupidinem insi-
tam hominibus esse natura, quod ego sanè non infi-
cior, sed omnibus in rebus desidero modum. Quis
enim hominem docuit extis inspiciundis, auium vo-
latu, vel certè garritu futura prædicere? & Calcas
apud Homerum, quemadmodum narrat Agamem-
non ex passerum numero, quos vñā cum matre ser-
pens vorauerat, annos Troiani belli dicitur conie-
cisse. Mitto fulgurum, fulminumq; procriptionem,
syderum quoq; numerum, ac magnitudinem nos
scire putamus, quasi vero Iouis elati quadrigis cœle-
stia viscerimus, cæteris videlicet mortalibus indica-
turi. Omnibus sanè rebus præstat adhibere modum,
quem

quem nisi adhibueris perpetuò nauiges, nec portus
detur capiundi facultas. Quæ cum diu, multumq;
mecum ipse cogitasse, crebroq; hortarentur ami-
ci (& ii quidem, quibus negare nihil poteram) ut ali-
quid scriberem, ederemq; quod usui posteritati fo-
ret, nō mihi Icari exemplo volandum putaui, nè for-
te pennis liquefactis casu interirem grauissimo. Sed
propè terram vadendum censui, vnde si modo rue-
rem minore cum periculo caderem. Utq; cæteros
ad conscribendam adhortarer historiam, quæ cla-
rissimis authoribus in hoc genere placuisse cognou-
eram, in vnum quasi corpus non sine maximo labo-
re redegi. Quod meum opus si probari videro, ne
mini quidē inuidebo, scribamq; alia, quæ pro meis
copiis hominum generi credidero profutura. Scio
duo mihi esse proposita aduersariorum genera; qui-
dam enim meam accusabunt imbecillitatem, quod
maiora, præstantioraq; tractare non sim ausus. Di-
cent enim referre plurimum maximis nè cadas au-
sis instar Phaethōtis, qui paterni currus corruit auri-
ga, immo satius esse dicent audentem magna colla-
bi, quam in paruis consistere, sibiq; constare. Qui-
bus ego cum magnos decere magna cōcessero, mei
tamen humilitatem, tenuitatemq; perspiciens inge-
ni, sententiam tuebor superiorem. Erunt & alii, qui-
bus ipse præceptiones minus probentur. trahitur
enim

enīm opīionibus maxiū a vārs hominū, idq; vulgo laudat potissimum, quod maximē quisq; probat. Quibus vt diligentius intueantur, consideratiusq; animaduertant censeo prædicendum, nē proprio du cantur amore. nam mihi quidem gratissimum fuerit doceri. Edant igitur quā meliora, quāq; se putant habere pulciora, bonorum enim virorum munere fungentur, humanamq; iuuabunt societatem, quam omnibus oportet esse sanctam. Nam quod ad me spectat, cum quod habui in medium contuli nihil amplius debere cōfido. Sed de his quidem satis multa; de re pauca adiciantur. Cum proximis genialibus & quotidianā cessarent enarrationes, & occupatis ceteris souendo, curandoq; genio otium superesset, conuenerunt amici plusculi, quos non larvæ delectabant, sed animi reficiendi immensa quādam sitis, cupiditasq; tenebat. qui cū me salutassent, atq; cōsedissent, fuisseq; aliquādiu silentiū, Hercules qui dā Sbrozius, adolescens sanè peritus, peripateticāq; adictus Philosophiā in hæc verba prorupit. Ignorare te certū est quā huc mente venerimus, vrbanosq; ludos, et voluptatum irritamenta deseruerimus omnes contemnentes illecebras. Quibus cum ego dictis annuissem, te inquit ille personatum videre volumus. cui ego nunquam me pol sine persona vidisti. Nam & natura mihi personam dedit, & alte-

B. ram

ram ipse vita constituenda mea sponte suscepi. Iocariis ille ait, itaq; clarius tecum agendum puto, audire volumus aliquid; etenim animos nutrit oratio, grauis præsertim, atq; moderata. næ vos erratis in quam si modo verè vobis persuadetis aliquid hoc confessu, vestrōq; cœtu dignum esse dicturum. tum fere' vna voce vniuersi fabulas meditaris, nugas agis, aquam aras; dicendum tibi aliquid est, nisi vim pati mauis. Aspice quot sumus, & tibi ipsi consule; qui bus ego non putaram subieci in ciuitate legibus cōstituta, cui mens, atq; animus sit iustitia, vim ne pasurum. Sed quando licet, quando prius vester ferendus est impetus quam iure me possim defendere, agite, vos ipsi argumentum suppeditate, risum parate, quem me non dubito prouocaturum. Surrexit secundum hunc sermonem incognitus mihi necio quis tellure prognatus, nouam inquiens Tusci cuiusdam historiam proximis diebus legeram, quavalue sum delectatiis. Itaq; siquem locum mea est habitura sententia, præcepta posco, quibus historiam si res ita tulerit artificiose conscriberè valeam. Audaculum istum consequuta sunt omnium suffragia, mihiq; hoc ipsum argumentum statuerunt. ego verò contra iam stomachans, iam extuans, iam atrabilis tumens, quid petitis inquam? nonne pudet Cœcum hominem vestro arbitratu in eos inducere laqueos,

queos, vnde se nequeat explicare, & quod maximi
 oratores, atq; laudatissimi vix attigerunt me vultis
 aperire? sapere ne vos dicam, an desipere? Garris in
 quiunt vniuersi, obtemperandum est tibi, & quod
 a te omni studio contendimus nobis deniq; confi-
 ciendum. tunc ne frultra resisterem, cunctandum
 mihi non est uisum diutius, sumq; illis assensus, cœ-
 piq; sermonem; cuius sententias collectas in dialo-
 gi formam, atq; (ut sic dixerim) effigiem contuli,
 suppressis quidē nominibus, tot enim personas dia-
 logus nō capiebat, nec aliquem irasci prætermisum
 volebam. Sed iam tempus est rei ipsius explanan-
 dæ pingui quidem minerua, sed tamen ut in
 telligatur facile, me & accessisse coactum,
 & amicorum inductum præcibus
 coactorem edidisse. Hoc
 igitur sum usus
 exordio.

B 2

DE CONSCRIBENDA HISTORIA
DIALOGVS.

Hoc p. 38 VENTVRA COECO AVTHORE.



Ogitis me pictate quadam,
qua virtutem colere vos, ac ve-
nerari cerno, id oneris ut su-
beam, cui certo sciam esse mi-
hi succumbendum; quod cum
euenerit, si modo recte sens-
ritis, vos metipso accusabitis, qui compuleritis re-
nuentem, ac tergiuersantem: meam certe (siqua mo-
do fides est, aut religio) laudabitis facilitatem. Ac mi-
hi quidem iam rem ipsam explicare cogitanti caligo
quædam offunditur, sunt enim in mente pleraq; no-
tione quadam cognita, satisq; perspecta, quæ tamen
explicare nequeas; quæ in re maximi quoq; viri labo-
rasse videntur. Conceperat Marcus Tullius perfe-
ctam illam, atq; sinceram animo oratoris effigiem,
quam non valebat explanare. Sed quid Ciceronem
appello, cū lumē philosophiæ Plato expositurus quæ
de Iustitiâ senserat, eā statuerit Remp. quæ nec sit,
nec esse possit: qui nè in priuato quidē homine locū
inuenerit Iustitiæ declarādæ. Quæ res effecit ut illis
libenter accedam, qui superiorem animi partē cœ-
lestium

lestium animorum similem esse dicunt, quibus ea corpora informantur, quæ quintum illud corpus, siue naturam exornant, quod in orbem semper voluitur, expersq; mortis credidere Philosophi. Cum enim orationem nobis natura dederit, ut quæ mente teneremus palam fierent, omnem naturæ vim illud certè superat, ac vincit, quod indicari, atq; aperiri non licet. Dubitare vos arbitror, quidnam mihi velim, vereriq; (quemadmodum dici solet) nè ab ouo fabula repetatur. Ego vero tantum abest, ut lo go sermone delecter, ut laudem dicendo quæram, quod iam me ipsum fastidio, qui rei tam difficultis nodos sim ausus dissoluere. Quid est igitur? Historicū animus videt, parturire cupit, sed parere nequit. verendum est itaq; nè partus difficultate fiat abortus; tamen ad rem ipsam veniēdum est, sortiōq; quicquid contingit acceptum est referendum. Hanc igitur disputationem in quinque membra secemus. Historiae primum vetustatem enarrantes, mox utilitatem difficultati iunctam. Tertio loco sit nè oratoris historiā scribere diligentius quæremus. Quarto quot nam historiarum reperiantur genera. Postremus præceptiones habebit. sed quod primum proponimus iam aggrediamur. Quæsiui mecum sæpenumero id, quod ab aliis multo ante quæsitum es se perspexeram, qua potissimum ratione vetustas homines

mines tantopere delectet, suorum temporum gesta
negligant, atq; contemnunt. Itaq; si nunc Homero
diuinior poeta surgat ridebitur opinor, nec quic-
quam gloriæ adhimeretur. Homero vetustatis autho-
ritate parta, & tamen id, quod necesse est, tempore
perfecta sunt omnia, quo fit ut vetustiora sint rudio-
ra. Sunt qui dicant in omnibus mediocritatem esse
tuendam, quare nec veteris delectamur (inquiūt)
nec amamus hæc proxima. Alii vero Faunos, atq; ab-
origines cident, & quò sunt vetustiora quæ legunt, eò
magis probant, atq; laudant; cuius appetitionis hanc
causam esse puto, inuidiam scilicet, atq; liuorem quæ
dam. Nemo enim aut mortuis inuidet, aut cum illis
existimat contendendum, insequitur inuidia proxi-
mos, & quò propinquiores sunt, eò magis vrget. In-
uidiam autem parit ambitio, quæ superari dolet, vin-
cere cupit, honores ambit, tristatur immoderatus
alienis. Longum tamen esset hoc tempore aut exagi-
tare vitia, aut causas voluntatis humanæ, quæ Protei
exempli vultus frequentissimè mutat; ad viuum (ut
aiunt) cutemque ressecare. Itaq; ad senectam historiæ
nos vertamus enarrandam. Eosdem semper homi-
nes fuisse crediderim, eademq; affectasse, quæ res ef-
fecit, ut mihi persuadeam æternam historiam, vel an-
tiquissimam certè fuisse; ex quo nempe mortales res
gerente cœperunt, eas memoriæ, atq; immortalitati
mandari

mandari voluerunt; ut quoniam intelligebant sibi penitus intereundum esse, monumentis rerum gestarum viuerent hominum memoriae quasi ditissimo templo dicati. Qui aeternum igitur literarum usum esse volunt, aeternam quoque historiam profitetur esse. Qui vero principium literis tribuunt, iidem quoque initium aliquod extitisse volunt. unde Aethiopis historiam apud se innumerabilium quorundam annorum esse contendunt, literasque Deorum acceptasse munus, quod eos ad se confugientes sint tutati, conuiuioque acceperint apparatisimo, & omnium primi sacra ficerint. Sed non decet de historia verba facturos fabulosa poetarum commenta sequi. Aegyptii apud se, suosque Sacerdotes ab Osiride, Amone, Mercurio Theuthe, quem Cicero Theyn vocatum asserit: ut Platonii placet, ut aliis Menone literas primum traditas, sacratamque gloriantur historiam. Itaque ab orbe condito quicquid actum sit se & scire, scriptumque seruare, ac retinere profitetur; quos Scythae, quos redarguunt Assyrii, sed ante omnes qui Chaldaei nominantur in hanc septingentorum miliuum annorum, vel ut aliis quadringentorum supra ottanta, non solum res gestas, sed etiam gerendas suis claudi sacrariis affirmant; quae quidem arbitror commentitia. Censet Plato grauissimus author ante alluvionem, qua totus orbis inundauit, & res magnas ge-

stas

stas fuisse, & literis etiam mandatas, quæ inundatio-
ne perierint. Post alluvionem vero diu nihil gestum,
scriptumque fuisse attonitis adhuc hominibus metu,
nouamq; quotidie perniciem expectantibus, donec
paulatim audere cœperint, indeq; nobis historiam
cœpisse; a Sofestri s. nescio quo, ac Thalestria Regi-
na, quos Ninus Assyrius sit consequutus. In Italiam
certè Ierius peruenit historia, cum condita iam Ro-
ma in aliquot Italiæ templis annorum numerus non
literis, sed clavis dignosceretur, ut apud Vulsiniū
in Nursiæ opinor æde. Peperit autem historiam re-
rum varietas, quam antiquitate fieri necesse fuit ua-
riiq; opinionum errores, & varia inter homines vel
certamina, vel contentiones. Certatum est enim in-
ter Aegyptios, & Scythas de generis vetustate profi-
tētibus vtrisq; antiquissimos se mortaliū esse, quos
rident Aethiopes, seq; omnium hominum vetustis-
simos esse produnt. Aristoteles philosophus huius
certaminis palmā Aegyptiis tribuere videtur quos
primos hominum credi scriptum reliquit. Iam illud
quam ridiculum, quod iidem Aegyptii existimasse
feruntur, homines, animantesq; reliquos ortos esse
terra: sumpto scilicet argumento ab spelunca, quæ
sit in Thebaica regione, vnde murum immēsa mul-
titudo scaturire cernitur, camposq; complere. Quæ
amentia plerasq; Græciæ ciuitates etiam occupauit,
in queis

in quies grauissimam Atheniensium urbem. Etenim memoriae mandatum, ac proditum esse constat ipsam Atticam Athenienses genuisse, quod & Philosophi celeberrimi prædicare non dubitarunt. Sed de his satis. Tanta autem caligine mersa est historia, ut nec quid, nec cui credas scire penitus possis. Nec mirandum est in tanta vetustate: nam Tito Liuio rerū Romanarum scriptori vetustissima videtur ea, quæ septingentesimo ante anno sint gesta, compertuq; difficillima. Quid in tanta seculorum serie credendum est accidisse? itaq; omnem fermē historiam mutuamur a Græcis, qui nec ipsi certi aliquid habent, & ubi commodum est libenter fingunt, nec mentiri dubitant. Quo fit ut qui primi considerint urbes, palantes, vagosq; congregauerint homines, nec mōnibus magis, quam iure, ac legibus sepserint, tam incertum sit, ut sententiis inter authores certetur, & si bi credi singuli velint, cur autem sibi fides habenda sit non afferant; & sanè Philosophis etiam hæc res ansam præbuit disputandi. Nam si primorum hominū, qui ante alluvionem fuerūt extaret historia, æternū nè, an conditum cœlum esset quarrentes minimè di gladiarentur. Etenim suæ originis rationem primi illi mortales reddere posteris ualuisserent. Quo arguemento Plato existimat conditum orbem esse, quod ita Deorum prædident filii, quos a parentibus didicisse

C. cisse

cisse par sit arbitrari, & quæ ab illis acceperint absq;
foco, fallaciis, mendacio posteritati tradidisse. Con-
stat itaq; & vetustissimam historiam esse, & tempo-
rum, rerumq; varietatibus interceptam, vel potius
extinctam, sic fato, vel certè necessitate ferente. Vn-
de afferit Aristoteles longissimis temporum spatiis
terras aliquas maria superare, alias contra arescere,
reddiq; cultui mortalium aptas vbi prius mare fue-
rit. Ad hæc regiones aliquot steriles paulatim fieri.
Itaq; necessitate coactos homines inde discedere,
nunc hos, nunc illos donec penitus deserantur, eas-
dem rerum, ac temporum conuersione denuo coli,
annisq; fluentibus, hominumq; successione fieri, ut
primorum cultorum intercidat omnino memoria,
quod maximè historiæ videtur obesse; de cuius ve-
tustate, quod propositum nobis fuerat satis dixisse
videmur. quamobrem nisi audiendo defessi estis, ad
reliqua transibimus. Omnes cum se libenter auditu-
ros conclamassent, exigerentq; pensum quasi nouo
sumpto principio ita cœptum est.

Històrie utilitas.

V T I L I T A T E M difficultati non immerito iuxxi-
mus, superos enim nè veterno torperemus, atq;
adeo marcesceremus, vtilitates omnes ad nos diffi-
cile, magnoq; tūm corporis, tūm animi labore veni-
re voluerunt. Itaq; nihil mortalibus sine sudore pa-
ratur,

ratur, quod Flaccus indicans poeta, poetico cecinit mote.

Multa tulit, facitq; puer, sudauit, & alsit

Abstinuit Venere, & Baccho qui pythia cantat &c.

Sed in re nemini non cognita, satisq; perspecta morari non libet, dicam igitur id, quod maximè res ipsa desiderat; nihil me vtile putare, quod non sit idē honestum. Historiam vero rem honestissimam duco, in qua siqua turpia dicta, factaue scribantur, ea tamen prosunt. Nam cum omnis turpitudo dedecus pariat, intelliget vtiq; historiam qui legerit quid inter bonum, & malum: honestum, turpe: honoratum, inhonoratum intersit. quod certè Lacedæmoniorū authoritas, qui grauissimis, optimisq; vixisse feruntur legibus, testari vobis apertissime poterit; illotas enim quos habebant numero seruorum induentes in conuiuia ebrios iuuenibus ostendebant, vt visis ebriorū gestis, fœditateq; discerent odiſſe, atq; abominari ebrietatem. Nihil igitur, nihil est in historia, quod non cum emolumento legatur. Non tamen omnibus hæc sententia probabitur: nam depravati inquiet animi, atq; corrupti imitabuntur turpia, detioresq; fient. quibus ego facile me responsurum opinor, illud primum obiiciens, quod de legibus censorius ille Cato dicere consueuerat, omnibus illas quidem prodesse nequire, id quidem prouiden-

C 2 dum

dum maiorē, ut partē iuuarent. Illud præterea respō
debo, quod de vniuersa dici solet æloquentia. Con-
tentibus. n. quibusdā pessimā, ac perniciosissimā
æloquentiā credēdam esse, quòd rebus publicis nō
pauciora mala, quam bona intulerint æloquētes: sic
obuiā itur. Vtīlis quidem, atq; honesta est æloquē-
tia, tu malus qui abuteris. & sanè si hæc ratio seruan-
da foret, numen quoq; reprehenderetur quòd homi-
nem fecerit, cum sint malī pleriq;. Ledunt diuitiæ
multos, nonnullos propinquorum, amicorumq; tur-
ba, ac tandem si respicere velimus omnia, quæ Di-
uorum maxima putantur munera noxia reperientur
abutentibus. Sed vt ad historiam redeam, qua de
nobis institutus est sermo. Doctissimi, clarissimiq;
viri sic iudicarunt, historia eam maximè, quæ ad mo-
res pertinet Philosophiæ partem, illustratam fuisse;
quæ cum aut proprium vniuscuiusq; animum curet,
aut domestica tractet, aut medeatur ciuitati, omnia
hæc nobis vberime, atq; copiosissime' historia sup-
peditat. Iam primum omnium, si Nestorem illum
Homericum consideraueris nonne tanquam in spe-
culo prudentiæ videbis exemplar, quòd sequaris,
quod capias, quod imiteris? Cum autem legeris Re-
gem illum regum decem sibi Nestores, non decem
Achilles, Aiacesū Telamonios optasse; nonnè cer-
nis quātum corporis viribus prudentia præstet? per
niciosam

niosam Achillis iram Græcis fuisse cū percipis, vietandam certè non secus, ac mortem iram existimas. Sed apotis recedamus, quibus historica fides non habetur. Cōfer tecum obsecro Themistoclem, atq; Periclem, vel Aristidem eidem Themistocli compara; Niciæ ei, qui viētus in Sicilia occubuit Alcibia dem compone. Iam horum profecto exemplo vitā, moresq; tuos ornabis, legēq; tibi ipsi dices, qua quid fugiendum, quid sequendum sit scire facile possis. Hos ipsos, quos memorauit in aciem, in forum ad Rép. deducito, tuæ certè quid patriæ proſit, quid ué obſit optimè noris, atq; pulcherrimè. quod si vel Phocionis paupertatem, vel Fabritii rei familiaris angustias historia duce subodoratus fueris, quis dubitat, quin domui ſis commodiſſimè consulturus, certior videlicet factus paucis contentam eſſe natu ram. Mores igitur formantur historia, eiusq; philosophiæ quæ dantur præceptiones historicis maximè probantur exemplis. Qui verò rerum causas perſcruntur, plurimum historiæ ſe debere nō negant, cuius auspicio multa ſe cognoscere profitentur. Nam vt omissitam Platonem, quem palam est omnem historiam cognouiffe, multa quoq; Aristoteles historia repetita confirmat, quod quidem licet plurimis poſſim, paucissimis exemplis ostendam. In crepat diuinissimus ille Philosophus veteres, qui Cometa,

quæ

quæ vocantur sydera hyeme non cerni credebant sumpto ex historia argumento . nam in Achaia pau-
lò ante quam aliquot vrbes terremotu corruerint,
mareq; maximè inundarit , hyeme ingentem Come-
tem scribit esse visam . Idem cū de fontibus fluuiisq;
loquatur Caucasi montis altitudinem , quām tradit
esse miram historia nos docet ; Ait enim occidentē
solem ad tertiam noctis partē Caucasi verticē illus-
trare . Tertiā ad ortū , ut ex duodecim nocturnis horis
sol in eo vertice quatuor duntaxat nō spectetur, quē
etiam variis gentibus asserit habitari . Longum esset,
quæ ab historia Philosophi petunt recēdere, cum eo-
ru n aliqui , & ii quidem grauissimi historiam scribe-
re non dubitarint ; vt Teophrastus, Teopompus, So-
craticusq; Xenophon , atq; Aristoteles ipse , quem
sunt quidam authores centum ciuitatum historiam
in vnum redegisſe corpus , quod opus non sine ma-
gna nostri temporis iactura cum aliis , & eiusdem
Philosophi , & aliorum scriptorum plurimis deside-
ratur . Quare dubitare non possumus admodum
utilem historiam esse . Atq; ego (vt de meo sensu lo-
quar , & id, quod sentio apud amicissimos homines
liberius deponiam) mirificam quandam suavitatē
legenda experior historia; & quemadmodum Socra-
tes philosophiam non vulgarem musicam existima-
bat, sic ego suauissimam armoniam historiam arbit-
tror.

tror. Illud præterea videre mihi videor pulcherrimū quoddam corpus historiam effingere omnibus suis partibus, omnibus numeris absolutum; quod tunc apparebit clarius cum præcipiemus quem ordinem in historia seruandum putemus: & quoniam utilitatem exposuimus, difficultatem si placet aperiamus.

Historiae difficultas.

EST sanè cum in omni re conscribenda maxima difficultas, tum in historia maior. Itaq; persæpe mirari soleo quorundā hominum arrogantiā, qui quasi leue onus suscipiant, libros edere non dubitant; & qui magni viri, doctrinaq; præstantes vulgo existimātur horum sunt temeritate similes. Ego vero legem illam magnopere laudo, quam in quibusdam regnis hac etiam tempestate diligentius seruari accipio, nequid typis excudatur, quod prius non examinent viri doctissimi, perpensumq; atq; examinatum probent. habebit enim præiudicium is, qui scribit clarorum virorum, peritorumq; sententiam, ac probationem, leuiusq; fortasse cadet. Hæc tamen vel Principes viderint, penes quos summum ius, summa est authoritas, vel illi, qui tantum licere sibi volunt, ut bibliothecas venaliū impleant librorum, quorum sanè bona pars non legitur. Excusandi tamen videantur, comparatum est enim natura omnes, ut homines appetant gloriam. Erramus autem plerumq; per auia

auia gradientes, neq; rectum iter perspicientes. Etenim quod experior ipse & testari, & liberius fateri volo; tenet me eximia quedam cupiditas laudis, sed tamen edendis voluminibus consulto hactenus temperaui, timens videlicet ne appetitio nominis, inanisq; famæ dedecus aliquod pareret. Vrgent tamen amici, quibus si inuitus obtemperauerero, quicquid secus acciderit amicitiae tegetur ornamentis, nimisq; in amicos facilitatis laudibus occultabitur. Quamquam non satis mihi videtur excusari, qui culpam errati transfert in alterum. Summa tamen humanitas, & pudor negandi quod petitur facile me tuebitur quemadmodum spero, si quid emiserò, quod opus fuerit in annum præmi decumum. Sed in hanc sententiam satis. Dico igitur, vt ad id redeam, quod suscepseram, summi cuiusdam esse viri animi sensa ita mandare literis, ut multorum iudicium subeant, vt placeant, atq; delectent. Nam vt illos omittam, qui famam reprehendendis aliis aucupantur; sunt etiam quidam, qui aliorum errata facile vident, ipsi tamen nihil edere possunt; & si quidem possunt ne parem gratiam relatam accipiant, nolunt. Quæ res efficit, ut magnum periculum adeat, qui sua scripta multis legenda proponit. Sunt quibus tumidior videatur Demosthenes. Bruto Cicero perfectus non videbatur. Itaq; fuerūt prioribus seculis qui Cicero nem

nē accusaret, & nostris quoq; temporibus laceratur. Verū (vt dicere cœperā) ingentis cuiusdam difficultatis historiā conscribere putādum est, quod vel ex eo quis facilē coniiciat, quòd cum scriferint multi, pauci tamen rescruntur in album: & vt ait Cicero se ro admodum cum apud Græcos, tum etiam apud Romanos aliquod lumen accepit historia. perfecta tamen, suisq; coloribus insignita, nec M. quidē Tullii credebatur ætate. Itaq; cum ab illo peteretur historia, atq; adeo flagitaretur, confessus est maximi laboris opus esse, seq; nō prius historiam conscriptum affirmanit, quām otium esset assequutus. Putabat enim totum animum, omnemq; mētis aciem historiæ tribuendam esse, si quis tanto muneri par esse denique vellet. Quare vix orator, qui in foro sit versatus, & causis, reperiatur qui operam historiæ dederit. Opus est enim acerrimo ingenio, maximoq; iudicio, atq; acutissimo, rei militaris peritia, vt si quid vel accusandum fuerit, vel forte laudandum scienter facere possit; nē si quando militiæ peritus legerit, vel forte Imperator, vel Ductor exercitus, alter iudicetur Phormio delirus senex apud Ephesum Hannibali. Iam maris, terrarumq; descriptionem, omnemq; τοποθεσίαν, atq; γεωγραφίαν, seu κοσμογραφίαν cognoscendam quis dubitat historicō cum loca sint frequentissimè describenda? demonstrandæ regio-

D nes

nes exponendi situs? quæ sunt omnia difficultatis ma-
ximæ . & quoniam peragrare vniuersa nō possumus,
plurimis authoribus colligenda. Qua in re illud mi-
hi videtur odiosum, quod & opinionibus certatur,
& non est facile inuenire cui credas. Itaq; Dictatorē
Cæsarem, quem cōstat nullum locum historiæ re-
liquisse, cæterosq; ab scribendo deterruisse: iacta-
bant amici si vixisset plurima mutaturum, quæ ab
aliis accepta retulerat in cōmentarios, & ille quidem
scribebat sua, vnde facilis est coniectura, quam sit
difficile & aliena , & multis seculis anteacta memo-
riæ mandare ; quæ non ea mente dicuntur, vt deter-
reant homines, alienenturq; ab historia. Sed vt in-
telligatur nil magnum , atq; præclarum sine labore
maximo contingere mortalibus voluisse superos,
quod paulo supra nobis est memoratum. Adde ea
esse vulgo carissima , quæ difficillimè comparantur.
Itaq; cariores diuitias habent qui suo marte , suoq;
compararunt sudore, quam qui partas a maioribus
acceperunt. Sed historiæ difficultas ex his patebit li-
quidius, quæ infra dicentur, ad quæ iam videtur pro-
perandum .

Sit nè oratoris historiam scribere.

M A R C V S Tullius non oratoris modo, sed sum-
mi etiam oratoris historiam conscribere testatur ef-
se, cuius apud me quidem plurimum valet authori-
tas.

tas. experiamur igitur quidnam ab oratore mutetur historicus aperire; & memoriam quidem omittam, quæ licet ab arte proficiscatur maiorem vim, atq; adeò uitam, neruosq; omnes naturæ debet, qua tamen abundare historicum, necesse est, quē multa legisse decet, meminisse plurima, ut si res desiderare videatur gestis gesta, hominibus homines, tempora temporibus ne stat, sumptisq; aliunde exemplis suam muniat, ac fulciat historiam. Sed hæc tum maximè tractabuntur, cum præcipere superis cœperi mus annuentibus. Pronunciationis certè non egit, non est enim eadem scribentis, recitatisq; persona; nec ita hoc accipi velim quasi actionem auferam ab historico; omnes enim homines quæ sentiūt, quæq; dicenda censem optimè dicere velim. Sed nihil ad id, de quo agitur; non enim actorem quarimus, sed scriptorem, qui cupiat sua propagari monumenta, qui posteris se commendet non lingua, sed stylo. Reliquæ sunt partes artis Rheticæ tres, vel certè oratoris officia, Inuētio scilicet, Dispositio, Elocutio, de his nobis habendus est sermo, & quatenus vñsi sint historiarum artifici demonstrandum. Videtur autem quibusdam inuentionem nihil conferre ei, quem instituimus. iam enim inquiunt cum scribere cœpit, delegit historiam sibi rerum certè gestarum narrationem, quid huic opus est inuentione? orator

D 2 cum

cum ad eum causa defertur inueniat oportet argumen-
ta, quibus id probet, quod defendendum suscep-
pit, confutet quæ ab aduersario dicuntur. Ad hæc
quo pacto potissimum exordiatur, narret, moueat
auditorem, atq; delectet, horum nihil præstare opor-
tet historicum rei gestæ narratorem simplicem, atq;
purum: nullus igitur huic usus est inuentionis. Sanè
qui hæc dicunt nudam historiam, ac destitutam no-
bis in medium afferunt, non modo non comptam,
sed nec lotam quidem. Nos vero, qui eam ornare
volumus forte dicemus historico non eandem, atq;
oratori inuentionem esse, nullam tamē esse omnino
negabimus. Nam & consiliorum rationes histori-
co sunt reperiendæ, & frequentius utendum conie-
cta, quare quid factum, aut non factum sit, quid
fieri potuerit, præstiterit, vel certè non fieri; præ-
terea quibus legibus vitari aliquid, vel certè accersi
potuerit, quæ omnia ad inuentionem constat esse
referenda. Evidem ita puto peritum artificem, etiā
ex iis, qui manu, selularioq; questu sibi victimum pa-
rant, aliquid semper inuenire excoxitatum, atq; me-
ditatum, & eo quod inuenerit maximè gloriari. Nō
ergo exactam illam oratoriam inuentionem hoc lo-
co queramus, sed tamen inuentionis expertem no-
strum scriptorem esse non patiamur. Sequitur Di-
spositio scriptori maximè necessaria, quam & collo-
cationem

cationem appellamus, hæc mirum in modum illustrat historiam. Ut enim si ornatam copiosamq; domum spectatum admittaris, vbi omnē suppellectile distinctam, aurum, argentum, ebur, purpuram, suis quidq; locis appositū cernere possis, consideres accuratius omnia, sciasq; quāti opes ille sint faciundæ. Sic vbi historiam non confusam, nō permixtam, nec perturbatam legeris, & ex scriptoris labore, & diligētia fructum tibi cœpisse videaris. Nam vt corpus mēbris non satis appositis turpe videtur; sic historia si non sunt singula ordine, modo, locis digesta displaceat, atq; negligitur. Sed hæc quemadmodum & superiora ad præceptionum locum tempusq; differantur. Accedit Elocutio res multiplex, & variis implicita quæstionibus. Solet enim dubitari quibus, quatenus distinguenda sit historia his ornamentis, quæ vocātur $\Sigma\chi\rho\mu\tau\alpha$. Ad hæc de numeris $\sigma\nu\theta\mu\sigma$ Græci appellant; queritur quibus, quando, quo usq; usu ra sit historia. iam sint nè conciones integræ historiæ adiiciendæ, & utrum sint omni decorandæ artificio, quæ profecto videtis quam longa fiat oratione tractanda. & vereor utiq; nè iam pridem naufragii vobis fecerit oratio nostra. quam ob rem si vobis modo videtur, in aliud tempus quæ restant reiiciantur. Tum omnes ut pergerem, & ita n̄c pararem responderūt ne ante desisterem, quam id rotum cuod promiseram

promiseram explicarem. collegi ipse me, atq; parcerbo inquam, quando ita obstinatum animo est. & cum parum inter quieuisse, sic denuo cœpi.

FIGVRAS quas vocant, vel exornationes orationis ad eum finem adhibitas arbitror, clarissimorum virorum authoritate fretus, ut quasi luminibus quibusdam distinguerent orationem, quemadmodum gemmis saxe distinguitur aurum: caputq; & collum ornant mulieres non sine maximo virorum intertrimento, dispendioq; domus. Erant in eo conuentu nonnulli coniugio deuincti, in quos cæteri omnes non sinè risu oculos intenderunt. ego vero, ac si nihil dixisse, quod ad quempiam priuatim attinet dicere perrexii. Quid obsecro vetat luminibus iisdem historiam, atq; orationem illustrari? cum præsertim nè cogitantibus quidem nobis sese offerant vltro figuræ, irrepantq; in orationem. Mihi enim M. Quintilianus sententia probatur, qui ait nullū verbū sinè figura futurū, si modo superstitione quæratur. Verū hæc nimis acuta uel indagatio, vel inuestigatio superstitione nō vacās est omnino prætermittenda. rambularū. n. est, declamatiūq; pueriliter orationē vniuersam implere figuris. Sicut igitur faciēdus est oratori modus orationis illuminādæ, sic etiā historico. & quēadmodū in omnibus rebus quid maximē deceat spectari conuenit, sic in hac etiam, in qua nisi decorum

decorum serues, nimiæ diligentia non vitabis virtu
 perationem, quæ non minor est quam negligentia:
 & in finitimum incurres virtutis vitium deceptus
 specie recti. oportet enim ubiq; & nosse, & tueri mē
 diocritatem. Figuris igitur vtatur historicus, sed mo
 deratius, ut illustriorem orationem reddere, non ar
 tificium ostētare, explicare suppellectilem opes suas
 proferre voluisse credatur. Venit autem in dubium
 an eisdem figuris, eademq; omnino ratione vtendū
 historico sit, atq; oratori, & sanè ut in pauca confe
 ram, nō video quas alias sibi comparet figuræ histo
 ria nisi sit oratoriis cōtentā. vtitur tamen quibusdā
 paulò liberius, & luxuriat nonnunquam, vt prope
 modum ad poeticam libertatem accedat. nam & fre
 quentioribus metaphoris vtitur, & vnitatis nume
 rum pro multitudinis ponit. spargit crebriores sen
 tentias, quarum ipsa rei gestæ narratio suppeditat
 occasionem. Iam tā, tā, tā, maior est copia,
 causam præceptiones ostendent, exempla (si mo
 dò inter figuras numeranda sunt) sese liberius dant
 obuia. Præterea, & interponuntur narratiunculæ
 breues, quas quidam adiiciunt figuris. digreditur,
 & historicus cum res, locus, causaq; poscit, quod
 suo loco docebiimus. Sed quòd ad figuras attinet lō
 gum esset exponere, petātur a rhetoriciis libris: earū
 usum frequens lectio multò certius, quām cuiusvis
 aperiet

aperiet præceptio. Mihi quidem certum est digo
monstrarre fontes: vestrū erit haurire, si modo vel
historias legere, vel lectas perpendere volueritis. mi
hi quidem non tam ipsa lectio utlis esse videtur di
cere volenti, quam examen, atq; vt sic dixerim per
pensio, quam licet imitari. tantum igitur de figuris,
nunc ad numeros transeamus. si primum illud vos
monuerimus non exactam, atq; absolutam a nobis
traditionem expectandam, sed viam, quæ vobis in
quirendi rationem aperiat, vt ad cognoscendum, &
iudicandum non hospites accedatis omnino, sed fe
ratis præ uobis aliquod lumen, sed ad numeros iam
ueniamus.

F V E R E quidā stomacho adeò duro, sic ad oē cibi
genus parato, vt neq; in oratione, nec in historja nu
meros desiderarint oēm cōpositionis gratiam sustu
lerint fluētia, uagaq; appetiuerint cuncta, vel quia ni
hil rectū, egregiumq; putabant quo aspirare, quoq;
peruenire ipsi non possent. vel quia (ut paulo ante di
cebā) nullis non sunt epulis contenti; & tamen hanc
ignauia, animorumq; imbecillitatē non modo tege
re, ac disimulare, sed etiam ratione firmare nitun
tur. aiunt enim naturam optimam ducem omnibus
in rebus esse sequendam, quæ si blandimenta verbo
rum, apparatumq; orationis probasset, a prima, te
neraq; etatula hominem sic instituisset, vt optimè
loqueretur,

loqueretur, qua ratione eos non intelligere miror omnes artes, omnem industriam tolli. Cur enim pingitur dicat aliquis? Docuisse enim si probasset natura, atq; omnes quidem homines docuisse. quæ tamen optima, atq; mitissima parens mortalium mentes ea diligentia confecit, ut ad plurima percipienda, inuenienda, cognoscenda, quæ prius latuerent aptas, idoneasq; produceret. Verum hos lude re sinamus. Quanquam & alia fulciuntur ratione, dicunt enim grauiorem se lectionem expetere, rerum non verborum gratia. decebat tamen eos considerare allici verbis legētum animos ad res cognoscendas, perquirendas, memoriaq; mandandas. si enim (ut inquit Fabius) ipsum aurium vestibulum offenditur, mens negligentius attendit, respuit nonnū quam, atq; repudiat, & faciata reiicit. Huc accedit quod connexa, colligata, coniuncta viam faciliorem ad intelligendum pandunt, ac patefaciunt. Sunt alii, qui numeros quidem cum historico, tum etiam oratori largiuntur nullum tamen delectum habent, habendumq; putāt. cadit enim inquiunt sua sponte, nec nobis quidē sentiētibus oratio numerosè quasi ducat ipsa natura; nihil opus est artificio, nihil studio; quos refellit clarissimorum virorum authoritas, ipsaq; consuetudo, quæ compositionem orationis admiratur siue legenda, siue audienda continet.

E gat

gat oratione delectari . quas ob res demus historico
numeros , et illos quidem oratorios, atq; haud scio
an latior sit in hoc genere historici, quàm oratoris
campus . Cohibet enim habens orator in iudicali
oratione: nè contorquere iudicis animū, nè peruertere
re velle credatur ; abstinet numeris igitur, vel occul-
tius vtitur . Historicus cōtra excurrit latius , totamq;
dicendi rationem ad delectationem confert. verun-
tamen, & in hoc etiam tenendum est medium, vt af-
fectionis suspirio vitetur, diligentia , curaq; laude-
tur . Non enim minus accuratē oratio tractāda quàm
historia videtur , nostro præsertim tempore, quo de-
lectātur homines illecebris . itaq; laudantur quidam
historici , atq; leguntur , suntq; in honore summo,
quos indignissimos tāto nomine iudicasset vetustas.
& hi quidem, non quòd numerosè loquantur in ho-
nore sunt, sed quod vim quandam naturæ luxurian-
tis exerceant, & affectata quadam acie loquantur tu-
mentes admodum ; quam orationem affluentem,
atq; luxuriantem vulgus numerosam existimat .
Nos vero, ut segetum luxuriē, sic orationis rescindi
volumus, vt meliorem frugem in animis pariat, iudi-
cio fretis , & à sermonis natura minimè discedenti-
tibus . quanquam scrupulosum hunc locum esse cen-
seo ; nam qui nouitios hos mirantur scriptores, rudē
medicent, atq; ignauum , mecumq; vel iusto sacra-
mento

mento pugnabunt, vel ex iure manu consertum in
iudicium trahent, quod in optimos scriptores irruerim,
& quae non intelligam, de quibusque iudicare
non possum, sim ausus vituperare. Erunt forsitan mi-
tiores alii, qui mihi concedent veteribus scriptori-
bus palmam esse dandam, verum afferent ut omnia
mutantur tempore, sic eloquentiam diuersis aetatis.
varias coepisse formas, & eosdem saepe homines aliter,
alias & dixisse, & scripsisse. nos igitur inquiunt isto
genere delectamur eloquentiae, nec perfectius desi-
deramus. ego vero cum prioribus non pugnabo quin
potius vadimonia deseram, alteros vero facile patiar
hac eloquentia frui, animorum tamen imbecillitate
reprehendam, quod meliora non current, vel asse-
qui se posse nondum experti diffidant. hic nescio
quis ex terrae filiis, qui aderant nunquam ne inquit
luxuriatem orationem affluentemque laudabis? ego ve-
ro inquam in adolescente probo, qui adulto iam iu-
dicio an putare multa poterit, & superuacua reseca-
re, itaque M. Tullius affluentem ait orationem illam
fuisse, qua Sex. Roscium Amerinum parricidii defen-
dit, quem postea constat Romam ex illa nauigatione
reuersum, in qua Rhodi clarissimo dicendi magistro
operam Molonis Apollonio dederat, adeo mutatum,
ut affirmat Plutarchus suum Ciceronem Romam
non cognouisse, & genus quidem illud dicendi Asia-

E 2 ticum

ticum suerit licet in sua ratione perfectum , nunquā tamen Atticis probatum fuit. Sed iam satis digresi sumus, quod enim de oratore dico , de historico senio, immo maiorem diligentia in scribēdo, quām in dicendo adhibendam opinor . dicta prætergrediuntur aures ut negari sape possint; scripta posteritati mandantur, & satis prouisa creduntur. numeros igitur sequatur historicus cum ornatus causa , tum etiā delectationis. Abundet, sed non exuberet oratio, ita ut quod medium est tueamur , ressecemus superflua. numeros vero qui sint probandi ab Aristotele M. Tullio , cæterisq; tum græcis tum latinis scriptoribus , qui Rheticam artem tradiderunt censeo mutuandos . nobis loca monstrasse sat erit. Quæri tamen illud solet , quod nobis tertio loco in elocutionis ratione propositum fuerat disputare. sit nè in historia cōcionum aliquis usus , quibus maximè hortari, dehortariū exercitus Imperatores consueuerunt. cuius disputationis unde nobis videatur ansa suscepta altius est repetendum. Si enim vniuersa historia narratio est , qui potest oratio suis partibus, membrisq; cōstans interponi ? videtur sane id, quod philosophi fieri posse negant, corpus corpore penetrari , integrum enim quiddam oratio, corpusq; perfectum habetur. Ad hæc, si quidem superuacuum omne vitandum est, num non sufficiet hortationis summam,

summam, argumentumq; narrasse? Præterea cum no
 bis sit cōstitutum numeris illustrari historiam oport
 ere, sitq; deliberatiua oratio suasionem, dissuasio
 nemq; continens, aliquanto etiam quām iudicialis
 numerosior: iisdem nē numeris, quibus historia, an
 aliis ornabitur oratio? diuersis certe nequit. Si eis
 dē vtare, cauēdum est certe nē lectorē fastidiat ora
 tio, néue nimio plus quām decuerat videatur affecta
 ta. Grauisimus etiam author Polibius multis sanē
 verbis contendit orationes historiis non esse miscen
 das; aduersatur his tamen consuetudo. Quotus.n.
 quisq; historicus est paulo laudatior, qui non concio
 netur? qui pulchrum, dignumq; nō existimet Imper
 ratores concionantes inducere? multum enim ardo
 rem, vim magnam oratione legentibus adiici pūtāt.
 Existimant deinde ad consilia cognoscēda, ingeniaq;
 cum Imperatorum, tum militum prodesse plurimū
 quasi ante oculos orantem statuere Imperatorē.
 Nam si poctarum carmina compellunt homines vt
 sese morti libenter offerant vi quadam, atq; suauita
 te tracti, quod de Tyrtæi versibus Leonidā illum se
 niorem Spartanorum regem iudicasse ferunt. cur nō
 idem efficiat oratio? Sed dicet forsitan aliquis, pro
 fuit illa quidem tum cum res agebatur, nunc vero
 cum res gesta legatur, quid opus est animorum ar
 dore? Quid violentia mentibus infertur? hic sanē
 non

non videt historiam a se inutilem, ineptamq; fieri.
non enim legimus ut delectemur, sed propterea res
gestas cognoscere volumus, ut imitemur quæ imi-
tanda iudicauerimus, vitemusq; contraria. Itaq; le-
gendis historiis, & ad patriam defendendam incendi-
mur, & militandi flagramus desiderio, & in ipsis præ-
liis eorum, quæ legerimus recordatione hortantem
nobis proponimus Imperatorem, audentiusq; vel
inuadimus hostem, vel propulsamus. Hominis est
sanè miseri, inanis, atq; iciuni solam ex veterum le-
ctione captare delectationem, auriumq;, atq; ani-
mi voluptati seruire, nulla penitus ratione vtilita-
tis habita. Si meum igitur arbitrium sententiæ lo-
co accipiendum putatis, consuetudini parendum
existimo: & quoties res desiderare videbitur concio-
nes Imperatorias interponendas non dubito. Puto
tamē quemadmodum in cæteris rebus, sic & in hac
ipsa delectum habendum, modumq; ponendum.
Quis enim crediderit clarissimos historiarum scri-
ptores nullo consilio has integras orationes scripsis-
se? illarum vix attigisse summas, in quibusdā satis ha-
buisse dicere hortatum esse milites Imperatorem?
Qua in re quid obsecro præcipiam? cum sit totum
iudicio, prudentiaq; tribuendum? sed tamen loci,
temporis, occasionis, personarum, dignitatis ratio-
nem habendam iudico, ingenia militum consideran-
da,

da, hostium vires, atq; facultates , vt inde quo pacto
cum exercitu sit agendum prudens Imperator intel-
ligat . Scio ego plurimos mihi assensuros non esse.
estò enim inquiet demus hoc tibi, habitas apud exer-
citum orationes , quemadmodum tunc ad inflam-
mandos animos profecerint, legentibus etiam post
tot conducere secula . Quid quæ habitæ sunt ad po-
pulum orationes ? quid quæ in senatu ? ego vero ma-
xime vtiles Remp. præsertim administraturis istius
modi arbitror orationes , cum quibus artibus tracta-
dus sit populus circumagenda multitudo cognoue-
ro , qua ratione concitandus, vel contra flectendus,
ac deterrendus. ego quidem de meo sensu, iudicioq;
verum vobis palam confitebor. Cum Demosthenis
orationes illas, quibus in Philippum magni Alexan-
dri parentem concitauit Athenienses lego, ignosco
populo, qui se tam periculo bello vi orationis im-
plicuit . Adeò me mouent, incitant, impellunt , li-
benterq; dissuadentis Phocionis orationes legerem,
quantum inter utrumq; intersit oratorem inspectu-
rus . Vis nè igitur (quispiam forsitan dixerit) inflam-
mari ad deteriora populos , periculis turbari con-
siliis orationis incendio depravari ? immo ex aliorū
euentu discere nostros homines cupio , non ita se
dedere orationi oportere, vt non examinentur vires
propriæ, perpendatur facultates , considerentur exi-
tus,

tus, casus præuideantur, omnia præparentur, quæ rem confidere posse, aut non posse existimabuntur. Nihil ergo ad meam non transferam vtilitatem, vt enim medici causas morborum accurati perspicientes medentur; sic ego eorum, quæ historia percepero; quanquam ab historico mihi traditas ex ipso tamen fonte purius, liquidiusq; hauriam, quarum plerique in senatu, vel apud populum habitis orationibus continentur. Sed fuerit operæ pretium quæ cōtradicuntur, quæ supra sunt a nobis memorata dissoluere. Ut quoniam consuetudin obtemperandum ducimus, non vulgi auram sequuti, sed rationem habuisse ducem videamus. Iam igitur primum omnium, falsum illud est constat, quod quidam affirmant, addi nouum historiæ corpus, cum vel concio adiiciatur, vel oratio. Etenim cohortationes, quibus incitantur, deterrentur, atq; coercentur vel milites, vel populi nemo negat historiæ maxime proprias esse. quid ergo interest? tātum quod pluri bus, paucioribus uerbis, ornatius, vel contra traduntur. est enim idem ferè ipsa imitari verba, quæ concionator habuisse credendus sit legentium animos commouere, lautiorem suppellestilem ostentare, atq; vt alias diximus leuare nouitate molestiam, ac facietatem, historiamq; distinguere quasi splendi dissimilis quibusdam gemmis. nam quod ad numeros

ros attinet (id enim secundo nobis obiiciebatur loco) quid obsecro prohibet, quominus exultet scriptor, vehementius flagret, & si ita malunt lascivias cum præsertim corrumpendæ concionis sit omnis adempta suspicio. Ego scriptori cōcedendum existimo, ut omnes eloquentiæ vires in concionibus imitandis effundat: modò locorum, temporum, personarum, ipsarū deniq; causarum habuisse rationē intelligatur. Sed hæc satis, ut opinor, sunt nobis explicata, & forsitan vagati plus æquo censebimus. illud vero quæri solet: quibus nam verbis vtendum sit historiam scribenti, vulgaribus (ut aiunt) & nostratis, vel certè oratoriis. quæ mihi sane quæstio ludicra videtur. quis enim dubitat optimis, atq; lectissimis vtenduni esse scriptori, perspicuis tamen vsuq; receptis scribimus enim ut intelligamus, neq; volumus in verborum aucupio laborare lectorem. nec interim placet eo historiam labefieri sermone, quo vtuntur feces hominum, atq; ciuitatum. illa Marci Quintiliani ratio certè probatur, ut ex nouis maximè vetera, ex ueteribus maximè noua vocabula seli gātur. nam Cæsaris quidem illud præceptum verissimum est, quo non minus obsoleta verba vitare iubet, quam scopulum in mari, nè scilicet nauis impæta frangatur. de sententiis, quæ ornandi causa orationi interseruntur extremus locus est nobis disputā

F di

di reliquias ex his, quæ ad elocutionem spectant, quæ de re pauca dicemus, ut vobis sit integrum satisfactum. Tria sententiarum genera dicuntur esse, sunt enim sententiae quædam in re ipsa, quæ de agitur positæ, quæ tibi sunt necessariæ tractandæ. haec licet orationem ornent, non tamen egent artificii cum in ipsa sint causa. Alterum earum genus est, quæ causam consequuntur, atque comitantur, quæ vel proponuntur simpliciter, vel argumento concluduntur, quæ sunt quasi commenta quædam *ινδικηματα* Græcis vocata. huiusmodi quidem sententiæ orationem ornant, verum quemadmodum, & priores ab inuentione petuntur. nam & illæ causæ sunt partes, & haec licet extrinsecus comparantur, tamen coniunctæ rei esse videtur, quasi de industria res omnes ornante natura. Tertiæ sententiæ sunt, quas effert scriptor, excipiens ex ipso eloquentiæ veluti fonte, quæ illustrant orationem magnopere. si suis locis statuantur, si non altius videantur petitæ, si cohererant, si denique ad eum ipsum locum videantur natæ, in quo sunt ab scribente constitutæ; si non sint quam oporteat cœbriores. ut enim hebescunt oculi pluribus luminibus obuii; quæ ferre non possint: sic mentis acies nimia sententiæ turbatur, percipit difficilius, obtunditur ciuitas. Sed in omnibus illud, quod nobis supra memoratum est teneatur medium, neue in alterutram partem

tem declinetur, sed linea seruetur Stoicorum, unde
merito figurae, atque ornamenta sententiarum appellantur,
quae illustrant orationem. quamuis, & suas
quoque figuras habent verba, sed tanguntur magis
animi, mouentur, atque excitantur sententiis. Est & al-
tera sententiarum diuisio, quaedam enim aperte po-
nuntur, ut Nè quid nimis. Veritas odiū parit. Nosce
te ipsum, & quae sunt eius generis. Teguntur, atque ve-
lantur aliæ, ut quae per allegoriam cognoscuntur. de-
clarat Marcus Tullius quinto libroruim, quos de fini-
bus conscripsit Homeri fabulam de cantu Sirenum
Vlyssem inuitantium. non enim existimat cantus sua
uitate, aut nouitate vocum allicere solitas nauigan-
tes, sed quod varias profiterentur artes, scientias, dis-
ciplinasque diuersas; homines discendi, sciendique ad
se traxisse desiderio. Honiceri carmina sunt odiseæ
libro duodecimo siue p.

Διεργά γέγον πολύχαιρον οὐδυσσεων μέγακηλος αχειλλος.
Νίκα κατάστησον ιναριτίρην ο πάκουσης.
Οὐ γάρ πω τις τῷδε παρηλασθειμελανη;
Πρίτιγ μέτι μελιγγην χπάστομάτων οπάκουει.
Αλλ' ο γε τερτάμενος νεῖται καὶ πλείονα ιδλαί.
Ιδμεν γάρ τοι πάιθ' οστιν τροική εύρειη
εργεῖοι τρώεις τε Αεῶν ιότητι μόργυσσαν,
ιδμεν δέ θεσα γίνεται επιχθονί πουλυβοτείην.

quæ in hunc maximè modum Cicero vertit.
*O decus Argolicum quin puppim flectis Vlysses,
Auribus ut nostros possis agnoscere cantus?*

F 2 Nan

Nam nemo hæc unquam est transuersus cœrula cursu,
 Quin prius astiterit uocum dulcedine captus,
 Post uariis auido satiatus pectore musis
 Doctior ad patrias lapsus peruererit oras.
 Nos graue certamen belli, clademq; tenemus
 Græcia quam Troiæ diuino numine uexit
 Omniaq; è latis rerum uestigia terris.

Iam Horatius Iliada, atq; odisseam ἀλληγοριῶς altera prioris libri Epistola declarat. explanationis initium hinc sumitur Iliados.

Fabula, qua Paridis propter narratur amorem
 Græcia barbarie lento collisa duello
 Stultorum regum, & populorum continet æstus.

Odiſſeæ.

Rursus quid uirtus, & quid sapientia possit
 Utile proposuit nobis exemplar Ulyssem.

Quid cum Proteum Neptunni pascere phocas, in uariasq; se vertere formas fabulantur. nonne sapientem virum describunt tot formas accipere, quot ca leat artes? quæ est etiā Herodoṭi sententia. cecinit in carcere Socrates Aesopi fabellas somnii (ut ipse ait) expiandi gratia, quo musicem exerceret iubebatur si forte vulgarem præciperet musicam, addito in Apollinem procēmio. niempè propter sententias, quæ sub apologis latent. eadem ratione apud Plato nem

nem Protagoras, fabula quid sentiret dicitur explicasse. quanquam ille, ut potè sophista laqueis capere volebat Socratem, qui cum disputabat. Quid Gygis annulus cuius pala ad volā versa nè videretur efficiebat. nōn ostendit peccandū non esse nè si Deos quidem, atq; homines latere se quis posse speraret: deniq; Philosophis nullus alias est fabularum usus, quam ut sententiarum utilitatem inde suscipiant. vivendum tamen est, sit nè huiusmodi fabulis, fabulosis sententiis ei, quem quærimus utendū scriptori, & ut breui me expediam sic iudico, ex persona scriptoris nequaquam licere, ex aliena tamen concedi. Patauinus enim Liuius Agrippæ Menenii fabulā narrat de membris contra stomachum cōiurantibus, qua plebem patribus dicitur conciliasse. Quæ fabula si verbis consideretur inanis sanè videbitur, sententia persuadendi uim habuit. & de elocutione quidem satis. Tum assistentium quidam multo tu sanè breuius, quām vellemus ista percurris, nè tamen cursus orationis impediatur, quem ego inuitus interpellauī ad cetera, quæ proposuisti perge. Tum ego nihil a me dictum est noui, nihil quod ab antiquis, clarissimisq; nō sit traditum, atq; obseruatum authoribus; quo factum est, ut haec breuitate vos putarim esse contentos. cum præsertim neminem hic viderem, qui multoties, quæ a me dicta sunt non legerit; atq; adeo sit

fit assequutus. quare ad ea, quæ restat amice deuenientur opinor; deq; historiæ generibus paucis dicendū.

Quot, & quæ historiæ genera.

SINT enim plura historiæ genera statuenda, an simplex sit omnino, vnaq; omnis historiæ forma dubitari posse video. etenim scribendi, vel modo, vel serie differre aliquid inter se scriptores, dubium non est: finem tamen eundem, idem argumentum, non sanè numero, sed forma (vt Philosophorū eloquar more) historicos omnes respicere constat. finis enim est vtilitas, (vt initio dicebamus) argumentum vero' maxima ex parte rerum gestarum expositio, sed quoniam pleriq; diuidunt, nos quoq; secernamus, duplaremq; faciamus historiam: vt sit altera, qua populorum, gentium, nationum, Regum facta narretur. Altera, quæ constantium rerum ordinem, ac firmitudinem declareret. Vnde naturæ quidam se tradunt historiam scribere, quam etiam scindentes Philosophorum quidam, & maximæ quidē authoritatis inter quos est & Aristoteles, & scholæ successor Teophrastus animantium sc, atq; plantarum historias tradere profitetur. illud vero' quæstione dignum videtur, tractationem de anima recte ne an perperam historiam vocent. videtur enim certa res historia, de anima vero' acriter Philosophi præliantur, certant opinionibus, adeo ut quem sequare, cuiusc potissimum assentiare non habebas

beas. nec responderi sanè potest varias in plerisq; rebus vulgarium historicorum esse sententias. nam in rerum summa conuenit inter eos, de tempore, parētibus, nominibūs, patria quorundam dubitatur, qui bus etiam nō cognitis, historia percipi nihilominus potest. at in his quæ de animo disputantur nihil habeas quod pro certo affirmes, nisi in alicuius verba iuraueris, & tamen ea ipsa diputatio sibi nomen historiæ vendicat, propter hoc opinor quod si animū hominis exceperis, animum inquām, quo a cæteris secernitur animātibus reliqua certa sunt; quæ denu triente, mouēte, caq; qua sentimus traduntur anima. dici etiam potest, superioris quoq; mentis historiām esse, certa sunt enim omnia diuina, cumq; traduntur tamet si varient propter nostram imbecillitatem, retamen eadem esse, idq; ad historicam satis expositionem videri. Quod vel eo maximè probatur argumento, quòd cernitur in natura, de cuius principiis tot sunt ferè sententiæ, quot conscripsere Philosophi. Alia nempe censet Anaxagoras, Empedocles alia. Iam ausi sunt quidā non solum plures mundos, sed innumeros etiam statuere, innumeraq; intermūdia. Iā quidā extra mundū aliquid esse suspicati sunt cū vnicū posuissent, quodq; extra esset infinitū assuerarunt. Quid nō stellas, terræ humore nutriri, vel certè maris, tam quibusdam verum visum est, quam
quod

quod verissimum. Et tamen in tanta rerum varietate vniuersi propè naturæ se historiam scribere prædicauerūt. vnū modo, simplexq; scientes esse verū, atq; id ipsum se tenere putātes. Res n. ipsa nō scribēdi ratio, siue figura historiā vtiq; facit, cū re, non verbis verū falsumū iudicetur. ego quidē dicerē, qui istiusmodi disputationem historiam appellauerunt hoc fuisse secutos, quod scilicet historicos legerent diuersas & in consiliis capiendis, & in rebus ipsis narare sententias. quare & obiter disputata, & opinionū expositionem historiæ nomine decorarunt, quod si largimur, omnes ferè disciplinæ historiæ promerebuntur honorē. nisi melius fortè dicatur, quicquid præter rem gestam scribatur historiam per translationem vocari, de his autem satis multa. scribendi quidem non omnes vnum idemq; genus probarunt. nam quidam tempora secuti sunt, non tamen annorum ordinem in numerū redegerunt, vt quid quoq; gestum sit anno, velut scopo proposito cognoscatur. Ii satis habuerunt tempora temporibus cōiungere, factis facta non annorum numero, sed gestorū successione. qui verò annalium scriptores nominantur in his, quo anno historia cœperit, quo finita sit. i. quousq; scriptor peruererit, quid mediis annis atq; intercidentibus contigerit intelligi facile potest, qui mos apud Romanos à maximis pontificibus principium

pium, atq; originem traxit, qui acta singulorum annorum prescribere consueverunt, idq; historiae genus, quæ prima fuit apud Romanos annales maximi sunt appellati. fuerunt admonetæ, annales etiam linte, quibus vtitur maxime Liuius. fuerunt qui vitis hominum scribendis, prodendisq; moribus animos oblectarint, quos Plutarchus Philosophus historicis non adnumerat, cum & vitas ipse conscripserit. credo quod non gesta narrare studuerint, sed animorū pictores haberi: ut cum mores, vitam, vietum, consuetudinem hominum nobis ante oculos ponerent notiores nobis essent, quam si illorum statuas cerne remus, vel pictam certe tabellam oculis, atq; animo lustraremus; quam etiam utilitatem historia præstat. sed illud forsitan interest quod historia sit Reip. hu- ius, vel illius hominis vita, in qua id modo tangit scri ptor publici muneris, quod contingit ad illum vnu pertinere. Mihi quidem vel priuata historia, vel minus accurata vitarum perscriptio nescupanda vide tur, ut nec penitus ab historia recedat, finemq; habeat ab historia remotum, atq; alienum; cum altera versetur in publicis, altera vitis hominum describē dis sit occupata. & de historicis quidem generibus hæc habui ferè quæ dicerem. difficillimum est quod sequitur, est enim quemadmodum historia tractāda sit præcipiendum, qua in re nisi vos tam attentos vi-

G derem

derem nihil penitus aggrederer. videndum enim mihi putarem, vt materiam meis viribus aptam sumerem, diuq; versarem quid recusaret humeri, & quid ferre valerent. sed tantæ vestræ attentioni qua sitis benignitate facile ostendenti deesse non licet, & si vereor nè perpetua non sit, nihil enim habet delectationis, nihil voluptatis, aut suavitatis oratio. Præueniam tamen vestrum ipse fastidium, remq; quam breuissimè potero absoluam, vt & vos attente audis se non pigeat, & ego non succumbam oneri. Illud vnum scitote rem esse vestris auribus, atq; hoc confessu dignissimam, sed quò grauior est, cò magis vietandam molestiam puto; ad pensum igitur deueniā nè quid vobis debeam; vos, quos mihi hactenus præstistis ad dicenda seruate.

Historicæ præceptiones, quæ potissimum scriptori seruandæ.

NVNQVAM mihi quidem satis pro merito laudare posse uidetur Deus ille Opt. Maximus mundi melioris origo, rerumq; parens omnium, & opifex natura, siue prouidentia ea sit, quam προσοίκων Græci vocant, seu uis quædam diuina cuncta patrans, seu animus, mensq; mundi, siue quicquid sit illud, quod naturæ nomine delectetur. Videmus enim nihil constitutum esse necessitatis gratia, quòd idem ornatū, ac pulchritudinem nō præferat; quod quidem pluribus

ribus argumentis facile mihi fuerat ostendere, nisi a' clarissimis authoribus esset iā accuratissimē disputatum. Illud certè dicendum est, cuius causa hæc nobis est oratio suscepta, omnia scilicet quæ de historia nobis sunt adhuc posita, & quæ statuentur non minus ornare, quam confidere. Nam et si præcipua ornamenta ab elocutione petuntur, cæteræ quoque partes suum habent decus, atq; speciem, quæ res lectionis exercitatione nemini non ut opinor patebit; sed cominus pugnandum nobis est, atq; quod recepimus aggrediēdum. Et de pronunciatione quidem dicere nihil iam supra docuimus attinere, scriptorē enim non recitatorem statuimus, licet vetere more cuperent homines sua scripta recitare, idq; præclarum existimarent: non tamen eorum nobis habenda est hoc tempore ratio. Memoria fateor scriptorē egere, quemadmodum supra quoq; demonstratum est, nè sibi contraria scribat, né ue sapius idem repeatat, historiamq; perturbet; cui rei naturam consuluis se puto. Stuporis enim est incredibilis, atq; adeo inhumanus, vel legendi crebritate non uidere, quæ superioribus sint aduersa, quæ uero fuerint ante tradita. Cicero tamen in claris oratoribus enumerandis Curionē, eius Curionis patrem, qui Trib. plebis in Africa dum Cæsar's partes tueretur interiit. adeo hebetem ingenio fuisse scribit, sic infelicē memoria, ut nè tē-

G 2 pora

pora quidem, de quibus scriberet recordaretur, & cum Cæsarem consulem reprehenderet, quæ post consulatum ab illo sunt administrata, tāquam prærita criminaretur. Sed hoc rarissimū est, & eius qui dē hominis, qui totā causam, quā dicturus erat oblitus sit in iudicio. scriptorverò noster, ea memoria cōtētus erit, quā acceperit a natura, qua tamē bene vte tur (crescit. n. colendo memoria) ut ablato situ, atq; squallore redduntur agri fertiliores. legat sua scripta frequēter, deleat, mutet, amputet, vbi fuerit opus au geat. ut lapides eiiciat asperas, seu asq; sententias, duri tiē verborū nō secus ac sentes euellat; sic & perficiet opus, & sibi memoriā comparabit, quem Thesaurū rerū omniū merito M. Tullius appellat, quæ nisi ac cesserit custos verborū, atq; sententiarū, & ipsius etiā dispositionis cūcta corruāt, pereātq; necesse est. sed neminē ita natura destituit ut Curionem, quare vt paulò ante dicebam ea contentos nos esse decet, qua nos natura donarit, ea nāq; exculta adolebit bonāq; pariet frugem, quam nonnunquam augebit stvlus, nonnunquam etiam resecabit, ac s̄epius. Probè mi hi nanq; dicere coloni videntur, qui semper falce vtē dum esse confirmant, semper securi; nunquam enim deest quod reseces, quod amputes, quodq; rescindas. Maxima pars igitur operis exercitatio, assiduitas diligentia, sed cæteræ partes iam sunt illustran dae

da, & quoniam elocutionem iuxta institutum nobis transegimus opus, ad inuentionem redeamus si pauca prius de iudicio dixerimus, sine cuius ope nihil dignū, nihil graue, nihil exageratum, examinatumque confici potest. Magna est vis iudicandi, maximeque necessaria, quam cum sibi omnes polliceantur, paucitamen (ut mea fert opinio) consequuntur. nulla est enim res vel domestica, vel forensis, vel priuata, vel publica, quae iudicii non desideret operam, auxiliū non expetat, paccabis nisi in agendo, in contemplando, in deliberando, in scribendo iudicium adhibetur. nemo scriptor, nemo bonus orator, disputatorque sine iudicio fuerit. nemo recte non iudicans probè philosophabitur. itaque ut animus vniuerso corpore continetur sic per omnia orationum genera officiū diffunditur, estque dictorū, factorum, scriptorum omnium mens, atque animus. M. ergo Tullius iudicium oratoris maximum esse munus existimat. M. Quintilianus vel sextū putat officiū oratoris esse, vel ad reliqua cuncta referendum officia, de quo paulò accuratius sum loquutus, ut vos monerem nullā vitā partem probē, cōmodē, & quilibet absque iudicio transigi posse. est igitur iudiciū quod imprestentia quaerimus rerum, verborumque, delectus, modum adhibens, distinguens, atque aperiens dicentis, scribentisque sententiam. hoc comitatur imitatio, magni.

cfr

est iudicium scire imitari, sed imitationem prætermitto, longi est enim sermonis, aliudq; poscentis dicēdi genus. de iudicio dicere pergo, quod tribus rationibus cōparatur ætate, vſu, diligentia. quis enim dubitat melius iudicare senes quam adolescētes, maturos intelligo senes, non eos, qui ad infantiam senectutis vitio redierunt. Iam experiendo fieri iudicium nemo negabit; itaq; qui magnis in rebus versati sunt, quorumq; maximus est vſu hi consulere, hi iudicare creduntur optimē. quantam autē vtilitatē afferat iudicantibus diligentia testari possunt multi, qui naturæ destituti donis hebetes, atq; rudes, profecerunt tamen diligentia tantum, ut prouidere, consulere, iudicare egregiè censerentur; quod in omnibus artibus est exploratum. Superat, superat inquam naturæ incommoda diligentia, eaq; maxime iudiciū parat. quid autem pro sit scriptori iudicium, quæ deinceps dicemus ostendent; nunc vt decretum erat de inuentione dicamus. iam enim necessariam scriptori, quem instruimus ostendimus inuentionem, quandoquidem qui eam adimunt illud ipsum, quod relinquent inuentione sublata dare non possunt, cū palam sit delectum argumenti vim sibi inueniendi vē dicare. Sed omnium primum quid oratoria inuentionio ab historica differat videamus. sunt autem discrimina tria, primum quidem quod orator non tam

vera

vera querit, quam uerisimilia, historicus semper uera. amittit enim historiae dignitate qui vera falsis inuoluit. unde queri solet sint nec historicis adnumerandi, qui poetarum historias canere profitentur, quos quidem historicis ego non aggregauero. neminem enim video qui fabulam non misceat historiae nisi forte credendum Homero sit Alexandum Menelao ereptum a Venere, vel Venerem ipsam, Martemque a Diomede vulneratos, quid Deorum iurgia memor? quid adulteria? nam lasciuos canere amores in lucro & ille, & ceteri ponunt Poetae. Quid noster Maro? & quando probabit Aeneam a Didone visum, fœminamque castissimam insigni nota altis licet versibus canat historia refragante nunquam inficiet. Mitto ceteros omnes enim eodem fuso paribusque delinimentis carmina decorant. quibusdam tamen nec Poetæ quidem videntur existimantibus nihil præter fabulas esse poeticum. sed & ii quidem non omnia dicunt, nam Deorum laudes canunt Poetæ, quas palam non esse fabulosas. de illis loquor hymnis, quibus supercos nostra veneratur ætas, nam vetera Deorum cōmēta nefandorum demonum inuenta credi par est; unde excusantur qui Poetam fabulatorem scribūt inania quedam numina decantarem, ego sanè huiusmodi scriptores Poetas existimabo suoque genere, ac nomine appellabo Εποπαιούς, de quibus infra erit forte dicendi

di locus illud in præsentia teneamus historicum in primis præstare debere, ut sit verus, quod Græci nō seruant historici, quo fit ut inter eos de rebus sæpe non leuibus oriatur dissensio, seq; mutuo accusent quasi dicta die, sed Græcos quidem scriptores insita natura leuitas, atq; inconstantia apud quosdam forte defendet; nos historicum veri defensorem esse volimus, atq; narratorem. Quod autem diximus, similia veri oratorem querere, a consuetudine potius quam a re ipsa suscepturn esse videtur. etenim si vir bonus sit orator veras semper causas defensitabit. nos tamen eo simus oratore contenti, quem vulgo cognoscimus, qui falsa probat nonnunquam, quod sint uerisimilia. Alterum discrimen est, ea sanè ab oratore reperiri, quæ huic tempori uni cōferant causæ. Historicus vero inueniet, quæ propagentur in æuum, atq; adeò frequentius, quæ ad ciuitates, gentes, nationesq; pertineant. Tertium uero discrimen dicitur, quod orator totam inuenit causam, omniaq; argumenta præter ea, quæ dicuntur artis expertia. scriptor vero noster rem gestā accipit, neq; ipse aut cōminiscitur, aut reperit. est tamē aliqua similitudo inter orationem, atq; historicam inuentionem; nam & in certis personis laudandis, vel certè vituperandis, accusandis, vel reprehendendis historicus sæpe versatur, ut cum Themistoclem, Aristidem laudat,

Paulaniā

Paulaniam accusat, atq; vituperat; Periclis acta defen-
dit. est & alia similitudo, quod vterq; ab his, quæ in
promptu sunt inuentionem aucupatur, popularis est
enim oratoria dictio, popularis & historia. itaq; ab eo
dem naturæ fonte inuentionem vterq; videtur hau-
rire, sed quid, & quomodo inueniendum sit histo-
riam scribere constituenti iam præcipiamus. Princi-
pio vires examinet suas, atq; scriptiōnem illis accō-
modet; illud enim Horatii præceptum, licet poetis
traditum sit, omnibus tamen prodest, & præsertim
historicis, qui sibi proponere debent magnum esse
suscep̄tum onus, totq; sustinere personas, quot histo-
riæ subiiciunt. Quid igitur præcipit ille Poeta?

*Sumite materiam uestris qui scribitis æquam
Viribus, & ueritate dum quid ferre recusent,
Quid ualeant humeri, cui lecta potenter erit res
Nec facundia deseret hunc, nec lucidus ordo.*

Quibus versibus non solum egregius, prudensq;
Poeta examinandas vires præcipit, sed & vim inuen-
tionis demonstrat, cum ergo quid efficere possit hi-
storiā scripturus perpenderit, tū suis facultatibus
accommodeſt scribenda. sunt enim multi orbis hi-
storiā tradere polliciti, qui cum in ipso aditu defe-
cissent turpissimi sunt existimati, atq; impudentissi-
mi. Ego quidem minora viribus, potius quam maio-
ra profitenda consularem, nē fumus ex fulgore; sed

H ex

ex fumo non expectatus oriretur splendor, mallem
tamen non scribere, quam argumentum sumere nō
illustre. mihi. n. valde probatur, Alicarnassei Dionis.
sententia in rerum Romanarū exordio vbi obsecrū,
tenueq; indignum historico p̄dicit argumētum.
scriptorem igitur non neruis destitutū, sed robu-
stum volo, qui fœtum edere possit historia dignum,
sed ad reliqua pergamus. Vbi scriptor igitur quid si
bi sit scribendū, quo usq; progrediendū delege-
rit, quæ ad eam rem pertinent diligenter inquirat,
vel veteribus legēdis authoribus, vel ab his, qui in-
terfuerint sciscitādo, nec ab omnibus quidē, sed ab
his dumtaxat, qui scire potuisse c̄dantur, vel ab his
cognouisse, qui sciuerint fideliter explicata. multi
multa narrant homines glorioſi, vt sibi apud alios au-
thoritatem parent, quæ nesciunt, quibus nō affuerūt.
Multi vulgi sequuntur rumorem, audita loquuntur,
qui nē a quibus quidem audierint affirmare possunt,
quos non sequetur historicus si me audiet, sed cura-
bit omnino vt liquidum, purumq; hauriat quicquid
sit illud, quod scribendū repererit. Quinq; sunt
autem scriptori reperienda Causæ, Consilia, Faculta-
tes, Tempora, Occasiones non enim credibile est ad
fusciplendū, deponendumq; bellum reges, popu-
losq; temerè, ac sine causa moueri. Intercesserunt
leuitissimæ ſepenumero causæ, sed tamē aliquæ, nam
& iis

& ius etiam bellis, quæ populari temeritate cepta sunt rerum nouarum cupida multitudine; subesse tamen causas necesse fuit, quæ quo sunt occultiores, eò sunt accuratius expōndæ, atq; altius nōnunquam repetēdūt h̄t historiæ munus expleatur. Vjdētur etiā bella præter omnium expectationē deposita, quod sine certis causis factum non fuisse constat, hæ sunt etiam aperiendæ, in omnibus tamen habendum existimo modum, ne aut negligentius quam oporteat tractentur, aut altius quam sit opus petantur. Alterum enim & obscuram efficit narrationem, & notam iniurit scriptori pigritiæ, atq; socordiæ. alterum officit breuitati, parit fastidium, scriptoremq; ipsum affectatorem inanis gloriæ cogit existimari. Causas autem non vniqa ratione considerari palam est. quædam enim efficiunt, ac mouent, ut illatæ iniuriæ, quibus satisfactum non sit. incitant quædam, atq; stimulant potius quam efficiunt ut desiderium Imperii, inuidia alienorum bonorum, metus imposterum; plerunq; enim accedit ut occupemus ipsi cum veremur ne quiescentibus nobis præueniant alii, nostrumq; conuellant statum. quod nuper Senensi bello perspicci potuit. Causarum etiam, quædam in nobis ipsis sunt, quædam extrinsecus accedunt. In nobis ipsis, ut cum ad fugiendam seditionem domesticam bellum externum ciemus, uel cum abundantes multitu

H 2 dñe

dinc colonias deducimus ut plebeii exoneremus.
Extra nobis eueniunt quæcunq; ab aliis efficiuntur,
vt cum axilium finitimi petunt, vel cū fines nostros,
aut turbant, aut occupant. Causarum præterea quæ
dam sunt, quas præuidere potuimus, quibus etiam
ob viam ire, quædam subitæ, insperatae, repentinae,
quibus subita adhibenda sunt remedia, has omnes
causas, earumq; genera,uenta, remedia cognosce-
re, tradere, explicare scriptorem oportet, nequid sit
in historia, quod desiderari possit. Consiliorum lo-
cus est alter, quorum cōiuncta causis sunt quædam,
alia sc̄iuncta. non enim sat est ad rem aliquam agen-
dam, vel certè prætermittendam causam subesse ni
si fieri, vel prætermitti, vel in alijud certè tempus dif-
ferri interim dissimulari conducat, quoties enim le-
gimus minoribus maiora prælata, dilata quædam, re-
cepta iterum cum maxime oblitterata putantur, hæc
atq; huiusmodi consilia causis constat esse cōiuncta,
quæ verò sc̄iuncta sunt, ac separata cœptis plerumq;
rebus capiuntur, ad eaq; referuntur, quæ nobis sunt
deinceps tractanda. sunt quædam etiam consilia ex
templo sumenda, cū enim res eueniunt eiusmodi,
vt repentino sit opus factio, tempus consilio non da-
tur, nè dum Rom. e cōsulitur, expugnetur Saguntū,
ut est in prouerbio. consiliorum autem genera, par-
tes, tempora, non est huius operis enumcrare sufficit
monuisse

monuisse. prudentem enim scriptorem volumus,
non ignavum, aut rudem. Facultates tertio nobis lo-
co positaे fuerant, quæ maximam vim habent in re-
bus agendis: hæ diuiduntur in publicas, & priuatas,
publicæ sunt ut ærarium, copiæ, commeatus, & quæ
sunt eiusdē rationis: & priuatis quidem opibus respu-
blica crescit, penduntur enim tributa, cum vsus vide-
tur poscere, & boni ciues priuatis facultatibus au-
gent, iuuantq; remp. existimantes videlicet in colu-
mi rep. queri posse facultates. Priuata simul cum pu-
blicis interire. Decet igitur scriptorum historiam
nosse quoq; quibus facultatibus prædicta vel ḡs, uel,
ciuitas fecerit aliquid, aut nō fecerit vis enim efficiē
di facultatibus consideratur, quibus metimur, quo-
usq; progreedi liceat, vbi consistere. Tempora sunt
etiam respicienda, quæ duobus modis consideran-
tur, aut enim facultatibus iudicātur, aut ipsa tempo-
rum conditione: accidit tamen aliquando, vt con-
tra fortunam sit enitendum, cum res differi non pati-
tur, neq; in aliud vulnus tempu reici. Ad tempora re-
ferre solemus nobilitatem, vetustiora enim putatur
nobiliora, nouitas frequenter contēditur, sed tempo-
rum quidē ratio late patet, quæ est scriptori in prom-
ptu semper habenda, vt sit lucidior historia distin-
cta temporibus, ut quo gestum sit tempore vnum-
quodq; possit intelligi. nec tamen veniri ad epheme-
ridem

ridem placet minuta nempè hæc rerum quasi in particulas cœsis parvas molesta admodum esse solet; non in temporibus solum, sed in ipsis etiam rebus; unde Timæus a Plutarco repreheditur quod minima, quodq; minutissima consecetur, fractamq; nimis tradat historiam. Reliqua est nobis occasio quæ latissime patet, de qua hoc solum præcipiendum videatur; quemadmodum principem reip. in omnem occasionem intentum esse oportet, ut & prosperis vtaatur; & aduersantibus obstet; non minus historicum explicaturum esse diligenter quæ captæ, quæ dimisæ sint occasiones, quibus diligenter, negligentiusue sint usi illi, de quibus verba fiunt, ut & historia sibi constet, & res quemadmodum gesta est cognoscatur, suumq; perficiat scriptor opus. Ex his quæ nobis dicta sunt illud intelligi licet, quod cum de inuentione disputaremus initio posuimus scriptorem suis utoribus historiam examinare oportere, quam sit traditurus, ne succumbat oneri, neve ut dici solet in itinere deficiat. Nam non incipere satius est, quam cœptis non ponere finem, & de inueniendi quidem ratione tot sint nobis dicta, collocationem paucis absoluamus. Ordinem, dispositionem, collocationem tribus nominibus rem nuncupatam eandem sanè videmus, in qua diligentius elaborandum est; propterea quod omnem dictionem illustriorem reddit ordo,

do, & suis locis singula disposita, & placent magis, & nitent. Etenim si confusa omnia posueris, sint licet egregia, non secus feceris, ac si mihi præclaram supellestilem auri, argenti, eboris ostenderis, ut sint tam omnia confusa, & coaceruata, quod sit vniuersum iusq; rei precium, quæ dignitas, quæ habeant usum, quamue cōmoditatem vix intelligam, vel si aulea pulcherrima, ornataq; præciosissimè indomus obscuriore parte collocaueris, impensam omnem, operamq; certè perdidieris, sunt igitur (ut me paucis expediā) suis quæq; statuenda locis, quæ vis est collocationis, quæm pulcherrimè ante oculos ponit Hora tius Poetica canens præcepta, vel oracula potius veribus hisce.

Ordinis hec uirtus erit, & uenus, aut ego fallor.

Ut iam nunc dicat, iam nunc debentia dici

Pleraq; differat, & præsens in tempus omittat,

Hoc amet, hoc s̄ernat promissa carminis author.

Vnde perspic̄i satis potest, primum venustatem orationis dispositione perfici, mox ordinem, ordinisq; rationem dispositionem esse. nam quod Poetis præcipitur hac in parte, ad oratores, historicosq; trāsferatur, quod in exordiendo seruari maximè solet, vide riq; curiosius vnde ducendum optimè principium existimetur. itaq; Homerus non ab Helenæ raptu, non a Græcorum principium coniuratione auspicatus

tus est poema, sed ab Achillis ira, iurgioq; quo cum
Agamennone contendit. Maro quoquæ maximo cū
artificio (vt ego quidem opinor) cum Aeneam Car
taginem aduexisset, illi belli Troiani narrationem at
tribuit, eamq; ipsam non ab ultimo repetitam princi
pio, ab equi dolosa fabrica cœpit. Sed quid ego Poe
tas memoros? cum spectem Aristotelem in his libris,
quos editos, & non editos profitetur eum ordinem
sequutum, ut eorum omnium, quæ natura conficiū
tur priore disputatione initia tradiderit, descripscerit
naturam altera. Est certè fortiorum laterum, magna
rumq; virium vnde sit incipiendum, quousq; pergen
dū, quid hoc, quid illo loco statuendum acutius per
spicere, animaduertereq; diligentius, quod post pau
lo dicetur apertius. Hæc tamen res tantæ utilitatis,
tantiq; emolumenti paucissimis transfigitur præce
ptionibus. Tria sunt enim quibus collocatio compa
ratur Assidua lectio, eius, quod scribitur cognitio, ad
iuncta prudentia. plerosq; nouisse me memini qui, &
obscurissimè dicebant, & collocabat pessimè, quod
ea, de quibus dicerent non satis tenerent. An creditis
in describendis regionibus hominum variis legi
bus, ac moribus, ingeniiq; diuersis parum rerum ge
starum scriptores aliquando confundi? quod ea neq;
percepta, neq; cognita habeant? certè & lectione ma
gna opus est, quod ostendimus paulò supra, & eo, de
quo

quo iam diximus iudicio, unde originē prudētia du
cit. sed iā quae præcipi possunt tradamus. Vel rerū est
collocatio, vel certe verborū, & verborū quidē collo
cationem cū stylus optimus dicendi artifex, ut recte
M. Tullio videtur, tum frequentia, exercitatioq; pa
rit, neq; enim infantem adsciscimus ad scribendum.
præterea quoniā rebus accōmodāda sunt verba, qui
rerum ordinem ritē seruauerit, verborum etiam tue
bitur. quod sentiens Horatius nec facundiam, nec lu
cidum defuturum ordinem illi cecinit, cui callide'
res esset inuenta. Tota igitur nobis erit contentio
in disponendis rebus, in quibus id præcipi solet, vt
is ordo seruetur, quo res gestæ fuisse dicantur, ut ge
stis coeant gesta, tempora temporibus aptētur; quē
ordinem mutare sāpe cogimur, cum aut aliquid no
bis altius repetendum est, aut digrediendum, quod
nec temerē, nec crebro fieri oportet, sed vtilitatis
alicuius gratia; vel ut historia sit expressior, uel mo
lestiæ vitādæ gratia, quod cautē nimis est faciendū,
vel hominis alicuius, aut loci significandi, quod fit
tribus de causis, vel cū ex infimo auspice vel virtute,
vel fortuna ad summū quis sit euectus, quemadmo
dum de C. Mario Salustiū, cuius primordia narrat
in Iugurta, vel quod frequens de illo habenda sit in
historia mentio, ut idem Sillæ ingenium in eadem
historia ponit ante oculos, vel cum ingenium ho
I minis

minis imitandum proponitur, vt cum Catonis integritas vel superioris Africani singularis narratur modestia, vel Crassi eius, qui cū illo ipso Scipione fuit consul virtus summa describitur. Est .n. vitæ speculū historia, actionumq; omniū dux, atq; magistra. adde vero si altius quid repetendū sit nō est ut aiunt incipiendū ab ouo, sed unde necesse sit incipiēdū, & quo res postulet prægrediendū. cum autē molestiæ vitā dæ causa digredimur dāda primū opera est nè ab scopo discedamus, ut cito reuertamur, vt casu, nō sponte, id ipsū narratiōe poscēte digressi esse videamur. illud verò attendendū est diligentius, cōtingit .n. plerumq; ea nobis esse narrāda, quæ pluribus gesta sunt locis, maximis interdum maris, terrarumq; interuallis, sciunctis, atq; remotis. Hic ergo videndum erit vt interpositiones tum fiant, cum maximè decuerit non sine præfactione quadam. dum hæc aliis locis geruntur: alio conuertenda est oratio: ad ea reuertamur, quæ geruntur alibi, & quæ sunt eius generis. Illud certè iterū, s̄epiusq; testabor dispositionem nō tam præceptis, quam scriptoris prudentia, diligenzia, iudicio, exercitationeq; parari, omnia .n. quæq; ad breuitatem, quæq; ad perspicuitatem spectant, atq; proficiunt sunt in collocando accuratius consideranda, de quo plura dicere non libet, non quod argumentum dificiat, sed quia quæ dici possunt a' Rheticis

Rheticis libris petuntur. significauimus enim initio historicum oratorem esse, & magnum quidem oratorem, ab ipso igitur fonte diducendum videtur, quicquid ad hunc locum confere putabitur. Ego quidem separavi ab oratoriis historicas præceptiones, vobis ut morem gererē, ut leuiter eruditī orationem ab historia sciungerent, & quatenus historicus oratoria capiat, vtaturq; rhetoricis cognosceret, quare de collocatione h̄tē satis. Tunc quidam, qui proximus mihi sedebat iampridem inquit orationē tuam interpellare cogitaueram, continui me tamen, atq; cohibui nē si dicentis impetum tardassem nō facile foret eādem vim accipere, denuoq; recuperare; puto. n. intentum animū relaxari nolle, donec quo semel pergere instituit tādē peruerterit, nunc vero quo niā collocandi finē fecisti, locus mihi tui patet interpellandi. nā ea quæ de argumētis dicuntur ab his, qui dicendi artē tradiderunt, & inuenienti, disponenti arbitror esse comunia. Reperiēda sunt. n. prius argumēta, repertaq; disponēda. Quæro igitur primū vtatur nē argumentis historicus, & si quidem vtatur, qua potissimum sint collocanda ratione, quæ cum ille dixisset, atq; conticuisset fateor erubuisse me, quod id nō videram, quod ille vidisset; Tum quod præter spem ceciderat, iam enim omni me molestia putabam esse liberatum. Ne tamen infantissimus uiderer cum

I 2 præsertim

præsertim tam multa solus dixisse in hunc modū respondi. Neq; argumentis historicum omnino carere doctissime vir affirmarim, nec tamen quemadmodum in oratione summam in his ipsis historiæ positam esse crediderim, quod sanè contra in oratione sentio, cuius summam argumentis constare liquere mihi satis existimo, quod quidem (si modo audiendus est Aristoteles) patebit omnibus, ait enim philosophorum, rhetorumq; maximus causarum corpus probationibus confici, corpus autem probationum prædicat entimema, quod secus habet historia vnde veri petitur simplex, puraq; narratio, non factum nè sit quid, aut quo iure sit factum disputatur, & quoniam me prouocasti hunc quoq; locum, ut cætera carptim attingam.

Brevis argumentorum explicatio.

ARGUMENTORVM duo constat esse genera, altera quidein petuntur ab arte, altera sunt artis expertia, quæ tamen (ut mihi videtur) cum ad rem, de qua agitur pertineant inde petenda videntur, sed quoniam nō arte parantur, sed petuntur extrinsecus, arte merito vacare dicuntur. his igitur argumentis, quæ comparantur arte historia non vtitur nisi in cōcione aliqua deliberatiua, vel certè suasiua, nam cū in omnibus generibus, quod inter clarissimos cōstat authores, sint idem status, eisdē ex locis venabimur argumenta.

argumenta. In orationibus igitur quæ miscebuntur historiæ, nihil vetat artificiosis argumentis vti; in historia nihil est opus, nisi forte vtamur exēplo, quod quidem non tam argumenti vim habebit (ut quibusdam placet) quam figuræ. Ego confirmare potius, & declarare, quam probare censeo, non quod historicæ exempla vim probandi non habeant, quibus & oratores, & philosophos probationum nomine vti plerumq; video. sed nunc de historia loquimur, quæ exempla sumit magis vt confirmet aliquid, quam vt probet. his autem argumentis, quæ diximus arte carere vtitur historia crebro, sumuntur hæc autem ab authoritate. vtitur verò cum factum aliquid, vel non factum ostendit potuisse, vel non potuisse fieri, & in posterum quoque sermonem trahit quid euenturum sit si hoc statu gubernetur Resp. Illud etiam quæritur, & in vtrāq; partem argumentis exagitat quid fuerit, aut non fuerit futurum. qua in argumentatione exortæ plerumq; ponuntur, quæ sunt verissimilia Ciceronis; sed cum hæc omnia (vt dicebam) ad conjecturam referantur, quæ argumentis nititur extra reperitis, parvūn crit negotii historiam scribēti cum artificiosis argumentationib; illud profecto tenebo επιχειρησα, cetera q; ratiocinandi genera historico cognita esse oportere, tum propter orationes, tum etiam quod ab oratore nō separo (quod initio mihi

dictum

dictum est) opificem, conscriptoremq; historiæ. Ipsa
verò expertia artis argumenta leuius, grauiusq; sunt
tractanda, ut res ipsa, causaq; poscere, ac desiderare
uidebitur. quæ cognitio prudentiam desiderat, scri-
ptorisq; iudicium, vt argumentorū habere delectū
possit. pugnat Dion nescio quis, contra famam, &
multo confirmatam tempore, & plurimorum autho-
ritate roboratam, contendit vietam Græciam, uicisse
Troianos, intelligit veterator difficilem a se cau-
sam suspectam, authoritate fulcitur Homeri, cona-
turq; illum ipsum Poetam, vnde captæ Troiae nobil-
itata sit fama aliud sensisse, Græcorumq; ignominia
ocultasse cōsulto. Hunc nisi ab ipso subsidium mu-
taretur Homero omnes sanè riderent, si quis autem
contenderit argumētis etiam quæ nobis largiuntur
artes vtendum historico fore, non repugnabo, ipsa
se tamen veritas sua sponte patefaciet. Nunc illud,
quod exciderat, dicam nō paruum scriptori nostro
subesse labore, cum in eum locum deuenire con-
tingit, vbi variāt authores, opinionibusq; certatur.
Nam si omnes narrare voluerit in eum sāpe recidet
scrupulum, ut nullum inueniat finem. si præterierit
nescisse credetur, plurimumq; amiserit authoritatis,
Medium igitur teneat oportet, ut & celeberima di-
cat, & quasi per transenam (ut dicitur) capitibus, su-
misq; expositis absoluat, sic & historiæ satisfaciet, &
retinebit

retinēbit authoritatem. Illud quidem animaduer-
 tisse vos arbitror aliud me probare, aliud confirma-
 re pronunciassē. Cōfirmatio sanē genus probationis
 videtur, & in hanc sententiā consueuit usurpari. Ego
 vero leuiorē probationē cōfirmationē vocaui intelli-
 gens historiam leui potius opinione, quam argumē-
 tis demonstrantibus niti. Sed locus admonet, ut de
 confirmatione, & illi finitima confutatione paucis
 agamus. Tum audientium quidam tractus inquit re-
 rum, sermonumq; natura vel inuitus nobis gratifica-
 beris. ego vero quasi ea res nihil ad me pertinuisse
 dicere perrexi. Confirmat orator quidem vel cum
 ea, quæ narravit argumentis asseuerat, atq; munit,
 vel cum siquidem narratio nō subsit quæ proposuit,
 vel quæ suadere conatur rationum robore probat,
 cui videndum est nē vel minimum relinquat in au-
 dientis animo dubium. etenim quicquid relīctum
 fuerit locum aduersarii vel rationibus dabit, vel ca-
 lūniis. Confusat autem orator cum alterius partis
 argumēta reprobat, et iūcitq; ut auditor intelligat nul-
 lā penitus vim habuisse. At historicus neq; tanta cō-
 fligit arte, neq; collato Marte contendit. quare non
 temere leuem quandam vel persuasionem, uel opi-
 nionem historicam nuncupauimus confirmationē,
 nam & abest aduersarius nec de vita, aut fama, fortu-
 nūc contenditur. Sed iam vos nicas inceptias audiē-
 do

do fessos arbitror; fuerit igitur operæ premium ante
me facere finem quā a vobis deserar, atq; relinquar.
Tum nescio quis, nam vocem hominis, nec audisse
me quidem antea memini; scis inquit discessu inter-
dictum esse tibi priusquam absolueris omnia, & ego
sanè perlubenter, quæ a te dicta sunt accepi, & multa
explicata non nego, & scitu quidem digna: suspicor
tamen dēsse nescio quid, quod explicare non sane
valeo, id vt expediās quicquid sit, nobisq; explanes
quæsumus. huic homini respondere parabam, cum
alter fidenter satis ait. duo sunt tibi prætermissa, nā
cum historiam narratione maximè constare dixeris,
vis, naturaq; narrationis tibi fuerat explananda, vt si
plura narrādi genera forent, a cæteris historicum se-
cerneremus, sīn vnicum sciremus illud cuiusmodi es-
set. Secundo loco imitationem vtilem historico pro-
posuisti, quam fugax laboris omnino dimisisti. nunc
igitur accingere, tibiq; persuade hinc te non ante di-
scessurum, quam abiecta segnitie nobis penitus mo-
rem gesseris. Hæc ille. ego vero nutare cœpi, vtriq;
respondere cupiens, nec ab vtro potissimū inciperē
satis mihi cōstabat. Accedebat illud, quod obtēperā-
dum mihi videbam, & optabam euadere; itaq; subi-
tum consilium in arena ex tempore cœpi, prioreq;
relichto ad alterum me verti. Non putabam inquam
amicē ad clepsydrā mihi hodie dicendum esse, nō
enim

commissem me ut insimulares pigritiae, sed quoniā nec mei iuris hodie sum, neq; arbitrii obsequar, & quæ petuntur absoluam, dicamq; de narratione primum.

NARRATIONEM quām *Διήγησιν* Græci vocant finiri non posse puto, est enim multiplex, quod cum accidit diuidendum prius, quam definiendum præcipiunt, ego tamen non ante partiar quām quæ omnium narrationum opinor esse communia paucis ex posuero. Volunt igitur qui diligentius isthac persequuntur breuem, dilucidam, verisimilem, moratā, cum dignitate narrationem esse. Breuem appello, cui nihil desit, nil supersit. Breuitas autem tribus spectatur temporibus, principio, medio, fine. nam nec ab ouo (vt aiunt) gemino decet incipere, sed vnde necesse est, & ex medio resecanda sunt omnia, quæ quamuis in re sint posita ad id tamen ipsum, quod narratur non pertinent, neq; ad extremum peruenientum est, sed ibi potissimum finiendum, vbi quantum necesse sit explicuerimus. Dilucida vero tum fit narratio, cum rerū seruatur ordo, vt quid primū, quid deinde gestum sit intelligatur. res rebus, tempora temporibus, personis hereant personæ; nihil dicitur ambiguè, nihil contortè. In verisimili narratione id modo quæritur vt fieri videatur potuisse, quod factum esse narretur: sunt enim multa, quæ ve

K ra

ra sint licet, nec vēdibilia tamē sunt, nec plausibilia; non n. facile cadit in hominū animos effici ea potuisse vel tūc, vel eo loco, vel ab his, vel eo pacto, quo facta dicātur; quare Poetæ cū ea narrent, quæ sentiāt in credibilia, Deorū autoritate nituntur; quādo insitū omnibus in animo putat Deos omnia posse, nil nō licere superis. Morata verò narratio & dicenti, scribētiūc gratiam, authoritatēq; conciliat, & audientes, legentes ué non alienat. Certè dignitatem narratio postulat: non n. mimicam petimus narrationem, sed cum grauitate conditam, tum exornatam sententiis, verbisq; decoram, quamq; non respuat seueri Cato-nis dignitas, nec se dedecere putet Xenocrates. Illud intelligendum est, moratam narrationem non posse dignitate carere: potest autem esse magis, minus ué grauis, hæc quidem in tota oratiōe, historiauē seruāda videntur. Putant oratores tamen hoc ipsum ad narrationem maximè pertinere; verum hæc omnia ab oratoriis petantur præceptis, quorū interest hæc accuratius docere. Mihi satis est monstrasse loca; vē nio iam ad partitionem narrationum, quam sum pollicitus me traditurum, vel potius ad diuisiones (sunt enim plures.) Est igitur prima diuisio, quædam veræ quædam fabulosæ narrari; quot autem fabularum sunt genera, totidem fabulosarum sunt narrationū, in quibus si modo præexercitamēta quæ vocantur,

Prisciano.

Prisciano sunt authori tribuen la, adolescentes apud veteres exerceri primū solebant, ut ad maiores exercitationes præpararētur; cuius exercitii duplex erat ratio: aut enim fabula nuda narrabatur, aut ficta inducebatur persona narratis, quam *προσωποποίησι*, nomine appellabant Græco. omnis autem ficta persona prosopopeia est, de veris mox narrationibus sequitur altera partitio, aut rerum enim narratio est, aut personarum, tametsi huius diuisionis membra vix alterum ab altero separari posse videntur, quoniam vero seorsum animus capere potest, nō erit alienum sciungere. In rebus ea considerantur omnia, quæ verisimili tributa sunt narrationi: Personarum narratio ab animo, corpore, externisq; sumitur: itaq; & virtutes exponuntur, & vitia, & quæ in corpore bona, malauic perspici solent, & præter ea, quæ sorte bona; malauic obtigerunt, euentorum etiā habetur ratio, quæ lœta, tristiauic, prospera, vel aduersa ceciderint: omnia deniq; referuntur, quæ vestigare in homine consueimus. Fuerint igitur diuisiones istæ quasi præludia quædam, & præsultationes, præcursionesq; pugnantium; iam conserenda manus est, pesq; (ut dicitur) pede terendus. Narrationū enim poeticæ quædam sunt, oratoriæ nonnullæ, historicæ quidē aliæ, quas idcirco ponimus, quoniam semouendas censemus ab historicâ narratione. nam licet non inficie-

K 2 mur

mur. Historicas oratorias esse narrationes. dabant
tamen opinor omnes non eadem ratione in forensi-
bus causis, atq; in historia narrari. seponenda sunt igi-
tur narrationum genera, nec sane' sciungendi facul-
tas erit nisi cognoscantur. nam & poetica quam simili-
lma videtur historicæ, cauēdum est igitur nē simili-
tudine decipiamur. Poetica igitur narratio in tria di-
ducitur genera. est enim comica alia, altera tragica,
tertia quam Græco nomine dicimus Επωποια, singu-
las igitur explicemus scorsum, a comica incipientes,
quam consentaneum est leuiorem esse, ut & persona-
rum decor seruetur, & rerum. sunt enim patres fami-
lias media de plebe, qui in comœdiis aguntur. itaq;
Soccus comicus est non cothurnus, quare vetat Ho-
ratius Deum comœdiis interesse nisi (ut ipse ait) di-
gnus inciderit vindice nodus. & Plautus diligēter ob-
seruat, qui amphitrioris fabulam quoniam persona
inducitur Imperatoris, numinumq; duorum Mercurii
scilicet, atq; Iouis tragicam comœdiam & esse vo-
luit, & vocavit. socco videlicet cothurnoq; dixtin-
ctā, quā præceptionem nescio an negligentius ser-
uauerint Græci; nam inanimatis in comœdia miracu-
lum astruens, sermonem tribuit Aristophanes. iā
ranis datos etiā choros in comœdia cernimus, sicut
& nebulis apud eundē Poetam, sed Plautum quidē,
quem opum Deum rudis existimauit vetustas, comi-

co

co videmus stylo ab eodem Aristophane deformatum . illud apud nostros vsu venisse constat, ut prologis comœdiarum miscerent diuos. Apud Plautum enim. Rudentis prologum agit Arturus, Lar aulularia. Sed hæc disputatio eius est, qui poetica præcepta tradere profitetur, nos aliam iniuiimus rationem: reuertamur igitur eò, unde digressi sumus, dicamusq; comicam narrationem accomodandam esse fabulæ , vt illa . Nam is post quam excessit ex ephebis Sosia. & illa Samia mihi mater fuit, ea habitabat Rhodi. Accidit plerūq; vt in eadē comœdia sapient narretur, ut in Eunicho apud Terēt. Phedriæ narrat Thais de puella sorore credita , quæ Athenas adducta esset Cherea sodali, quo maximè pacto viciasset virginē, & si quæ sunt in eadem præterea narrationes comœdia . Habet illud præterea Comica narratio, quod cum Tragica est illi cōmune, ut frequenter interpelletur, quod pulchriorem eā facit narrationē, vt apud Terentium, dicēti seni, quod pleriq; omnes faciunt adolescentuli, vt aninum ad aliquod studiū adiungant, aut equos alere, aut canes ad venandum, aut ad Philosopho , nihil horum ille egregie præter cetera faciebat, & tamen omnia hæc mediocriter gaudebam. Respondet seruus Non iniuria. nāq; hoc arbitror in uita apprimè esse vtile, vt nequid nimis. totam qui legerit narrationem interpellatam serui responsis

responsis intelliget. siunt autē aliquando & μοισθόγια quædam, in quibus narratur aliquid nulla interpolatione, quia loquitur vñus, vel suas narrans misterias, vel genus, vel prospeçā, adulantemq; fortunam, vel quo potissimū tēpore amare cœperit, vel quid in amore boni sit, vel mali consequutus, vicia aliquando sua, vt apud Plautum in Trinumo. Tollit etiam plerumq; comœdia vocem, narrandoq; proxime ad oratorium accedit candorem, atq; adeò ad iudicialem seueritatem, vt est apud Aristophanem in Tesmophoriis, quod eò videtur insigne magis, digniusq; animaduersione, quòd persona mulieris inducitur; exemplum libuit apponere nostris latinisq; verbis, adieçto Græco principio, vt studiosi facilius & inueniant, & perlegant. mulier igitur inducitur Euripidem accusans Poetam, in hanc maxime(ut opinor) sententiam. Nulla ego quidem ambitione mulieres ad dicendum surrexi potissimum; sed quod miserè doleo, excruciorq; mente, nos iam pridem ab oltricis filio cernens omnibus contumeliis Euripide vexari; qui tragœdias spectate populo, inq; Theatrum coacto, in nos inuehitur acerrimè, ebrias, meœhas, mēdaces, fideifragas appellans; viorum perniciem mulieres esse dicens. itaq; sic nostris persuadet viris, ut redeuntes domos nullum non lustrant angulum exploraturi adulteri nè ocultetur aliqui.

cubi. Iam nè coronam quidem texere licet obiicien-
tibus adulterii suspitiones coniugibus: si vero vas vn-
guentarium exciderit hospiti corinthio, clamitant
fuisse paratum; quid? iam si Diis placet nè colorem
mutare licebit: nam si puella languidula, pallidu-
laue fiat, eum sibi colorem suspitosus frater minime
placere conclamat. sterilis vero supponat mihi nūc
obsecro puellum, partumue fingat? nō vtiq; poterit,
assidet enim diligētius maritus, exploratq; partus. &
quidem ducebant olim puellas senes, nunc vero ab
Euripide persuasi non ducunt, qui minimē tutum se-
nis cubiculum inquit adolescentula vxore. & cū hæc
omnia mala nobis intulit, tum domesticum abstulit
imperium. etenim penu custodiunt viri, nec farinæ,
olei, vini promēdi reliqua nobis est facultas, nec ama-
toribus sanè aperire possumus, obsignātibus omnia
uiris exiguis admodum clauibus Spartano more cō-
fectis, tribus compactis clauulis, sigillisq; paruis ad
modum, quæ tineas corrosisse dicas. Hunc homi-
nem vlciscendum, puniendumq; censeo, ac deme-
dio vel veneno, vel quauis arte tollendum. Plura mi-
hi dicenda fuerant, quæ cum venerit scriba literis
comittenda curabo. Huiusc narrationis Græcum
hoc principium est.

Φιλοὶ μὲν θεωρία μὰ τῷ θεῷ vñsq;
τὰς ἀλλαμέτα τῆς γραμματίως συγγεάθομε

Quid

Quid potuit in iudicio accuratius? nec dubito fore quosdam, qui enumerationem non narrationem hanc putent appellandam. ego vero enumerata quæ ab Euripide paterentur mala mulieres non inficior: narratum tamen cōtendo, admonet enim mulieres, ac docet quod proprium est narrationis, neq; aut legere, aut natura vetitum est quo minus & narretur simul, & enumeretur; sint licet enumerationes nihil omnino narrantes, cuiusmodi sunt quibus in perorādo vtuntur sēpē numero Rethores. ergo tollit plerumq; vocem comœdia, & iuxta Flacci sentētiā iratus Cremes tumido delitigat ore. hæc autem narratio, cuius exemplum appositum est ad deliberationem spectare videtur, non enim vim iudicandi mulieres habebant, sed tamen (ut dicebam) ad iudicariām grauitatem accedit, indignationis seminibus passim per omnia iactis. Nūc nisi quid videtur aliud comicis contrectatis ad tragicos est accedendum.

Cum omnes in eodem perstarent silentio, eademq; ut mihi videbantur attentione, quasi nouum natus principiū sic dicere pergo. Tragœdiæ grauitas, cothurniū; maiestas cum cætera sibi postulat accommodata, tum maximè narratives, quare si qua præcepta dari possunt a Poeta sunt mutuanda tragico. illud certè prætermittendum non est. nullum certum narrandi locum propriumq; esse tragico, variasq; dispersas

spersas esse per omnem ferme tragœdiam narrationes. narrat Iouis Sacerdos apud Sophoclem in oedippo tyranno Thebanam ruinam, & pestē. narrat in Antigone tragœdia satelles sepultum fuisse Polinicem. Narrat nuncius Hermonis, atq; Antigones cedē, narratur mors etiam reginæ. sunt autem breues admodum narrationes, atq; interpellatae nonunquam vel a choro, vel ab aliqua persona, quam inducat Poeta. nec de tragica quidem narratione habeo plura quæ dicam. trālibimus igitur ad Εποποιίαν si primum vos monuerimus longiusculas plerumq; narrationes accipere tragœdiam, cū causæ reruin exponuntur; vt si Telamon, uel Peleus Phocæ mortē, suiq; exilii causas exponat. Aliquando quas quis sit passus erumnas, quas miseras enumerat, quæ narratio quidem est, quod genus cōmune est tragico, & Εποποιώ: ut mox ostēdemus. sed iam ad tertiam Poetice narrationis partem veniamus, quam diximus Εποποιίαν. Oportet autem illum appellare, ut Suidæ, pluribusq; Græcorum placet, qui fabulam historiæ misceat, quem tragœdi admodum similem esse constat: Nam & dignitas personarum, & rerum grauitas eadem, & iidem propè fines. Differt tamen, & genere carminis, & actione personarum, quæ habentur in tragœdia: Agnoscit autem Aristoteles hanc non exiguum similitudinem ubi de poetica disputat. Plato Εποποιούs nō

L veros

veros credit esse Poetas, cui sententiae & Aristoteles,
& M. Quintilianus, & probatissimi plerique suffraga-
ri videntur authores, quippe qui eos vere Poetas in-
telligunt, qui fabulantur. Ego certe, duo εποποιῶ
genera puto, alteros enim arbitror maximam vim in
historia ponere, ut Lucanum, ut Silium. Alteros in
fabula ut Vergilium, atque Homerum. Sed haec non
nostræ sunt tractationis, ad poeticam enim facultatem
spectare videtur. posui tamen quoniam ad narratio-
nem explicandam non inutile duxi. tum quidam de
Lucano, & Silio nihil sane dubito: de Vergilio autem
& Homero, quid sentias scire velim, curque maximam
eorum vim infabulis esse dixeris. ad quem ego; licet
dicentem interpellare non proposit, simque iam dicen-
do fatigatus, tibi tamen morem geram. Homerū
igitur sunt qui dicant totam historiam peruerisse in
queis Dion quidam est (de quo supra nobis est facta
mentio, repetimus tamen hoc ipsum quæstione po-
scente, eritque forte hominis hoc loco sententia clari-
rior,) qui falso captam Troiam peculiari libro con-
scripsit; is Helenam Tindaro volente patre, Casto-
reque, ac Polluce assentientibus fratribus nubuisse Pari-
di tradit, viciisse Troiam, viatos Græcos, icto federe
abscessisse, hoc sentire flaccus etiam videtur altera
prioris Epistola libri, ubi Paridis amorem, Helenæque
raptum canit esse fabulosum, quorum carminum su-

pra

prae meminimus, quanquam Flacci versus non satis
 indicant nubserit ne' Alexandro Helena an unquam
 hominem viderit. Herodotus certe ad Troiam Helenam
 non accessisse quibusdam authoribus scriptū
 reliquit, patet igitur id, in quo maximè Homericum
 poema nititur fabulosum esse. ergo peruersa est hi-
 storia, totusq; fabulosus Homerus generis nomine
 Poeta vocetur. sin aliquid ad historiam referendum
 est, quoniam id plurimis obscuratur fabulis: nam &
 ab hominibus vulneratur diui, & interesse pugnant,
 ac disident, amores etiam miscent, & adulteria,
 Εποποιη letetur nomine. Hæc ad Homerum. Vergi-
 lium autem historiam contexisse fabulis ambigit cer-
 te nemo. Totum enim quod ad Didoneam attinet fa-
 bulosum est, fuit enim castissima mulier, mortemq;
 sibi ne' pollucretur consciuit. neq; Aeneam videre
 potuit, ætate multo superiorem, ut cæteras fabulas
 omittam, quibus abundat Aeneis, sed de Poetis, de
 quibus dubitatum erat, satis sit dictum. ad nostrum
 redeamus opus. quæ cum dixissem. Alter cui obse-
 scro Poetarum generi Parmenidem, Empedoclem:
 interq; latinos Varronem, atq; Lucretium connume-
 rabimus, qui carminibus philosophati sunt? explica
 quæso fessus sis licet. huic ego; Εποποιη eos dixerim,
 non tamen ea significatione, qua nobis supra nomen
 tractatum est, sed Εποποιη sequutus vocabuli, quasi arti-
 fices,

L 2

fices, versuu m̄q; factores. sed parcite iam n̄e videamus iuxta prouerbium omnia confundere legumina, atq; in unum aceruum, eundemq; redigere, ac si placet suscepsum opus perficiamus. Narratio igitur Εποποία historicam admodum imitatur. nam & perpetua narratione vtuntur ambo, & miscent integras orationes diuersorum generum, præsertimq; concessionales, ut cum apud Homerum deprecatur Apollinis Sacerdos Chryses Atridas, cæterosq; Græcos ut donis acceptis, charissimam sibi filiam restituāt, quæ Græcē sic incoatur.

Ατρείακτε, καὶ ἄλλο ὀκνηματικῶν &c.
vel cum Nestor placare nititur Achillem, atq; Agamemnonem in mutuam perniciem sequentes cuius est initium

Ωπόπι ἡ μέγα πίνθος ἀχαιοῖσι γαῖαν ικάρες &c.
præterea variant narrationes, nouas inducentes personas vt Glaucus apud Homerum suum genus Diomedii narrat hoc videlicet principio

Εστὶ πόλις ἴφυρη μυχῶ ἄργιος ἵπποβότοιο &c.
vel cū Vlysses suos casus ab Antinoo a Pheacum Regero gatus exponit, quæ narratio integros consumit libros sumpto a . siue nono in hunc modū principio

εἴμι ὁδὺς τύπος λατερτιάδης, ὃς πᾶσι πόλοισι &c.
longum esset huiusmodi omnes persequi narrationes; illud est tamen intelligendum, causas aliquando narrari, res nōnunquā. narrat causas Vergilius in ipso

so Aeneidos primi libri vestibulo, Iunonis iras expo-
nens his versibus.

*Urbs antiqua fuit, Tyrri tenuere coloni,
& quæ sequuntur. res autem narrare agreditur ibi.*

*Vix è conspectu sicolæ telluris in altum
cum reliquis orationibus quoq; vtitur ut cū Aeneas
socios cōsolatur ad Africæ littus deuetus inquiens*

*O socii (neq; enim ignari sumus ante malorum)
quæq; sequuntur, & cum Ilioneus Didonem exorāre
nititur his orationis captis auspiciis.*

O Regina, nouam cui condere Jupiter urbem,

*Iustitiaq; dedit gentes frenare superbas,
vel idem Ilioneus cum apud latinum sui Regis expo-
nit mandata Aeneidos septimo hinc exordio maxi-
mè sumpto.*

Rex genus egregium Fauni, nec fluctibus actos

Atra subegit hyems uestris succedere terris

Nec sydus regione ui.e, littusue fefellit. &c.

longam etiam narrationem instar Homeri, latinus
molitur Poeta. inducit enim Aeneam roganti obtē-
peraturum Didonis, & Ilii ruinam, excidiumq; narrat
se, & suæ casus nauigationis, quæ cum altero libro in-
cipiatur, finitur tertio est autem principium.

Incipiam. Fracti bello, fatisq; repulsi

Ductores dannum tot iam labentibus annis, &c.

in ipsa etiam narratione inducitur noua persona vt
apud

apud Virgilium volumine tertio Græcus Achemenides, qui narrare sic occipit.

Sum putria ex Ithaca comes infælicis Ulyssi

Nomine Achemenides Troiam genitore Adamasto

Paupere (mansissetq; utinam fortuna) profectus &c.

vna cum cæteris. hæc fermè sunt versificatoria (ut ita dixerim) narrationis genera pariter, & exempla, quid igitur inter Εποποιο, atq; historicum interest? quod carminibus nēpe non alligatur historicus, sed (ut meminimus in superioribus) latioribus vtitur numeris, ac liberioribus. adde quod historicus vera (si modo historicus ē) perpetuo narrat. falsis vera inuoluit Εποποιο; atq; historicus & ordinē rerum, & orationē sequitur: nō cogitur Εποποιο poematis suauitati cōsulens, atq; ornamento. accedit etiam quod veris nititur exēplis historicus: plerumq; fictis Εποποιο; ac de narratione in vniuersum poetica pro temporis breuitate sit dictum. sequitur oratoria, de qua eo breuior nobis futurus est sermo, quod supra dicta plura fuerunt, quodq; præcepta ab oratoriis petenda sunt libris, artibusq; rhetorum. sed tamen dicamus eam in iudicali genere maximè versari, nam de liberatuum, atq; demonstratuum raris narrationibus asperguntur. nam & qui laudat breuiter quod laudat exponit: & qui deliberat non degestis, sed de futuris consilium capit. accidit tamen narrare laudatorem,

torem diffusius rem gestam exponentem, quod contingit in funebribus maxime, quæ sunt quasi vita eius, qui laudatur narrationes, quemadmodum Iso-
cratis Euagoras. Deliberator etiam narrare potest,
cū ex aliqua re gesta quid sit futurum conatur ostendere. propria tamen iudicialis generis est narratio.
nec tamē in omnibus causis quæ iniudicium veniūt
narrandum est, cum enim de facto constat, totusq;
conflictus in iure versatur, nihil erit opus narratione,
nisi fortè nō eodem modo factum reus, accusatorq;
contendet. solent tamen ea etiam narrari, quæ aper-
ta sunt, atq; cognita vel augendi, vel minuendi gra-
tia, quod si verum est, non erit narrationis finis in hu-
iusmodi causis semper docere iudicem: licet huius
rei causa inuenta narratio videatur. Illud etiam aiūt,
qui hæc subtilius examinant, narrationem consulto
prætermittendam si vel oblit, vel certe non profit.
Adiicitur etiam illud, argumentorum semina, quibus
causam oporteat confirmari per narrationem
vniuersam serenda videri. Illud vero diligenter præ-
cipiunt, ut tempus, locusq; narrandi accurrius co-
sideretur. etenim re paucis exposita; immo' vero'
proposita, narratiōe supersedet accusator. Reus etiā
non narrat cum ab accusatore narratum est, ut infi-
ciari non possit, narrat vterq; cum configunt inter-
se narrationes. Sunt qui dicant propositionē antepo-
nendam

nendam narrationi, quæ sæpe postponitur ut Cicero
pro Milone, pluribusq; in locis; sæpe nulla ponitur.
Nec semper exordium narratio consequitur, cum ip-
sius causæ necessitas aut confirmare prius cogit, aut
confutare, quod Cicero in Milonis illa defensione
diuina planè testatur. nisi enim ostendisset defendi
licere eum, qui hominem ab se fateretur occisum, ni-
si indicasset nullum senatus præiudicium contra Mi-
lonem esse factum, nisi aperuisset arma Pompei salu-
taria potius Miloni, quam aduersa fuisse comparata,
Iudicibusq; potius absoluendi, quam condemnandi
datam esse tabellam, vel certè liberam iudicandi fa-
cilitatem, frustra sane narrasset. quod confutationis
genus M. Quintilianus proœmio existimat adiungē
dū, sed satis iam satis, oratoriā vexauimus narratio-
nē, ad historicā, quæ iam pridem nos ad se vocat trā-
scamus, quā quidē nō propterea separauimus ab ora-
toria, quod oratoria non sit, cū historicum supra nō
oratore solū, sed magnum etiā oratorem sæpe posue-
rimus. Sed quòd interesse putamus aliquid inter fo-
rensem, historicamq; narrationes. id .n. solū respicit
forensis, cuius patrocinī suscepit. equū, bonum, iu-
stū, iniustū maximè curat, & forte quod appetet po-
tius quā quod existit, subtilitati disputationis vim
quādam vchementē adiungit. historici finis nec laus
est, nec vituperatio, nec utilitas, nec capitis ac fortu-
narum

narum defensio, vel accusatio contra: sed rei gestæ, quemadmodum gesta sit explicatio. laudat ille quidem, vel certe' vituperat aliquando, deliberat etiā nonnunquam. sed hoc non quòd sui muneris sit, sed quòd ita causa postulat, videtur efficere, vel per trā sitionem vitandæ molestiæ causa, vel declarandorū consiliorum gratia, vel quòd res gesta facilius expōnatur, si consiliorū rationes, laudesue, aut vituperationes inserantur. Est tamē historica narratio forēsis admodū similis, nec dissimilis (ut vidimus) Εποταῖς. verūquid præcipiā? omnia supra videntur absoluta. referam tamen aliquid, vel repetā potius superiora quò magis hæreant. Nolo igitur scriptorem eum, quo de nobis est sermo, minima quæq; consecrari; quo loco merito Timæum a' Plutarcho reprehēsum puto. ad hæc sunt quædam, quæ si modestè tractentur, non tātum ornant historiam, sed & magnopere conferunt, ut quæ ad religionem pertinent explicata maximè conducunt, quemadmodum videlicet, quantoq; studio gentes, populi, nationes, reges colere numina consueuerint: quantum tribuere sacrīs, quæ auspicia, diuinandiq; genera vel susceperint, vel repudiarint. nimietatem video fugiendam, quæ fastidium parere solet. itaq; noster reprehenditur Liuius a quibusdam, quòd in prodigiis enarrandis, prodigiorūq; procreationibus nimius fuisse iudicatur.

M sed

sed hæc defendi forsitan poterunt Liuiana: non est
tamen hic locus. iminet.n. scrupulosior præceptio,
difficultatisq; plenissima. sunt enim qui præcipiant
vt satietas fugiatur, elocutionem cræbro mutare, nā
ut illud missum faciam, valdè arduum mihi videri a
graui ad mediocrem, a mediocri ad humilem dicen-
di rationem descendere, vt taceam finitima vitia,
quæ ni diligentius caueris, aut tumebis penitus, aut
ipso aresces iejunio.iuris nostri nō est quoties libeat
aliter, atq; aliter eloqui, rebus enim verba cedunt,
suntq; accōmodāda; quare nec leuia graui, nec gra-
ua leui, nec infima vtrolibet superiorum generum
trahabuntur. placet itaq; orationem varietate dele-
ctare, seruato tamē decore, de quo suo tempore pro-
nunciatum est. Nec illud filebo, dandam operam
esse, vnum ut corpus totius historiæ fiat, cohoreant
inter se partes, membrorum corporis instar. Itaq; va-
riam, atq; multiplicem historiam partiendam existi-
mo, quoniam coniungi, atq; vniri nequit. vt alia sit
Macedonici belli, alia Asiatici, alia narratio Pirati-
ci, quam rem dum Græcorum, Latinorumq; scripto-
rum quidam uehementius exagerant, in maximum
incidere vitium, arctè scilicet nimium, conciseq;
scribendi, in quibus ex nostris, & Lutius Florus con-
numeratur, & Velleius paterculus, quos ego histori-
cos nē dixerim, quippe qui summas rerum & ca-
pita

pita congerunt, & quasi epitoma conscribunt. qui licet glorientur nudam ab se historiam tradi, animaduertant tamen peccare se, non enim sola rei gestæ traditione constat historia, sed causarum, morū, consiliorum, temporum, locorum, personarum explanatione, quæ adeò nudæ exprimi sanè non possunt, sed de omni narratiōe plura etiam, quam opus fortasse fuerat dixisse me video; itaq; extremū quod proposuerā p̄stabo, & quæ de imitatione fuerint dicenda paucis absoluam.

Quæ sit imitandi ratio.

FVISSE quosdam accepimus, qui nullam omnino admitterent imitationem, tantumq; statuerent conandum, quantum quis natura, ingenioq; consequi posse speraret. Diffidit inquiunt naturæ, qui hominem potius, quam optimam rerum omnium officem sequitur, quæ hominum malignitas est, atq; superbia; exerceantur igitur ingenia, excolanturq; diligentius, cætera natura sine alicuius imitatione p̄stabit, rationi autoritatem adiiciunt; aiunt enim Horatium clarissimum vatem diuinitus eloquutū, imitatores pecora seruientia vocare, itaq; penitus imitationem de medio tollunt, suisq; castris exulare iubent, nec animaduertunt plurimas se, atq; optimas artes repudiare. num non imitatur qui pingit? qui aere, qui marmore, qui ué cera excudit? non nè vni

M 2 uerſa

uerla poesis imitatio quædam est, pictura scilicet lo
quēs iam Geometriam disciplinarum omnium per
fectissimam omniaq; Mathematica cogūtur explode
re, necesse enim est aut μάθησιν imitari naturam, aut
naturā ab ipsa sciētia, disciplinaūe mutuari; altero ni
hil ē verius, altero nihil alienius formauit natura cer
tis figuris corpora, quam imitati prudentissimi viri
eas ipsas ab omni corpore seiunctas, ac separatas sola
mente, solo contemplantur animo. quid de Musica
dicam? concentum enim cœlestem imitati homines
præstantissimi summis ingenii prædicti, neruisq; &
vocibus aptantes, Musicam disciplinam confecere.
sed longum admodum erit omnes recensere, vel ar
tes, vel facultates, quæ vel sola, vel maxima ex parte
constant imitatione. at iniuriam naturæ facis, cum ei
diffidas; immo tu maximam cum naturæ præstantis
simum opus inane fore contendis. nihil enim inge
nio præstantius tributum est homini, nihil in quo na
tura magis elaborarit, quæ si loqui posset hosce ho
mines grauissimè reprehenderet, diceretq; nihil a se
frustra factū fuisse. ingenium vero eo consilio tribu
tum homini vt meditaretur, seq; quæm proximè ef
ferret ad superos, imitaretur gesta parētum, atq; mul
torū succurreret imbecillitati, citaret vtiq; testem
Deum illum mudi cōditorem apud Timæum Dijs,
quos creauerat præcipientem, ut quemadmodum
ipsum

ipsum facientem vidissent, & ipsi facerent. Quid aliud est imitari? sed in re notissima nimium me fuisse confiteor. nam quod ad Horatium spectat nihil gloriabundo Poetæ respondendū arbitror cum negare præsertim non possit, se Alceum, Pindarum, Archilocum, cæterosq; Lyricos imitatū. quid enim aliud effecit, quam ut latine redderet ea carminum genera, quæ Græcè illi priores inuenerant, quibusq; fuerāt vel vīsi, vel delectati? Sed hos missos faciamus, qui more gigantum contra Deos pugnant, dum omni ope veritati repugnant. est alterum in imitatione vitium, non sanè leue; quidam enim eos tantum putant imitandos, ad quos ipsi possunt aspirare. Lysias mihi placet, Thucydidem probo, hi soli sunt Attici. Barbarus sanè fueris, si alios imitaberis, & ex nostris Florū quidam, aut Tacitum Salustio, Liuioq; præponunt, & Ciceroni sunt qui audeant anteferre Pliniū, de quibus nihil ego dicam; sint sanè sua ieiunitate contenti, nobis concedant, vt quod optimum sit in uno quoq; genere, id pouissimum imitemur. admonitos volui vos, nè in fraudem adduceremini, audiētes vel eorum disputationes, qui nullam imitationē accipiunt, vel eorum, qui eos imitantur, a quibus infantiam ponunt, quam eloquentiam percipient. quinquam & Lysiam, & Thucydidē imitandos esse non inficior, sed in his duntaxat, in quibus assurgūt, seseq;

seseq; efferunt, vel in suo certè genere: ea tamen
lege ut mihi liccat, quæ cognouero meliora proba-
re, sed iam ad imitationis venio præceptiones. Voco
autem imitationem diligentem rationem, qua stu-
diosè curamus vt in ea re, qua de agitur, similes ali-
cuius efficiamur. huius rationis septē sunt præcepta
(nisi fallor) quorum sit primum, dandam esse operā
vt optimum quemq; nobis imitandum propona-
mus, quem delectum non tam ex nostro iudicio fie-
ri volo, quam ex doctissimorum, probatissimorūq;
sentētia, placet enim Topicum illud Aristoteleum,
quod optimis, quodq; peritissimis videatur. nā ego
quidem mihi persuadco cum optimis erarre facius
esse, quam vel mihi auram vēdicare iudicii, vel cum
rudibus, atq; imperitis benè sentire, libentiusq; erra-
uerim cū Platone, quam recte sensero cum Epicuro.
Secundū hoc esto præceptū, quoniā homines sumus
errareq;, ac falli possumus, intuendas accuratius esse
virtutes, consideranda vitia: alteras vt sequamur,
fugiamus altera. Sunt enim quidam, qui cum aliquē
suscepérint imitandum, absque ullo discrimine, &
mala, & bona sequantur. sunt etiam peruersi magis,
atq; præposteri qui virtutes quidem deserūt, siquid
est vitiosi, id quasi dedita opera aucupantes sequun-
tur. Tertium autem erit eos potissimum imitan-
dos esse, qui in eo versentur genere, in quo & ipse
versatur

versatur imitator, nè forte dum aliud genus tractantes assequi nititur rei non satisfaciat, quam suscepit, non enim omnia omnium sunt generum. Itaq; Poetam potissimum imitabitur Poeta, historicum historicus, oratorem orator. sunt tamen multa, quæ ex aliis generibus mutuari possis, inq; tuam optare supelle. tilem, quæ negligenda non sunt, sed auidè conquirenda, conferendaq; in vsum, nihil enim impedit, quo minus a forensi dictione accipiat historicus aliqua, quedam sibi ab historia sumat orator, sed adhibenda cautio est, ut ea quæ aliunde capiuntur locis, temporibus, personis, dictioribus accommodentur, ut modus adhibeatur nè decipiatur specie recti, est enim magnæ cuiusdam scientiæ, singularisq; animi scire quando, quomodo, quatenus vnaquaq; re sit vtendum. Quartum accipite documentum: cauendum est magnopere nè dum imitari aliquem cupis, te ipsum adeò coarctes, vt nullum tibi relinquas locum, vt regredi possis, & ut ait Horatius.

*Unde pedem proferre pudor uetet, aut operis lex
in quo liberior campus oratoribus est, atq; historicis, quam Poetis, non enim tot astricti sunt legibus.
omnibus tamen est cauendum, nè dum imitari singula querunt, vel cōfundantur, vel corruant. Quin
tum iam ecce pr.ceptum. Tria sunt quæ imitari so-
lemus*

Iemus materiam, verba, elocutionem. verba dico nos imitari cum vocabula singula, quibus aliquem vsum esse cognouimus, nos quoq; in nostram trāsfērimus orationem. elocutionem vero, cum periodos, contextumq; orationis imitamur. verborum igitur, atq; elocutionis imitatio simplex est, in qua id est vidēdum, ut aptè cohæreat, quod imitamur, & nostrum esse videatur, ita sit appositè constitutū. Ad elocutionem quoq; referri potest sententiarum imitatio, quas frequenter a Terentio, aliisq; imitatur Cicero, vt cū Vatinium defenderet vſus est Terentiana sententia, qua par pari referēdum traditur, & alibi frequenter. Imitatio materiæ consideratior esse debet, videndum est enim vt alio modo tractetur, ut poliatur alio genere ornamentorum, ut demum his decoretur fucis, ut non videatur esse eadē. Flaccus hæc præcipit animaduertenda in hac ratione primum nè cōmunia vulgariaq; tractentur, nec verbum reddatur verbo Carmina sunt

Publica materies priuati iuris erit si

Nec circa uilem patulumū moraberis orbem.

& quæ sequuntur, sed maior est labor cum tota materia sumitur, quam cum pars aliqua. nam & partem nobis accōmodare licet, vt est apud Terentium in Andriæ proœmio Quæ conuenere in Andriam ex Perinthia fatetur trāstulisse, atq; vsum pro suis. Hæc tamen

tamen omnia experiendo, legendoq; docetur ludiosi, cum quid quisq; sit imitatus, percipitur classicus author. Quare hoc loco solet, an interpretatio sit imitatio quædam; & mihi quidem videtur pars quædam imitationis esse, neq; aliud conatum puto Marcum Tullium philosophia conscribenda, quam imitari Græcos, atq; experiri an latinè eadē dici possent ornatè. cū verò diuinæ orationes Demostenis, atq; Schinis Περὶ στρατείας latine reddidit in Cthesiphōtis iudicio habitas, tentare voluit an eadem verborum, sententiarumq; Schemata, eadem dicendi vis, idē ardor, feruorq; animorum referri latinè posset. minus tamen laborat interpres occultanda materia, magis autem conuersione linguarum. sextum verò præceptum est, cum non idem sit imitari omnino quod interpretari, sed aliqua tantum ex parte, curandum esse, ut discrimen inter nos, & eos, quos imitamur quoad eius fieri possit lateat, & ut in his, quæ imitamur vel illi ipsi, vel quam simillimi videamur esse. Cum enim Achillis arma Patroclus induit, Achilles non Patroclus existimari volebat, extremū verò præcipiamus imitādum esse parcē, nē ab aliis omnia, nihil a nobis expressisse dicamur, aliud est enim imitatorem esse, aliud scriptorem alienorum: habetis iam omnia, quæ recepi iam satis me torfistis, atq; exagitastis hodie. veniam obsecro date fesso, quam vel

N vobis

vobis inuitis tempus videtur esse daturū, quod nos ad corpora curanda vocat. Tum adolescens ille, quē cæteri primi sermonis auspiciem constituerant, desiderant inquit pleriq; quando explicata sunt cætera, aliquid de perorationibus audire, sint nè aliqua ex parte historico vestigandæ, hoc absoluas, expediasq; rogamus non aliter rude donandus, non fecus veniā, quam flagitas accepturus. Non eo inficias me subiratum intumuisse, existimauit tamē commodius, elegātiusq; mihi fore disimulare, atq; parere. Itaq; in hūc maximè respondi modum. Ego quidem aliquē finē statuo scriptori nostro, quicquid enim incipitur, est necesse finiri, non tamen eadem ratione, qua consueuerunt oratores perorant historici. etenim enumeratione non vtuntur, commiserationes verò fugiunt in vniuersis historiæ partibus, cum ex sua præsertim persona loquuntur, cum autem alienam induunt, cōmiserari licet: cum præsertim oratio ipsa, quæ sit habita describitur ut apud Liuum Locrensum legati Pleminium accusantes, vel Calicdensium bello Persi co de iniuriis querentes, quibus a prætoribus, classibusq; Romanis se violatos lamētabantur, vel Perseo superato Rhodiorum, cum Romauorū iram depræarentur, non tamen (ut dicebam) eadem est cōmiserationum ratio historicō, atq; oratori. In summa perorationes in concionibus, cæterisq; orationibus lentiores

lentiores quidem quam orator, sed tamen orationi
accommodatas. in ipsa vero historia nihil opus est ar-
tificioso termino, sed eo contentos nos esse decet,
quem adhibet ipsa natura. Concludendum est cer-
te, non tamen modulatè concludendum conclusio-
nibus tamen, & argumenta ciaudentur, & saepe perio-
di, quod genus conclusionum author Rhet. ad He-
rennum quarto eius operis volumine fi-
tur connumerare. Sed iam obsecro nobis
sulamus, ne forte rumpatur arcus, neq;
tationibus sufficiamus. quæ cum dixisset
satis dictum esse iudicarunt, discederunt
censuerunt, itaq; surreximus di-
toq; catu ad suos quisq; re-
uertit, ut corpori, vi
delicet operā
daret.

FINIS.

Pagina	versu	errata	correcta
9	12	adiciatur	adiiantur
10	13	extuans	extuans
19	14	mote	more
20	15	Conendētibus	Contendentibus
20	16	Iedunt	Iedunt
21	15	In crepat	Increpat
23	24	videantur	videntur
29	6	ille	illæ
31	21	Τπερβατῶν	Τ' περβατῶν
35	19	an putare	amputare
35	25	affirmat	affirmet
48	1	figra	figura
52	13	quem	quam
54	1	iudicium	iudicii
59	19	imposterum	in posterum
66	47	præfactione	præfatione
68	1	Entymema	Enthymema
70	1	desse	de esse
72	14	mutaretur	mutuaretur
83	10	interesse	inter se
84	21	Antinoo a	Antinoo
86	1	putria	patria

BONONIAE.

Per Ioannem Rubeum Typographum Venetum
Bononiensiq; ciuitate donatum.

Permittente Reuerendo P. Inquisitore.

005646406



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.124

KONSERVIERT DURCH
ÖSTERREICHISCHE FLORENZHILFE
WIEN